

رواية

خيوط ناعمة



علياء عصام دويدار

خيوط ناعمة

"ولنا مع من نحب حياة"

بقلم /علياء عصام دويدار

إهداء

إليك أيها الرجل العظيم، إلى
روحك الطاهرة، كم كنت أتمنى أن
تكون معي الآن، تقرأ ما أخطه
بقلمي، أستمع إلى آرائك، أرى
تعابير وجهك، لكن من يستطيع أن
يقف بوجه القدر؟ ولكني أشعر بك
الآن حولي تحثني أن أستمع أن
أخوض التجارب أن أسعى لتحقيق
أحلامي إليك جدي الراقد طويلا
{يحيى الجابري}

كعرائس الماريونيت تحركنا
خيوط القدر كما تشاء كلا منا
على خطاه يسير.....

{الفصل الاول}

هي خيوط ناعمة تربطنا بعضنا ببعض نتلاقى عند نهاية
طرفها فاحذر أن تشد الخيط بكل قوة حتى لا تضع
بمنتصف الطريق

صوت انفجار عنيف على الطريق وتصاعد النيران
نتيجة انقلاب تلك السيارة قليل من الوقت وكانت سيارات
الشرطة والإسعاف تملأ المكان

هل شعرت يوماً أنك فقدت كل شيء لم يعد لديك سبب
تستمر في الحياة لأجله هذا هو شعورها الآن وحيدة
ضائعة خائفة

ليلي الأسيوطي الابنة الوحيدة لعاصم الأسيوطي
وزوجته غاده تبلغ من العمر ١٩ عاماً متوسطة الطول
ذات شعر أسود طويل وبشرة بيضاء وعيون عسلية

تجلس في العزاء مصدومة تائهة حتى أنها لم تشعر بهذا
السائل الدافئ على وجنتيها منذ تلقت خبر موتهم نتيجة
انقلاب السيارة وهي ساكنة كالتمثال تنتظر أن يأتي أحد
يخبرها أن كل ذلك حلم، لا لا بل كابوس وسوف تستيقظ
منه على صوت والدتها كما اعتادت على ذلك.

على الجانب الآخر يقف يأخذ العزاء مطأطئ الرأس حزنا
على أخيه!!

عزيز أخ غير شقيق لعاصم من الأب فقط رجل في أوائل
العقد الخامس من العمر أسمر طويل القامة ذو عينين
حادتين كعيون الصقر شعر قصير تتخلله بعض الخصل
الرمادية

يقف بجانبه ابنه كريم شاب أسمر طويل نسبيا ذو جسد
ملائم غير ممتلئ عينين بنيّتين وشعر أسود.

دقائق وتوقفت سيارة سوداء أمام العزاء هبط منها هذا
الرجل ذو المقام الرفيع المستشار السابق كمال عمران
أعز صديق لدى عاصم رجل في أوائل العقد السادس من
العمر على الرغم من كبر السن ولكن ذلك لم يمنعه من
الاحتفاظ بجسده الرياضي وقامته الطويلة ربما لم يتغير
شيء سوى تلك الخصل رمادية اللون التي غزت شعره
وبعض التجاعيد التي ملأت وجهه وعينه السوداء التي
كساها الحزن على صديقه وأخيه ورفيق دربه.

تقدم نحو العزاء يبدو عليه الارهاق من كثرة الألم على
فراق أعز إنسان لديه لم يكن يتصور حتى في أحلامه أن
تنتهي حياة صديقة هذه النهاية المأساوية.

مر الوقت..... وانتهى العزاء رحل الجميع واتجه كمال
إلى ليلي لم يتغير حالها ما زالت كما هي تائهة تنظر
أمامها بشرود، عيناها بركان من الدموع لا يتوقف،
أخذها بين أحضانه ظل يمسح على شعرها بحنان أبوي

علياء عصام دويدار

لبعض الوقت حتى أخبرها: عارف قد ايه انتي موجودة دلوقتيبس انا عايزك تتأكدني من حاجة مهمة انتي اذا فقدتي أب فإنتي لسه عندك الثاني أنا أبوكي يا ليلي وبقولك انتي لازم تكوني قوية مش بقولك انسيهم او ما ترعليش أبداصرخي وعيطي وطلعي كل الي جواكي لحد ما تهدي بس بعد كدة لازم ترجعي تاني تكلمي حياتك وترجعي ليلي البنات الجميلة اللي بتحب الحياة واكيد هيكونوا مبسوطين وهما شايفينك سعيدة وأنا دايمًا جانبك مش هسيبك أبدا او عديني يا ليلي

قال جملته الأخيرة وهو ينظر إلى عينيها الممتلئة بالدموع أما هي فلم تقدر على الحديث، انهمرت في البكاء والنحيب داخل أحضانه أخرجت كل ما بداخلها من وجع وألم على فراقهم اكتفى هو باحتوائها داخل ذراعيه.

بالخارج رحل الجميع بعد انتهاء العزاء

: خلاص العزاء خلص والكل مشي... امال فين كمال؟

قالها عزيز موجهها حديثه لكريم

: جوا مع ليلي

قالها كريم بارهاق من هذا اليوم الشاق على الجميع

: طب تعالى ندخلهم

اتجه الاثنان للداخل ما زال كمال يحتوي ليلي بين ضلوعه لتتركه وتقول بصوت مبحوح

خيوط ناعمة

: انا طالعه اوضتي

قالتها وصعدت لأعلى

: البنت حالتها صعبة اوى أنا خايف عليها

قالها كمال بقلق كيف ستتحمل تلك الصغيرة ألم هذا
الفراق؟؟!!

: متخافش يا عمى احنا هنفضل جنبها مش هنسيبها أبدا
ليلى اختي مش بس بنت عمي

: ربنا يخليكم لبعض يا ابني صحيح انا ماشوقتش
آخر تقارير النيابة وصلت لايه؟

: بيقولوا أن فرامل العربية اتفكت بس مفيش شبهة جنائية
عشان كدة القضية اتقفلت

قالها عزيز لينظر له كمال بشك، صحيح أنه قد تقاعد عن
العمل منذ فترة ليست بقصيرة لكن يبدو أن مهارته في
كشف الحقائق لم تضمر بعد

: وانت مقتنع بالكلام ده؟!!

: وايه اللي يخيليني مش مقتنع؟!!

قالها عزيز وهو ينظر إليه نفس النظرة في تحدي

: يعنى حكاية الفرامل اللي اتفكت فجأة دي مش مريحاني

: والله بقى ده شغل النيابة هي اللي بتحقق وهي قالت كدة
لو مش مصدقني روح اتأكد من التحقيقات بنفسك

علياء عصام دويدار

استمرت حرب الأعين بينهم لثواني حتى قطعها كمال

: تمام هتأكد بنفسي

قالها ثم انصرف

مر أكثر من شهر على تلك الأحداث ولم يكف كمال عن البحث في القضية لكن دون فائدة وهذا ما أثار غضبه لا يقتنع بكل تلك الأوراق والتحريات هناك حلقة مفقودة في الأمر ما أسعده حقا أن ليلي بدأت تتحسن تدريجيا وبدأت في تخطي حاله الحزن

بأحد الليالي وبالفيلا الخاصة بوالد ليلي يجلس عزيز في غرفة المكتب وامامه أحد رجاله المخلصين يقف أمامه برأسه الصلعاء وبدلته السوداء التي تبرز عضلاته الضخمة ووجهه المخيف الذي يجبرك على الهروب إذا مررت بجانبه يميزه تلك الندبة في خده الأيسر تلك التي تكمل هيئته المخيفة

وضع عزيز حقيبة سوداء بها مبلغ لا يستهان به من المال أمام حاتم

: ده المبلغ اللي اتفقنا عليه يا حاتم

: انت تؤولموني يا عزيز بيه

خيوط ناعمة

قالها حاتم وعيناه تلمع بجشع على تلك الحقيبة بينما التقط
عزيز علبة السجائر الخاصة به وأخرج واحدة ثم أشعلها
واستنشق دخانها وأخرجه دفعة واحدة تبعها تحذير شديد

: انا مش عايز حد يشم خبر عن الموضوع وإلا رقبتك
هتكون التمن

تحسس حاتم عنقه بطريقة لا إرادية

: اطمن يا عزيز بيه الحكومة نفسها قالت إن الحادثة كانت
قضاء وقدر

: كدا مهمتك الأولى خلصت نيحي بقى للمهمة الثانية

: متقلقش يا باشا الحادثة هتبان أنها انتحار بالظبط بس

.....

: بس ايه؟!

: قصدي يعنى مش ممكن كدا حد يشك في الموضوع
يعني البيه والهانم يموتوا بعدها بشهر بنتهم تحصلهم

ابتسم عزيز ببرود وأراح ظهره على الكرسي

: ولا ملفت ولا حاجة الأب والأم ماتوا في حادثة عربية
وبنتهم المسكينة متقدرش تعيش من غيرهم مقدرتش
تستحمل فراقهم قامت انتحرت

: بس متآخذنيش في السؤال يا باشا انت هتستفيد ايه من
كل ده؟!!

علياء عصام دويدار

نظر له عزيز بصرامة ليرتفع صوته بعدها بحدة

: ما تصحصح معايا كدا يا حاتم بعد موت أخويا ومراته
انا الي بقيت الواصي على ليلي ولما هي تموت كل الي
حواليك ده هيبقى ملكي مش جزء بس وكمان عايز كل
حاجة تتم بسرعة قبل ما ليلي تبلغ سن الرشد وإلا كل
خططي هتفشل وتاني مرة متدخلش في اللي مالكش فيه
انت تنفذ اللي اقول عليه وبس، مفهوم؟

: لمؤاخذة يا باشا

كانا يتحدثان غير مدركين لمن تسمعهم في الخارج وهي
مصدومة يا إلهي ما كل هذا الشر!!!

هل حقد البشر وطمعهم يصل بهم إلى القتل دون ذرة
رحمة!!!

لقد التهم الجشع ضمير هذا الرجل حتى فقد قلبه أسمى
معاني الحياة، يا إلهي! ماذا افعل??

ظلت تفكر لثواني حتى وصلت إلى فكرة أنها يجب أن
تخبر ليلي، نعم ستنبهها لتأخذ حذرها.

هكذا حدثت شروق نفسها واحدة من الفتيات اللاتي يعملن
بالمنزى بنفس عمر ليلي بشعر قصير يصل إلى كتفها،
بيضاء قصيرة القامة ذات عينين عسليتين صعدت إلى
أعلي حيث غرفة ليلي وصلت إليها ففتحتها سريعا دون
أن تطرق الباب

: الحقي يا هانم

علياء عصام دويدار

قصت عليها كل ما سمعته في المكتب من حديث عزيز مع هذا المدعو حاتم ومع كل كلمة كانت تلقيها كان ينهار حصن من حصون ليلى كانت تعلم منذ زمن بأن عمها ليس بالشخص الجيد تماما، لكن أن تصل به الدرجة لقتل أخيه وزوجته دون ذرة رحمة دون أن يرمش له جفن أو يؤنبه ضمير دقيقة واحدة، وهل لمثل هذا الرجل ضمير؟!..... وماذا عن كريم هل هو متواطئ معه؟..... لا لا كريم يختلف كثيرا عن أبيه كان لها دائما خير صديق وأكثر من أخ لم يتركها لحظة واحدة منذ حادثة والديها ظل جانبا حتى بدأت تتعافي تدريجيا أم إن هذا جزء من خطة وضعوها معا؟.... يا إلهي لم تعد تثق بأحد أبدا

: انتي بتقولي ايه؟!!

قالتها بعدم استيعاب

: والله يا هانم ده الي سمعته بوداني دول تحت دلوقتي

: مش قادرة أصدق.... عمي هو السبب في موتهم ليه وعشان ايه شويه فلوس ملعون ابو الفلوس الي تلغي ضمير الناس

قالتها بنحيب من بين دموعها

: والله هو ده اللي سمعته ومصدقتش لما سمعت ده بيتفق مع الراجل اللي تحت ده انهم يخلصوا عليك انتي مشفتيش الراجل اللي كان تحت معاه ده شكله عامل ازاي ده يرعب

خيوط ناعمة

: انا لازم ابلغ عنه لازم اسجنه

: وتفتكري هتعرفي تقفي في وشه لوحده لازم حد
يساعدك

: وتفتكري مين ممكن يقف معايا؟!!

ظلت كل منهما تفكر لثواني حتى طرقت بأصابعها دليلا
على أنها قد وجدت الحل

: ايه رأيك تروحي لسيادة المستشار؟

: عمو كمال

: ايوا ده كان صاحب عاصم بيه من زمان و بيحبك زي
بنته و أكيد هيساعدك و ياخذ حقهم من رقبة عمك

اخذت تفكر هل يوجد أمامك حل اخر يا ليلي؟!!

: الظاهر فعلا أن مفيش غير الحل ده

: يبقى يلا دلوقتي

: دلوقتي؟

: ايوا يلا مفيش وقت

: طيب.....طيب هخرج ازاى الدنيا ليل وأكيد عمى لو
شافني هيسألنى رايحة فين

: سيبيها على الله وعليا انا هسيبك تلبسي بسرعة وهطلع
بعد شويه آخذك وأهرك من باب المطبخ اللي ورا وانتى
طوالى على بيت كمال بيه

علياء عصام دويدار

قالت شروق جملتها وهبطت سريعا إلى أسفل لتتأكد أن عزيز ما زال في مكتبه دقائق وصعدت إلى غرفة ليلى فتجدها قد ارتدت ملابسها تيشرت أبيض ذو أكمام طويلة وبنطال من الجينز الأسود وحذاء رياضي و جمعت شعرها على هيئة ذيل حصان ووضعت هاتفها بجيب بناطلها

: بلا بسرعة انا هنزل الاول وانتي ورايا على طول

هبط الاثنان إلى أسفل كانت شروق في المقدمة حتى وصلت إلى آخر الدرج وتوجها سريعا الى باب المطبخ الخلفي

: ربنا معاكي و ا بقي طمينيني عليكي

: انا مش هنسالك الموقف ده أبدا

: موقف ايه بس أي حد مكاني كان لازم يعمل كدا

أخذت ليلى تركض دون توقف ولم تلاحظ تلك السيارة أمامها حتى صدمتها لتسقط فاقدة للوعي

{الفصل الثاني}

تضعنا الأقدار دائما في أمور لم تكن في الحسبان نشعر
معها أننا فقدنا القدرة على التحكم في حياتنا ولكنها ربما
تكون بوابه لحياة جديدة ومختلفة

كانت سيارة من الطراز القديم تبدو وكأنها خرجت للتو
من فيلم تسعينات هبط منها سريعا رجل في العقد الخامس
من العمر يبدو عليه البساطة يغذو الشيب رأسه هبطت
معه زوجته سيدة عجوز نحت الزمن خطوطه على
وجهها ببراعة

توجهها معا سريعا نحو ليلى الملقاة أرضا فاقدة للوعي

: يا لهوى مين دى؟

قالتها راقية بخوف

: مش عارف استر يا رب دي طلعت منين؟

: طب هنعمل ايه دلوقتي أنا خايفة تكون ماتت

: فال الله ولا فالك لا يا شيخة فيها نفس

قالها وهو يضع إصبع سبابته أسفل أنفها ليشعر بأنفاسها

: طب يلا ناخذها على المستشفى بسرعة

علياء عصام دويدار

: مستشفى ايه يا ولية انتى عايزه تودينا في داهيه في
المستشفى هيحصل سين وجيم و هيسألوا مين دى و ايه
اللي حصلها و مش بعيد نتحبس ساد الصمت
للحظات ليردف بعدها ساعديني نشيلها ونحطها في
العربية ونوديتها لدكتور فاروق يشوف حصلها ايه
ونعرف هي مين

وضعوها معا داخل السيارة ولم ينتبه كلٌ منهما إلى هاتفها
الملقى محطما توجهها بها إلى حارة شعبية في أحد احياء
مصر القديمة وأمام أحد العمائر القديمة أوقف سيارته
لتصدر صوتا يدل على أنها تحاول أن تصمد لآخر لحظة
هبطا الاثنان وحاولا معا حمل ليلى التي ما زالت فاقدة
للوعي حمدا الله أنهما يسكنان الطابق الثاني لا أكثر وصلا
إلى الباب و طرقت راقية عدة طرقات و ما زال كل منهما
يسند ليلى بيديه سمعا صوتا رقيقا من خلف الباب ثواني
وفتحت لهم ابنتهم الصغرى ما إن فتحت ورأت والديها و
معهم ليلى حتي فزعت

: ايه ده مين دى يا بابا؟!!

قالتها فتون تلك السمراء صاحبة ال ١٩ عاما قصيرة القامة
بشعر أسود طويل و عيون بنية

: وطي صوتك روحي بسرعة اندهي دكتور فاروق
بسرعة يلا

خيوط ناعمة

ركضت سريعا إلى الشقة المقابلة لهم التي يمكث بها ذلك
الطبيب البائس وحيدا!! طرقت الباب وما إن فتح وطلبت
منه المساعدة حتى لبي النداء سريعا

عند عبد الله خرجت ابنتهم الكبرى حياة على صوت
والديها لتتوقف فجاء

: ايه دا مين دي يا بابا!؟!

قالتها حياة بفزع تلك الفتاه صاحبه ال ٢٤ عاما متوسطة
القامة تميل عيونها للون العسلي

: دي واحده خبطناها و احنا جايين في الطريق ربنا يستر
وميكونش حصلها حاجة

قالتها راقية بقلق ليدخل بعدها دكتور فاروق بصحبة فتون
ألقى التحية عليهم سريعا

: الحقني يا دكتور البنت دي خبطناها واحنا جايين في
الطريق خفت أروح بيها المستشفى ادخل في سين وجيم،
وانت عارف أنا راجل غلبان شغال على قد حالي الحقني
الله يباركلك

: اهدا اهدا يا حج إن شاء الله هتفوق وتكون إصابتها
خفيفة

أحضر فاروق حقيبته تأكد من عدم وجود نزييف داخلي
ثم حاول إفاقتها حتى بدأت تفتح عينيها تدريجيا اقترب
الجميع منها في ترقب أمسكت ليلى رأسها بألم من إثر
الحادثة

علياء عصام دويدار

: حمدا لله على سلامتك يا بنتي أنا آسف والله ما شفنتك
حاولت ليلى جاهدة فتح جفنيها تدريجيا وما زال ألم رأسها
يдахمها

: أنتم مين؟

: أنا عمك عبد الله

: انا بعمل ايه هنا؟

: بصراحة احنا جينا هنا بعد ما خبطناكي بالعربية

: خبطتوني!!

نظر الجميع إلى بعضهم بقلق

هل سنثور عليهم الآن؟

هل سنبلغ عنهم؟

: انا آسف يا بنتي والله ما شفنتك انتى الي ظهرتي قدامي
فجأة

: انا انا مين؟

نظر الجميع لبعضهم بدهشة

: انتى مش عارفة انتى مين!؟

قالتها فتون باندهاش

: انا .. انا مش فاكره أي حاجة

توترت الجو حاولت ليلى أن تقف على قدمها لكنها لم تسعفها
تشعر أن ألم رأسها يزداد فسقطت على الأريكة وأمسكت
رأسها وبدأت في البكاء، اقتربت منها راقية ربتت على
كتفها بحنان

: يا حبيتي يا بنتي اهدى

اقترب منها دكتور فاروق يسألها بهدوء

: ايه آخر حاجة انتى فاكرها؟

: أنا مش فاكرة حاجه خالص مش فاكرة

قالتها من بين دموعها ليوضح هو للجميع

: واضح أن حصلها فقدان في الذاكرة

لنتعالى شهقات الجميع أخرجهم منها صوت عبدالله

: طب وايه العمل يا دكتور؟

اجابه فاروق بطريقة عملية

: مريض فقدان الذاكرة مع الوقت ممكن يفتكر أحداث

ومواقف حصلت معاه قبل كدة حاولوا تساعدها في دا

إذا كان في أحداث معينة حاسة انها شافتها قبل كدة مواقف

حاسة انها بتظهر قدامها مع الوقت

: طب لو مفكرتش ايه العمل!؟

: خلينا منسبقش الأحداث و نشوف إذا كانت هتفتكر أو لا

علياء عصام دويدار

: إن شاء الله، آسفين يا دكتور أز عنناك في وقت متأخر
كدا

: لا أبدا لا إزعاج ولا حاجة

انصرف فاروق وعاد إلى صومعته مع أحزانه مرة
أخرى تحت أنظار حياة وفتون التي جمعت بين الشفقة
واللوم !!

اتجه عبد الله إلى ليلي التي ما زالت تبكي

: اهدى يا بنتي، عسى أن تكرهوا شيئا وهو خير لكم

: كبدي يا بنتي ده انتى شكلك صغيرة

قالتها راقية بأسف

: انتى مش فاكرة أي حاجة خالص ولا حتى اسمك؟

سألته حياة، لتهز ليلي رأسها بمعنى لا ووضعت وجهها
بين كفيها

: ولا يهملك انتى هتعدى معانا هنا لحد ما تفتكري ومش
هنسيبك أبدا اعتبرينا عيلتك

قالها عبد الله محاولا طمأنتها نظرت له ليلي تائهة بماذا
تجيب فهم عبد الله ما تفكر به

: انتى هنتورينا هنا وبعدين مش كفاية أننا السبب في
اللي حصلك

قال جملته الأخيرة بخوف وترقب لردة فعلها

لم تبدِ أية ردة فعل التقط الجميع أنفاسهم اعتقدوا أنها ستثور تصرخ تلقي عليهم اللوم ولكنها لم تفعل

: يلا ادخلي ارتاحي وبكرة الصبح إن شاء الله نكمل كلامنا

: ايوابس.....

: يلا...يلا ادخلي نامي وارتاحي وبكرة يحلها ربنا من عنده هي صحيح الأوضة مش قد المقام لكن تقضي الغرض

قالها عبد الله لتتوجه هي مع الفتاتين في صمت إلى غرفتهم للنوم حقا هو أكثر ما تحتاجه الآن لترتاح من ألم رأسها راحت ليلي سريعا في النوم على سرير حياة وتوجهت حياة للنوم بجانب فتون على السرير المقابل مر الوقت وبعد الفجر بقليل استيقظت الأختان بفرع على صوت صراخها اقتربتا إليها سريعا

: مالك مالك اهدى ده شكله كابوس!!

قالتها حياة وهي تحتضن ليلي بين ذراعيها وتربت على ظهرها محاولة تهدئتها

: استعيذي بالله ده كابوس

حاولت ليلي النقاط أنفاسها سريعا وأزاحت شعرها الذي التصق على وجهها نتيجة العرق الذي ملاً جبينها

: شفتي ايه؟

قالتها فتون بفضول

: ش...شفت عربية ماشيه في الطريق طويل
و.....وضلمة وفجأة العربية ولعت والناس اللي فيها
قعدت تصرخ وهي بتتحرق وصوتهم كان مرعب

: لا حول ولا قوه إلا بالله استغفري ربنا ده شكله كابوس
اهدى يا حببتي ونامي دلوقتي

قالتها حياة

استقلت ليلي على السرير وما زال جسدها يرتعش
حاولت العودة للنوم مرة أخرى بصعوبة بعد وقت طويل

حل الصباح علي الجميع ليستيقظ عزيز من نومه وهبط
إلى أسفل

:شروق يا شروق

: ايوا ايوا يا عزيز بيه

: ليلي صحيت؟

: ااا... ااا

: في ايه ما تنطقي؟

: أصل ست ليلي مش فوق

: يعنى ايه مش فوق امال فين!؟

قالها وهو يعقد حاجبيه بتعجب

: أنا طلعت أصحياها الصبح ملاقتهاش ودورت عليها في
أوضة عاصم بيه الله يرحمه يمكن تكون فيها بردو
ملاقتهاش وفي البيت كله مش موجودة

: نعم يعني ايه مش موجودة امال هتكون فين!

قالها بانفعال لتتهز شروق كتفها بمعنى أنها لا تعرف

: غوري من وشي دوري ثاني في كل حته في البيت اقلبيه
كله لحد ما تلاقيها فاهمة

هرولت سريعا الي المطبخ لكنها وقفت خلف الباب لتسمع
ما سيحدث

أخرج عزيز هاتفه ليتصل على ليلي أكثر من عشر مرات
والنتيجة نفسها مغلق أو غير متاح ليتصل بعدها بكريم
ليأتيه الرد سريعا

: كريم ليلي فين؟

: يعني ايه يا بابا ليلي فين!! .. أكيد في البيت

: ليلي مش في البيت كله

: امال راحت فين؟!!

وصل عزيز إلى قمة غضبه

: مش عارف صحيت ملاقتهاش بس اكيد هعرف اقفل
دلوقتي اقفل

علياء عصام دويدار

أغلق الخط وهاتف حاتم الذي أجابه سريعا

: حاتم عايزك تقبلي الدنيا على ليلي نص ساعة تكون
قداامي فاهم

: ليه يا باشا هي مش في البيت؟!!

: اللي اقول عليه يتنفذ فاهم قدامك نص ساعة تكون لاقيتها

قالها بصراخ ثم أغلق الخط بغضب واتجه حاتم سريعا
لمهمة البحث عن ليلي

استيقظ الجميع بمنزل عبد الله فيما عدا ليلي أنهى هو
فريضته وخرج ليجد الإفطار على الطاولة كان منزل عبد
الله كمنزل أي رجل مصري بسيط مع عائلته الصغيرة
يحمل بداخله ما هو أعلى من الشكل الخارجي الروح
الطيبة والراحة النفسية الغربية يتكون من غرفتين وحمام
ومطبخ صغير وصالة يتوسطها مائدة مكونه من ست
مقاعد

: هي صحيت يا بنات ؟

: لا يا بابا لسه دي شكلها تعبان أوى

قالتها فتون تعقبها حياة

: دي صحيت الفجر تصرخ و بتقول انها شافت كابوس
و كانت مرعوبة اوي

خيوط ناعمة

: يا عيني عليكي يا بنتي ده حتى شكلك مش وش بهدلة
..... قالتها راقية ثم وجهت حديثها لزوجها هو يا حج
لو مفكرتش حاجة هنعمل ايه؟؟

: هتفضل معانا معززة مكرمة لحد ما تفنكر دى شكلها
بنت ناس ومش حمل بهدلة يا راقية ومتنسيش اننا السبب
في اللي حصلها

استيقظت هي وخرجت من الغرفة بحرج وتوتر لتجدهم
مجتمعين حول طاولة الطعام توجهت إليهم بخجل شعر
به عبد الله فحاول رفعه عنها

: تعالى يا بنتي اتفضلي

: نمتي كويس؟

سألتها راقية واكتفت ليلي بإماعة بسيطة بمعنى نعم و
اتبعها سؤال عبدالله

: قوليلي يا بنتي لسه مش فاكره اي حاجة؟

: لا

قالتها بحزن ليردف هو

: ولا يهملك يا ستي انتى هتفضلى هنا معانا كأنك واحدة
من بناتي بالظبط لحد ما ربنا يأذن وتفكري

: بصي بقا يا ستي بما اننا قاعدين مع بعض فترة طويله
اعرفك بنفسنا أنا حياة أخصائية تنميه بشريه والهبله اللي

علياء عصام دويدار

جنبك دى أختي فتون أكثر إنسانة فاشلة ممكن تقابلها في
حياتك

قالتها حياة بمرح لتخفيف الجو ثم أخرجت لسانها لفتون
لإغاظتها

: أنا فاشله شايف يا بابا وبعدين يا هانم متنسش إنك
بتتكلمي مع واحدة كلها أربع سنين وهتبقى أكبر إعلامية
في مصر كلها وأطلع أنافس إعلاميين مصر كلهم

قالتها وهي ترفع أنفها عاليا بفخر

: ربنا يستر على الاعلام

: خلاص بقا انتى وهي ثم وجه حديثه لليلى.....أنا
بقا يا ستي عمك عبد الله بشتغل نجار وورشتي تحت البيت
ودي راقية مراتي اعتبريها زي والدتك بالظبط وأنا زي
أبوكي لو مكانش يضايقك

: لا طبعا بالعكس ده شيء يشرفني

: طيب يا ستي بما إنك قاعدة معانا لازم نختارك اسم
عشان نناديكي بيه

قالتها حياة لتصرخ فتون فجأة بحماس

: انا اللي هختار

: ايه يا بنتي هتخلينا نقطع الخلف

: هنسميكي اسيا

طرقاآ على باب منزله كأن من بالخارج يحيي أأء
الأفراح الشعبية اآبه كمال نحو الباب بغضب ليعرف من
هذا الذي آجراً أن يزعب المسآشار كمال عمران؁ فآآ
الباب وكاد يصب غضبه على هذا الأحمق آآى آفاجأ بمن
يقف أمامه اآسعت عيناه آناسى أى غضب كان يشعر به
منذ قليل وارتسمآ على وجهه جميع علامات الفرآة
والحب وكأن روجه قد رآآ إليه بعد فراق

: عمر ابنى!!

{الفصل الثالث}

كنت هاربا من الماضي الأليم حتى تفاجأت به أمامي
يصفني صفعات متتالية كي أواجهه ولأني لا أملك
الشجاعة الكافية للمواجهة في النهاية خسرت التحدي

بعد العديد من المحاولات التي باءت بالفشل دخل حاتم
بخيبة أمل

: قلبت الدنيا كلها عليها مش باين لها أي أثر

: يعنى ايه الأرض انشقت وبلعتها!!?

قالها عزيز بحدة

: أهدى يا باشا اكيد هتظهر هتروح فين يعنى

: ها يا بابا عرفت راحت فين؟

قالها كريم وهو يدخل من الباب سريعا اکتفى عزيز بهز
رأسه بمعنى لا

: طب سألت عمي كمال يمكن تكون راحت عنده

اتسعت عين عزيز ولعن نفسه ألف مرة أنه لم يفكر في
هذا الأمر التقط هاتفه سريعا ليتصل به

ما إن رأى كمال ابنه حتى أخذه بين أحضانه لا يصدق
أخيرا بعد فراق دام ست سنوات يراه الآن أمامه شاب
طويل اكتسب جسدا رياضيا، عيناه العسليتان وشعره
يذكر أنه كان أطول من ذلك أصبح الآن ٢٦ عاما

ظلوا على هذا الحال بين أحضان بعضهم عدة دقائق
قطعها عمر بمرح

: احنا لو فضلنا كذا كتير قدام الباب الناس هتفهمنا غلط

تعالت ضحكات كمال وهو يقول

: مش مصدق إنك قدامي اخيرا كنت خايف اموت قبل ما
اشوفك يا حبيبي ست سنين يا عمر هنت عليك كل المدة
دي متنزلش مصر مرة واحدة أشوفك فيها

قالها كمال وهو يحاول حبس دموعه اتجها معا للدخل

: ايه يا بابا الي يشوفك كدة يقول انى مكنتش بكلمك كل

يوم

: مش كفاية وبعدين يا أستاذ انت ازاي متقوليش أنك
جاي وطبعا جاي زيارة وراجع تاني واضح أن القعدة في
المانيا عجبتك أوى

قالها وهو يغمز له بعينه اليسرى

: أولا حبيت أعملك مفاجأة، ثانيا لا يا سيدي أنا مشرف
معاك هنا على طول

: بجد

علياء عصام دويدار

كاد أن يصرخ من فرحته حتى قاطعه رنين الهاتف نظر
إلى شاشته وعقد حاجبيه

: الو

: من فضلك يا سيادة المستشار ومن غير كلام كثير قول
لليلي ترجع البيت حالا

: ترجع البيت!! ليه هي ليلي مش في البيت!؟

: يعني عايز تفهمني أنها مش عندك دلوقتي أو متعرفش
مكانها

قالها عزيز بحدة

: أولاً توطي صوتك وانت بتتكلم معايا ثانياً أنا مكلمتش
ليلي من امبارح

أغلق عزيز الهاتف بغضب ومسح على شعره محاولاً
تهديئة نفسه

: في ايه يا بابا؟

: ليلي مش لاقينها

: ليلي دي مش تبقى بنت عمي عاصم صاحبك!؟

: ايوه.... هتكون راحت فين دي؟! انا لازم أروح
اشوف ايه اللي حصل

قالها واتجه ليبدأ ارتداء ملابسها لينظر له عمر باندهاش

اما عند عزيز

خيوط ناعمة

: مش عنده؟

قالها كريم ليهز رأسه بعصبية بمعنى لا ثم تابع
قائلا

: هي فاكرة ايه عشان أبوها وأمها ماتوا خلاص تدخل
وتخرج على كيفها مبقلاهش كبير

أين ذهبت تلك الحمقاء؟؟

يقسم إذا رآها الآن سوف يقضي عليها بيديه لن يسمح لها
أن تفسد خطه لا أحد يجرو على أن يقف بوجهي

تري أيعقل أن تكون ذهبت إلى المقابر؟؟!!

كيف لم يفكر بذلك من قبل؟؟

ظهر أمامه بريق أمل لينظر إلى حاتم بحزم

: حاتم عايزك تروح بسرعة المقابر أكيد ليلي هناك
تجيبها وتيجي فورا

انصاع حاتم لطلبه وذهب فورا مر حوالي ربع ساعة
ليدخل بعدها كمال إلى الفيلا وهو غاضب

: ليلي فين يا عزيز؟؟

نفخ عزيز بضيق هل كان ينقصه هو الآخر ليجيبه كريم

: أهدى يا عمي خلاص عرفنا مكانها

علياء عصام دويدار

تقف حياة بأحد جوانب المنزل يبدو عليها الضيق

جلست اسيا كما أطلقت عليها فتون أمام التلفاز

: فتون اשמعنا اسم اسيا الي اخترتبه ليا؟

صمتت لحظات ثم رفعت عينيها اتجاهها بابتسام

: عشان بحب الاسم ده

أقبلت عليهم حياة ويبدو عليها الغضب

: يا بنتي اتقلي شوية مش كدة

: فتون اخرسي خالص مش ناقصاكي.....بقولكم ايه انتم

مش زهقانيين؟

قالتها حياة لتجيبها فتون سريعا

: ايوا انا زهقت اوي لسه الجامعة فاضل عليها أسبوع

يلا نخرج

: طب ما تروحي كدا زي الشاطر تقنعي بابا أننا نخرج

: لا يا ستي وانا مالي روعي انتى

: انتى اخر العنقود يعني الحب كله واصلا بابا مش

بيرفضلك طلب

أخذت تفكر قليلا ثم ابتسمت بخبث

: اممممم..... طب سييوها عليا وانا هتصرف

مالت حياة على أذن اسيا وهي تهمس

خيوط ناعمة

: ربنا يستر

دخل حاتم الي عزيز وهو يجر خيبة الأمل خلفه للمرة
الثانية

: للأسف يا عزيز بيه ملاقتهاش

: يعني ايه هتكون راحت فين؟!!

صرخ بها كمال

: احنا لازم نبلغ البوليس ليلي عمرها ما غابت عن البيت
بالشكل ده أكيد حصلها حاجة

قالها كريم ليؤكد عزيز على كلامه

: ده اللي لازم يحصل

خرج الجميع متجهين إلى قسم الشرطة كل ذلك يحدث
تحت أنظار شروق كانت تستمع لهم وهي مندهشة من
ردة فعل كمال كأنه حقا لا يعرف مكان ليلي أفنعت نفسها
أنه يفعل ذلك حتى لا ينكشف أمرهم

عند حلول الليل دخل كمال إلى منزله يبدو عليه الحزن
والإرهاق اتجه إليه عمر سريعا

: ها يا بابا عرفتوا هي فين؟

: لا دورنا عليها في كل مكان مفيش أثر

: شكل فيه حاجة معينة في دماغك؟

ظهرت ملامح الجدية على وجه كمال

: اختفاء ليلي ده مش طبيعي هتكون راحت فين كدا من
غير ما تقول لحد؟

: قصدك أن حد خطفها

نظر له كمال بصمت وهو يفكر صراع كبير يدور برأسه
العديد من الأفكار تتداخل ببعضها، شعر بصداع رهيب
ليقف متجها إلى غرفته

: أنا داخل أنام حاسس بتعب جامد أوى

نظر له عمر بحزن وهو يتجه إلى غرفته حتى اختفى عن
أنظاره

عاد عبد الله من ورشته وهو منهك ما إن دخل إلى المنزل
حتى هبطت عليه فتون بوابل من القبلات والأحضان

فتون وما زالت معلقة برقبته

: بابا حبيبي وحشتني والله

باءت جميع محاولاته في إبعادها بالفشل

: يا بت يا مجنونة هتخني

: اخس عليك يا عبده هو انا موحشتكش ولا ايه ده انا
حتى آخر العنقود والسكر المعقود

خيوط ناعمة

قالتها فتون بحزن متصنع أتت راقية من المطبخ وهي
تحمل أطباق الغذاء مع اسيا وحياة

: ابعدي عن ابوكي يا بت ده جاي تعبان وقولي من الآخر
عايزه ايه؟

غمزت فتون لوالدتها

: حبيتي يا روقة يا فاهمني انت

جلس الجميع علي طاولة الطعام

: اخلصي وهاتي من الآخر عايزة ايه ؟

: بص يا برنس شايف البنية الغلبانة دي.. قالتها وهي
تتشاور على اسيا قاعدة محبوسة عندنا يرضيك تقول
علينا بخلا ومش بنخرجها

مالت حياة على أذن اسيا

: برنس بتقول لبابا برنس ابقى قابليني لو وافق يودينا
الكشك الي في آخر الشارع

: هاتي من الآخر يا فتون وقولي إنك عايزة تخرجي

: بالظبط كدا يا عبده والله مش انا لوحدي احنا كلنا
زهقانيين من القعدة دي وعايزين نخرج

وجه نظره إليهم لتتنظر كل منهم في الجهة الأخرى
مدعيات الغباء ليبتسم وهو يخبرهم

علياء عصام دويدار

: ماشي أنا موافق بس بشرط هي ساعة واحدة وترجعوا
على طول وأعرف هتروحوا فين

: الله عليك يا حبيب والديك هو ده البوب الكبير أنا كنت
عارفة أنك هتجبر بخاطري ومش هتكسف تونة حبيبتك
هتفت بها فتون وهي تحتضنه ليبتسم ثم وجه نظرة لآسيا
: لسه يا بنتي مفكر تيش حاجة ؟

تنهدت اسيا بهدوء وهي تحرك رأسها بمعنى لا
كادت حياة أن تتحدث إلا أنها توقفت عندما سمعت تأوه
أبيها العالي وهو يمسك صدره من الألم نهضوا جميعا في
قلق واتجهوا إليه

: مالك يا حج !؟

صرخت بها راقية

: فتون روعي اندهي دكتور فاروق بسرعة
قالتها حياة وقبل أن تغادر تحدث عبد الله وهو يأخذ أنفاسه
بسرعة

: لا لا يا بنتي خلاص أنا كويس الحمد لله دي نغزة بسيطة
بتروح وتيجي

: لا يا بابا انت مش كويس دي مش أول مرة انت لازم
تروح للدكتور

قالتها حياة بحدة

خيوط ناعمة

حاول عبدالله أن يرسم بسمه على وجهه يداري بها الألم
الذي يشعر به

: حاضر يا ستي إن شاء الله هروح اوعي بقا انتى وهي
سيبوني أروح ارتاح في أوضتي شويه قبل ما انزل
الورشة تاني

ساعدته راقية في النهوض وليتجه إلى غرفته تحت أنظار
التوتر والخوف من الجميع

مر اليوم وحل فجر يوم جديد استيقظ كمال ليجد عمر
داخل المطبخ يعد الإفطار

: ايه دايه الي صحاك بدري كدة!!

: انا على طول بصحى بدري وعارف انك انت كمان
بتصحى بدري قلت احضرلنا الفطار احنا الاتنين

: طب يا سيدي سيب الي في ايدك ده واقعد نتكلم شوية
انت وحشني اوي الفطار مش هيطير قولي قررت هتعمل
ايه بعد ما رجعت

ابتسم عمر ليجلس أمامه ويخبره بحماس

: انا بعد ما خلصت جامعة وبقا عندي خبرة كويسة في
إدارة الأعمال ناوي افتح شركة إعلانات هنا في مصر

: حلو اوي بس دي محتاجة ترتيبات وخطط كبيرة

علياء عصام دويدار

: امال انا طول الفترة دي كنت بعمل ايه انا مضطرب كل حاجة

: الله الله ده انت مخطط ومتكثك وانا ولا كآني موجود

: لا طبعا ده انت الخير والبركة انا خطت بس إنما التنفيذ لسه منفذتش وانا بقولك اهو قبل ما ابدأ أي حاجة : وناوى تبدأ امتي؟

: النهارده هروح اشوف مكان واحد صاحبي قال عليا
ينفع موقع كويس للشركة لو عجبني إن شاء الله هبدأ أجهز فيه

: خالد صح؟

: اي نعم

: شوف على الرغم من أن الواد ده دمه ثقيل بس بحبه
ابتسم عمر ليؤكد على كلام أبيه ثم أردف

: انت بقا يا بابا صاحبي بدري ليه؟

أخرج كمال تنهيدة طويلة

: رايح القسم أشوف وصلوا لإياه

:طب ما هما لو وصلوا لحاجة هيتصلوا بيك

: لا أنا لازم اتابع معاهم بنفسي لحظة بلحظة
.....عارف كان نفسي والدتك تكون موجودة معانا
وتشوفك وانت ناجح

خيوط ناعمة

ربت عمر على كف والده

: ربنا يرحمها

: يارب

قطعهم رنين هاتف عمر ليبتسم ثم أجاب سريعا وهو يفتح
مكبر الصوت

: يا ريتنا افكرنا مليون جنيه

: وانا اقول عمال اكح ليه بطلوا تحببوا سيرة الناس بقا
استمع إليه كمال ليحبيه

: بتقول حاجه يلا

: عمي حبيبي الي واحسني ده التليفون بيرعش من الفرحة

في أحد محاضرات التنمية البشرية تقف حياة وكانت
على وشك الانتهاء حتى لمحته من بعيد يقف عند باب
القاعة ينظر إليها وبتنسم أنها المحاضرة سريعا وخرج
الجميع أما هو فقد اتجه إليها، أخفت فرحتها برؤيته تقسم
أن قلبها في تلك اللحظة كان يرقص لكنها تصنعت
الغضب

: ممكن أعرف حضرتك جاي ليه؟؟

: جاي اقولك وحشتني مثلا

: لا واضح بدليل أنك كنت بتترد على تليفوناتي

: مهو انتى لو تعرفي اللي حصل هتعرزىنى

: مش عايزة اعرف

: كذابة

: انا مش كذابة

: لا كذابه وجدا كمان

: طب عن اذنك

: استتني هنا خلاص يا ستي آسف

: كنت فين؟!

انكمش جبينه وظهر عليه علامات التعب

: أولا يا ستي حصل معايا مشاكل جامدة جدا في الشركة

بسبب انى متابعتش الشغل الفترة اللي فاتت بعد موت

عمي ثانيا ليلى بنت عمي اختفت ومش عارف راحت فين

: ليلى اختفت أزاي يعنى!؟

: مش عارف ليلى ملهاش صحاب أو قرابب غيرنا

هتكون راحت فين انا خايف تكون عملت في نفسها حاجه

كاذبة أن أنكرت أنها في كثير من الأحيان لم تشعر

بالغيرة من حديث كريم عن ليلى نعم هي لم تر ليلى من

قبل ولكن مجرد حديثه عنها تتملكها غيرة لا تعرف سببها

: طب ما تبلغوا البوليس؟

: فكرك معملناش كده

: طب وموضوع الشغل بقا.... قولتلك قبل كدا ليه
منتشغلش مع باباك وتريح نفسك مصر تشتغل لواحدك

: حياة قولتلك ألف مرة انا ماليش دعوة بشغل بابا أنا ليا
شغلي الخاص وبديره بنفسى انا مش عيل صغير أول ما
يكون فيه مشكلة أجري على ابويا عشان يحلها لى

قالها كريم بحدّة لتشعر هي بالخجل مما تفوهت به لا
يستطيع أحد إنكار ما حققه كريم من نجاح في العمل
بمفرده عندما فتح شركة المحاسبة الخاصة به نظرت
أرضا بخجل

: أنا آسفة مكانش قصدي

: طب بالنسبة للغدا اللي كنت جاي اعزمك عليه أكنسله؟

: قبل الغدا تعالى اسمعك حاجه جديده

:بيادي الكمان إلي واكل عقلك

:تعالى بس دي بيتهوفن هتعجبك اوي

:الحمدلله أنه مات قبل ما يسمعك

:كان اطرش علي فكره

قالتها بمزاح ليبنتسم الاثنان ويتجها معا إلى المخبي السري
الخاص بهم!!

{الفصل الرابع}

على هذه الارض ما يستحق أن نعيش لأجله ربما تشعر
في بعض الأوقات أنك لا تعنى شيئا لأحد ولا أحد يهتم
لأمرك لكنك إذا أمعنت النظر ستجد أن هناك شخصا ما
تعني له الكثير

يقف كمال بهيبته داخل قسم الشرطة يتابع آخر
التطورات

: انا مش فاهم يعنى ايه لحد دلوقتى مفيش أخبار أنتم مش
شايقين شغلكم ولا نايمين ولا ايه بالظبط؟

: كمال باشا احنا ملحقناش نعمل حاجة البلاغ لسه متقدم
امبارح ازاي عايزنا نلاقيها النهاردة!؟

: انا ميهمنيش كل الكلام ده انا عايز آخر اليوم اكون
عرفت هي فين فاهمني

قالها بحددة ليديب الرعب في أوصال هذا الضابط الشاب

: حاضر يا باشا اخر اليوم هيكون عندك خبر بمكانها

انصرف كمال للخارج واتجه إلى سيارته لينتبه لرنين
هاتفه

:الو

كمال بيه:

: ايوا مين؟؟

: انا شروق يا بيه الي بشتغل في فيلا عاصم بيه

: اه.. ايوا افكرتك

: كنت عايزة اطمن على ست ليلي يا بيه هي كويسة؟
رنيت عليها كثير بس تليفونها مقفول

: شروق انتى متعرفيش أن ليلي مش لاقينها!؟

قالها باندھاش هل تمزح معي تلك الفتاه تعمل داخل منزل
ليلى ولا تعلم باختفائها!!

: يا بيه أنا اللي مهربة ست ليلي وعارفة كل حاجة
وعارفة إنها عندك

عقد حاجبيه بتعجب ما الذي تنقوه به هذه المختلة!!

هروب من؟؟

ليلى!!.... ولماذا تهرب؟؟

والأهم ممن تهرب!؟

ها هي الحلقة المفقودة وحلها مع تلك الفتاة

: شروق انتى فين دلوقتي؟

: انا في الشارع بتكلم بعيد عن البيت عشان محدش
يسمعني

: عايز اشوفك حالا قدامي فاهمة حالا يعني ايه؟؟

: حاضر حاضر بس فين؟

أملاها العنوان لتتجه إليه فوراً

يعمل الجميع داخل الشركة كخلية نحل يجلس عزيز داخل هذا المكتب الفخم أمامه طاولة الاجتماعات الكبيرة وعلى الجانب الأيسر تلك المكتبة الكبيرة التي امتلأت بمئات الكتب والأوراق أما الجانب الأيمن تلك النافذة الكبيرة التي تطل على الشارع الرئيسي كان يقف والشرار يتطاير من عينيه يحرق كل ما حوله يقف خلفه حاتم في جو يملؤه التوتر

: ليلي لو مظهرتش أنا هخسر كل حاجة مش ممكن بعد كل اللي خططت له يروح في ثانية مش هسمح أن ده يحصل أبدا ليلي لازم تظهر يا حاتم وبسرعة

قالها عزيز بغضب وجشع ثم أخرج علبة السجائر الخاصة به ليخرج واحدة يشعلها ويستنشق دخانها ويخرجه دفعة واحدة يخرج معها كل غضبه محاولة منه لتهدئة نفسه

: اهدا يا باشا انا ورجالتي بندور عليها والبوليس كمان وأكد هتظهر يعنى هتروح فين هنلاقيها!!

: لازم تظهر وساعتها بقا أنا اللي هخلص عليها بنفسني وارتاح..... وقف ودار حول المكتب يتأمله بجشع وطمع

علياء عصام دويدار

ليردف.....أخلص عليها وساعتها كل ده هيكون ملكي
أنا... أنا وبس

يقف عمر داخل ذلك المكان يبدو أنه مازال تحت الإنشاء
يتأمل المكان حوله وبجانبه صديقه خالد

: المكان شكله حلو اوى

قالها عمر وهو يتأمل ذلك المكان بإعجاب

: لا وكمان مش هتاخذ وقت على بال ما تجهز يا دوب
تخلص الورق ونشوف حد يظبط الديكور والأجهزة
وحكاية الموظفين سهلة إعلان على النت وتبقى خلصت
يا معلم وتبقي صاحب شركة يا كبير

: حيلك حيلك يا عم احنا لسه واقفين بنقول يا هادى فجأة
كدا اختارت الموظفين والديكور وختلتي صاحب شركة
ده احنا لسه بنسمي الله

: اصلك متصورش انا متحمس للموضوع قد ايه من
ساعة ما كلمتني عنه اه وعلى فكرة أنا عينت نفسي
المساعد بتاعك ودراعك اليمين لا لا بلاش اليمين
أحسن دى طرشه ومش بنتفاهم خيلنا الشمال

: طب ايه رأيك بقا أنك مالکش مكان عندي انت احرك
هتقف أمن على الباب ده لو وافقت كمان

: طب والمرتب هيبقى كام؟

خيوط ناعمة

: انا ايه اللي مصبرني عليك

: حبك ليا

ابتسم الاثنان واتجها معا إلى الخارج لإنهاء أوراق الموقع

علي إحدى الطاولات الجانبية في أحد الكافيهات الراقية
يجلس كمال لم يتوقف عن هز قدمه اليسرى دليلا علي
القلق والتوتر ينتظر تلك الفتاة عقله يرسم آلاف القصص
تري ماذا ستخبره تلك الفتاه؟؟... دقائق وظهرت فتاة
عند البوابة وتقدمت نحوه حسنا يبدو أنها هي

: كمال بيه

: ايوا

أشار لها بالجلوس طلب لها كوبا من العصير ولنفسه
فنجانا من القهوة هذا حقا أكثر شيء يحتاجه الآن

: أنا عايز افهم الي قولتيه في التليفون ده معناه ايه!؟

عقدت شروق حاجبها بعدم فهم يتحدث وكأنه حقا لا يعلم
عنها شيئا

: يا بيه انت بتتكلم كأن ست ليلي محكتلكش حاجة!!

: ليلي مجتش عندي أصلا

قالها وهو يضرب الطاولة بقبضة يده بغضب يلفت أنظار
كل من حوله ليسري الخوف في أوصال شروق ابتلعت

علياء عصام دويدار

ريقها في خوف أخذ هو نفسا عميقا أخرجته على ثلاث
مراحل محاولة منه لتهدئة نفسه

: شروق أنا عايزك تحكيلي كل حاجة بالتفصيل كده
وبهدوء

هنا جاء النادل ووضع المشروبات أمامهم وانصرف
لتقص عليه كل ما حدث ليلة هروب ليلى وسماعها لحدث
عزيز كان يستمع لها والشرر يتطاير من عينيه كان يعلم
نعم كان محقا عندما قال إن عزيز هذا شيطان بهيئة إنسان
يتوقع منه أي شيء لكن ليلى أين هي الآن؟؟

ضغط كمال على قبضة يده بقوة وكز على أسنانه بغضب
: يا ويلك مني يا عزيز الكلب هتشفوف العذاب ألوان على
ايديطب وليلى هتكون راحت فين!؟

: والله يا بيه أنا خرجتها من باب المطبخ الي ورا وهي
جريت على طول على أساس أنها هتروحلك

قالتها وهي تبكي خوفا وحزنا على ما حدث صمت كمال
قليلا يفكر ليتوصل في النهاية إلى خطة ما

: شروق اسمعيني كويس أنا عايزك دلوقتي حالا ترجعي
القصر واوعي حد يعرف إنك قابلتيني والأهم عايزك
تراقبيلي الكلب عزيز لحظة بلحظة كل حاجة بيعملها أي
شخص بيقابله أي ورق مهم بيجيله كل حاجة بتحصل
لازم أعرفها كأني عايش معاهم فهمتيني؟ والأهم من ده
كله لو حسيتي بأي حاجة غريبة قوليلي فورا

خيوط ناعمة

: حاضر يا بيه هعمل كل الي أقدر عليه عشان خاطر ست
ليلي ترجع بالسلامة

تسير القتيات معا داخل ذلك المول الشهير أصرت حياة
علي شراء ملابس جديدة لآسيا

: يا بنتي يلا بقا تعبتيني

: وانا صدعت منكم

: لا احنا مش بناخد رأيك احنا بنجبرك وهتجيبني غضب
عنك

قالتها فتون

: قولت مش عايزة

: سيبك منها يا فتون تعالي احنا نجيبها

اتجهت الفتاتان إلى داخل أحد المحلات وتركنا اسيا
وحدها أمام المحل تضع يدها على جبينها بنفاذ صبر
كادت أن تتجه معهما إلى الداخل لكنها اصطدمت بشخص
ما وكادت أن تسقط لولا أنه لحقها سريعا لتهتف بغضب

: انت يا بني آدم مش تفتح

: انا بردو الي افتح ولا انتي ده انتي الي خبطتيني

: وانا اخبط فيك ليه إن شاء الله

صرخت بها اسيا بغیظ

علياء عصام دويدار

: والله مش عارف اسألني نفسك بقا

فهمت ما يلح له لتشهق من تلميحہ الوقح كيف يجرؤ

: انت بني آدم وقح وقليل الأدب

كاد أن يرد عليها لولا مجيء خالد من الخلف

: في ايه يا عمر مين دي؟!!

: انا عارف اهي بلاوي بتتحدف علينا

: احترم نفسك يا جدع انت فاهم ايه بلاوي دي اما

صحيح قليل الذوق

كور عمر قبضة يده وحاول أن يتمالك أعصابه من تلك

الحمقاء حاول خالد تهدئة الموقف فوجه نظره لها

: خلاص يا جماعة بقا ... احنا أسفين يا أنسة وحصل خير

: انت هتأسف لدي

كادت اسيا أن تثور عليه ولكن لحق خالد الموضوع للمرة

الثانية

: خلاص بقا احنا أسفين مرة ثانية يا أنسة يلا

عشان باباك مستنينا عن إذتك

توجه الاثنان إلى الخارج ولم تنته حرب الأعين بين عمر

وأسيا

ظهرت فتون فجأة من خلف اسيا مما جعلها تشهق برعب

قالتها اسيا

: من ساعة ما جيت والدكتور معاه جوا ولسه مخرجش

قالت جملتها ليخرج بعدها الطبيب الشاب بمعطفه الأبيض
وسماعته الطبية التفت الفتيات حوله بقلق بادرت حياة
بالسؤال

: طمنا يا دكتور؟؟

عدل الشاب من وضع نظارته الطبية وقال بطريقة عملية

: واضح أن والدكم بقاله فترة بيعمل مجهود جامد مقدرش
يتحملة وهو مش متعود عليه عشان كدا جاله ذبحة
صدرية

شهبك الجميع وبدأ الخوف على وجوههم وعادت راقية
للبياء مرة أخرى

: اهدوا بس الحكاية ممكن نلحقها قبل ما تتدهور أنا هكتبله
على دوا وهيجرح معاكم لكن أنا بحزركم أي مجهود أو
حركة زيادة هتتعبه أكثر أو لغبطة في مواعيد الدوا أنا
مش مسئول ساعتها الحالة هتتدهور جامد

همست فتون بصوت لم يصل الي أحد غير والدتها

: فال الله ولا فالك يا شيخ ايه ده دكتور ولا جزار

نغزتها والدتها في كتفها كي تصمت ونظرت للشاب

: شكرا يا ابني كتر خيرك

رحل الطبيب واتجه الجميع سريعا للاطمئنان عليه

داخل مكتبه الواسع والتي تميزه تلك المكتبة الكبيرة والتي تحتوي على مئات الكتب في مختلف المجالات أكثرهم في القانون يجلس على مكتبه أمامه مجموعة من الأوراق التي قام بالتخطيط عليها بطريقة عشوائية وكأنه يرتب لشيء يصب كل تركيزه عليها وفي رأسه مئات الأفكار والاحتمالات قطعه من تفكيره رنين هاتفه ما إن رأي الاسم حتى أجاب سريعا

: الو

: كمال بيه لاقيناها

{الفصل الخامس}

إذا كنت تعتقد أن الحياة قد أهدتك جميع مفاجاتها حسنا
أنت لم تر شيئا بعد

هذا المكان الذي ينبع منه رائحة الموت يضم بين جدرانه
جثتا لأشخاص كانوا بيننا يوما ما لا نعلم كيف عاشوا؟
وكيف ماتوا؟ يدخل كمال بقلب منقبض يقدم ساق ويؤخر
الأخرى يدعو الله من كل قلبه ألا تكون تلك ليلي، داخله
شعور لا يعلم سببه أنها لن تكون هي ويأمل أن يكون ذلك
الشعور صحيحا

على العكس تماما كان عزيز يتمنى من كل قلبه أن تكون
هي سيكون الحظ قد فتح أبوابه لديه وضرب عصفورين
بجحر

الأول تخلص منها دون أي مجهود

الثاني سيصبح كل شيء بعدها ملكه وبين يديه

أقبل عليهم كريم وهو يلهث بشدة التقط أنفاسه بصعوبة

: بابا الي انا سمعته ده صح لقوا ليلي ميتة!؟

: بس.... لا لا إن شاء الله مش هي أنا قلبي بيقولى أنها
مش ليلي مستحيل تكون ليلي

قالها كمال بتردد وخوف بداخله صراع كبير

بين قلبه الذي يخبره أن من بالداخل ليست ليلي تلك الفتاه
الصغيرة التي كان يحملها بين يديه يداعبها واعتبرها
كابنته التي لم ينجبها

وعقله الذي يخبره إن لم تكن تلك ليلي إذا أين تكون وهو
الذي لم يترك شبرا في المدينة إلا وبحث عنها به

: طب هما لاقوها ازاي؟

سأل كريم وهو يجاهد لمنع دموعه من أن تخونه وتسيل
على وجنتيه ليجيب عليه والده وهو يتصنع الحزن

: بيقولوا لاقوا جثة مشوهة في مكان قريب من الفيلا
وعلى الطريق لاقوا موبيل ليلي واقع على الارض شكوا
أنها تكون هي مستنين الدكتور يخرج ونشوف هيقول ايه

ثواني وخرج الطبيب لتستعد آذان الجميع لسماعه

: بصراحة يا جماعة الجثة ملامحها مش واضحة أبدا
وصعب التعرف عليها حتى لو في علامة مميزة في
جسمها فا دي كمان مش هنقدر نتعرف عليها لأن الجثة
مشوهة تماما إلا من خلال تعرفكم أنتم عليها تقدرؤا
تقولوا إذا كانت هي ولا لا

هنا انهارت كل قوى كريم ولم يستطع التماسك حاول
كمال طمأنته أو في الحقيقة كان يحاول طمأنة نفسه أكثر
منه

: اهدا يا كريم إن شاء الله مش ليلي

: قررتم مين الي هيدخل؟

قالها الطيب ليجيبه كمال وعزيز بنفس الوقت

: أنا

نظر كل منهم للأخر ليجيب عزيز بتحدي

: أعتقد يا كمال بيه ليلي بنت أخويا أنا وأعرفها وعشت

معاها أكثر منك

: مستحيل أنا الي هدخل أنا متأكد إن الي جوا دي مش

ليلى

لا يعلم من أين تأتيه كل تلك الثقة ربما من شدة تعلقه بها

يشعر أنها على قيد الحياة ربما إخلاصه ووفائه لصديق

عمره يجعله واثقا أنه لن يخذله وسيجد ابنته ويحميها!!

: خلاص طالما انت متأكد ان الي جوا مش ليلي سيبيني

انا كمان ادخل واطمن

: أهدوا يا جماعة تقدرُوا أنتم الاثنين تدخلوا

نظر كل منهم للأخر في تحدٍ واقترب كمال من عزيز

وقال بصوت خافت لم يسمعه غير عزيز

: أنا عارف كويس أن حتى لو الي جوا مش ليلي وانت

متأكد من كذا هتدخل وتقول إنها هي بس بردوا مش

هخليك توصل للي انت بتخطله بقذارتك يا عزيز

خيوط ناعمة

: والله انا مش عارف انت تقصد ايه بكلامك ومش فاهم
انت واخذ مني موقف ليه ليلى دى تبقي بنت أخويا من
لحمي ودمي وأخاف عليها اكثر منك

: وأوقات الي من لحمك ودمك ده مهما عملت معاه عمر
ما يطمر فيه

أنهي جملته وذهب مع الطبيب لحقه عزيز وهو يركز على
أسنانه غيظا اقترب الاثنان من الجثة التي لم يبذُ عليها أي
أثر أو ملامح لم يتحمل كمال ذلك المنظر فخرج سريعا
يلتقط أنفاسه بصعوبة ويضع يديه على قلبه محاولة منه
لتهدئه ضرباته المتسارعة دقائق وخرج عزيز مع
الطبيب الذي توجه بالسؤال الي كمال إذا كان يعاني من
الضغط أو السكر ليهز رأسه سريعا بمعنى لا

: مش هي صح؟

سأل كريم بلهفة ليجيبه كمال

: مش عارف الملامح مش باينه بس دي مش ممكن تكون
ليلى لا لا مستحيل قلبي بيقولى كدا

قالها كمال بإصرار

: بس أنا عندي احساس كبير أنها هي

التقت الجميع حوله وسأله كمال بحدة

: ازاي بقا عرفت إذا كانت الجثة مش واضحة أصلا!!

علياء عصام دويدار

: طب وانت ايه الي حسسك أنها مش هي طالما زي ما بتقول الجثة مش واضحة؟ ...سبق قولتك أن ليلي بنت أخويا واعرفها اكثر منك

: بس متمسكش في حكاية أنها بنت اخوك الي تعرفها وخايف عليها عشان ده شيء مشكوك فيه

: قصدك ايه؟

: اهدوا يا جماعة مالكم بس بصراحة يا كمال بيه أنا شايف أن استاذ عزيز هو أكثر واحد يعرف إذا كانت الي جوا دي ليلي أو لا بحكم أنه عمها ولو هي فعلا ليلي لازم نمشي في إجراءات الدفن بسرعة

قالها الطبيب لينظر عزيز في عين كمال بانتصار ليقف كمال أمامه لا يفصلهم سوا شبر واحد فقط ينظر كل منهما للآخر بتحدي وحرب أعين دائرة إذا خرجت للواقع لدمرت كل ما حولها

: على جتتي توصل للي انت عايزه يا عزيز

قالها كمال ورحل سريعا دون كلمة أخرى

يجلس عبد الله على سريره في المنزل بتعب يتناول الدواء من يد حياة يجلس الجميع حوله بإرهاق بعد يوم شاق ومرهق عليهم

خيوط ناعمة

: شفت يا بابا كام مره قولتلك تروح تكشف وانت بتعانده
عجبك الي حصل؟

قالتها حياة بعتاب

: خلاص بقا يا حياة مش وقته الكلام ده يا بنتي سيبي
ابوكي يرتاح

: حاضر يا ماما هسكت بس بعد ما يوعدني أنه هيرتاح
في البيت أسبوعين ومش هينزل الورشة

: أسبوعين ايه يا حياة انا مقدرش على قعدة البيت
اسبوعين ومين بقا هيصرف على البيت في الاسبوعين
دول

: متشلش هم الموضوع ده أبدا

: قصدك ايه؟

: ايد على ايد تساعد يا بابا

: والله انا لسه عايش يا ست حياة وبصحتي لما أموت ابقي
اصرفي انتي على البيت

: بعد الشر عليك يا بابا أنا مش قصدي كدا أبدا انت فهمت
غلط

: حياة متقصدش يا عمي هي كل قصدها أنها تساعد لحد
ما انت تقوم بالسلامة

قالتها اسيا بحكمة

علياء عصام دويدار

: يا بابا انا بنتك من لحمك ودمك وانت كبرتني وعلمتني
يعني ايه عيلة واحدة تقف جنب بعض وتساعد بعض في
الحلوة والمرة مفيهاش حاجة لما حد فيهم يكون في زنقه
والتاني يساعده

وجه عبد الله وجهه الصارم للناحية الأخرى وقال بلهجه
لا تحتمل أي نقاش

: اقللي على الموضوع ده يا حياة مش عايز أسمع فيه
كلام تاني أنا إن شاء الله هبقى أجيب حد يساعدي في
الورشة

: حاضر يا بابا توجهت إليه وقبّلت جبينه
.....متزعلش مني

توجهت الفتيات للخارج

: عمي دماغه ناشفة اوي

: فعلا لما بيصمم على حاجه محدش يقدر يجادله أبدا

قالتها حياة

: يوووووه

هتفت بها فتون بنفاذ صبر

: فيه ايه؟؟

سألته حياة لتجيبها باقتضاب

: المكتب عندي مليون ورق مش عارفة اوديه فين

خيوط ناعمة

: ارميه في أي حطة

قالتها حياة بدون اهتمام

: طب حد فيكم عنده شويه دم يجي يساعدي

اتجهت اليها اسيا والتقطت بعض الأوراق لتقرأها لتتسع

عينها فجأه بصدمة!!

دخل كمال منزله وعلامات الغضب جميعها ترسم

خطوطها على وجهه اتجه مباشرة إلى غرفته دون أن

يلتفت إلى نداءات عمر له

: بابا...بابا

دخل كمال غرفته ظل يكسر كل شيء حوله كل ما تقابله

يداه يفرغ شحنة الغضب بها انخلع قلب عمر عليه حاول

فتح الباب أو كسره دون جدوى

: بابا.. بابا عشان خاطري افتح بابا ورحمة ماما عندك

افتحلي الباب

: ليه...ليبيبيه...!!!!!!

: بابا طب افتحلي وبتكلم في أي حاجة مضايقك أرجوك

لم يتبقَ بالغرفة شبر واحد سليم ترك كمال لجسده العنان

وسقط على الأرض بين بقايا الزجاج المهشم حوله في كل

مكان، عرفت الدموع طريقها إلى خديه ولم يمنعها

علياء عصام دويدار

: كل حاجة ضاعت أخويا وعشرة عمري اتقتل وبنته الي وعدته أنني طول عمري أحميها محافظتش على الوعد ده والي قتلهم انتصر عليا

قالها بصوت خافت ولكنه وصل إلى مسامع عمر من خلف الباب

: متحملش نفسك ذنب ملكش دخل فيه ده قدر يا بابا وربنا كاتبه وانتم عملت المستحيل عشان تلاقبها وكنت قالب الدنيا عليها ذنبك ايه في الي حصل؟!!

: كان ممكن الحقها كان ممكن احميها منه

: وانتم كنت تعرف منين أن كل ده هيجصل ... ليه تحمل نفسك ذنب ملكش دخل فيه ارجوك يا بابا افتحلي

اتجه كمال إلى الباب وما إن انفتح حتى ارتمى ابنه في أحضانه حقا كل منهم يحتاج إلى هذا العناق الآن

انتفضت كل من حياة وفتون على صوت اسيا

: افكرت يا فتون افكرت

قالتها بسعادة بادلتها إياها فتون

: بجد ازاي!!

: بصي الورق ده مكتوب فيه كلام بالألماني عرفت أقرأه وفهمته

: بس يا هبله انتي

: هبله ليه بقا يا حياة!!

قالتها فتون بتعجب

: طبيعي أنها تفكر أنا هفهمكم ذاكرة الإنسان مقسومة نوعين ذاكرة تقريرية ودي الي بيتخزن فيها كل المعلومات بتاعة الشخص والي بيحصل فيها فقدان الذاكرة والثانية بقا ذاكرة مهاريه بيتخزن فيها كل المهارات الي الشخص بيتعلمها في حياته ومش بتتأثر بأي إصابه بتكون بس محتاجة تنشيط ودا الي حصلك دلوقتي انتي نشطي الذاكرة دي

: أنا مش فاهمة أي حاجة!!

قالتها اسيا لتوضح حياة ما تعنيه بطريقة أبسط

: نبسطها أكثر كلنا عندنا نوعين من الذاكرة: تقريرية ودي اللي بيتخزن فيها الاسم والسن والعنوان وكل البيانات بتاعتنا ودي الي حصلك فيها فقدان ذاكرة عشان كدا انتي مش فاكرة أي حاجة عنك، أما الذاكرة الثانية الي هي المهارية دي الي بيتخزن فيها أي مهارة الواحد اتعلمها زي مثلا كان بيعزف على آلة بيعرف يركب عجل وانتي عرفتي اللغة دي معنى كدة أنك كنتي متعلماها قبل كدة وممكن يكون فيه لغات تانية كمان بس محتاجة تنشيط للذاكرة دي

: يا خسارة أنا كنت فاكراه نفسي خلاص افكرت

علياء عصام دويدار

: خسارة ليه زي ما افكرتي اللغة دي ممكن تفتكري مع
الوقت حاجات تانية كمان مع الوقت

قالتها فتون ثم اتجهن جميعا للنوم

مر أكثر من ثلاثة أشهر لم يحدث بهم أي جديد غير دفن
جثة ليلي وإقامة عزاء لم يحضره كمال وافتتاح عمر
لشركته

يجلس كريم منتظر حياة بأحد الكافيات المظلة علي
النيل ينظر أمامه شاردا منذ وفاة ليلي يشعر بفراغ كبير
لقد فقد الأخت والصديقة معا وحدها فقط حياة من حاولت
ملاً هذا الفراغ

يحبها نعم يحبها وبشدة أعلن قلبه استسلامه لحبها منذ
زمن طويل والغريب أنه لم يعترف لها بذلك حتى الآن
كان يتمنى أن تكون ليلي معه الآن ليخبرها أن أباها قد
وقع في حب هذه الحياة لتأتي هي من خلفه

: الله الله علي الناس الي عيونها زايفة

: بحاول أشوف يا ترى فيه واحدة أحلى منك ولا لا

: تيرارارارارارارارارار رفعت يدها كأنها تعزف على
الكرمان ليضحك هو عليها كل بعقلي حلاوة وانا هعمل
نفسي مصدقة

ليضحك هو ويشير النادل

: طبعا عصير المانجا المفضل صح

: طبعا

ليأتي النادل ويطلب لها مشروبها المفضل ولنفسه فنجان
القهوة

: شكلك كنتي في مكانك السري

: عرفت منين!؟

: جاية مبسوفة يعني أكيد كنتي بتلعبى على الكمان

: منتصورش يا كريم أنا ببقى سعيدة قد ايه وانا بعزف
بحس أنى حرة وكيانى حر

كانت تتحدث بلمعة عين حقيقية لا أحد يعرف عنها تلك
الهاوية غيره هو حتي عندما تريد العزف تنتظر حتى
تكون قاعة المحاضرات خالية تماما فتقوم بإخراج الآلة
من مكتبها وتعزف حتى يسرقها الوقت دون أن تدري

: أنا مستغرب ليه محدش يعرف مع أنك بتعزفي حلو
جدا!؟!

: تعرف انت الوحيد الي يعرف الموضوع ده وانت
الوحيد الي سمعتني وانا بعزف

: واشمعنا انا!؟!

: صممت لثواني لا تعرف ماذا تجيب؟

هل تخبره أنها أرادت أن يشاركها كل لحظة بحياتها؟

علياء عصام دويدار

حتى هذا السر الخاص بها تريده أن يشاركها إياه
تريده أن يسبح معها بين أمواج الألحان أن يسرح كل
منهما مع اللحن بشكل غير الثاني
لاحظ صمتها هذا فلم يرد أن يجرها فحاول تغيير
الموضوع

: قوليلي البنت الي عندكم اقتكرت ولا لسه؟

: للأسف لسه مفيش أي جديد

: طب وأنتم هتسيبونها عندكم كدا على طول افرض
مفكرتش خالص!؟

: تصدق أننا اتعودنا عليها خلاص بقت واحدة مننا

: مش خايفين تكون نصابة؟

: حرام عليك دي بنت طيبة جدا

: طب ايه رأيك أنا ممكن اساعدها

: بجد ازاي!؟

: في دكتور مخ وأعصاب شاطر أوي ممكن أعرض عليه
حالتها ويساعدنا

: والله فكرة خلاص شوف نقدر نروحله امتي وأنا هقولها

: اتفقنا

: قولي باباك استلم الشركة ولا لسه!؟

يجلس بأريحية على الكرسي بانتصار وبرود ودون ذرة
شعور من تأنيب الضمير يتحدث بالهاتف ويريح ظهره
على ذلك الكرسي

: ابوا طبعا دي صفقة العمر

: انا مش عايز غلطة

قالها الطرف الآخر بتحذير

: متنساش ان أي غلطة أنا اول واحد هيروح في الرجلين

: أنا عايزها تجهز في أقرب وقت

: اطمن هتجهز وأبلغك

اغلق الهاتف وابتسامته تملأ وجهه

: اخيرا اخيرا كل حاجه بقت ملكك يا عزيز مع السلامة
يا ست ليلي

{الفصل السادس}

هي لحظة يتغير معها كل شيء بعدما كنت تعتقد أنك
المتحكم في حياتك تكتشف أن القدر كان يتلاعب بك
وأنت من يتبع الخطوات

طرقات على باب المكتب يعرف صاحبها جيدا

: تعالى يا حاتم

: كله تمام يا باشا كريم بيه طول الوقت في الشركة أو
البيت أو بيقابل البننت دي مفيش أي جديد

: مش فاهم ايه حكاية البننت الي بيقابلها كل يوم دي.....
اسمع يا حاتم أنا عايزك تفتح عينك كويس الفترة دي

: متقلقش يا باشا كله تحت السيطرة

: عملت الي قولتلك عليه؟

: وصل يا باشا

: بس اخر واحد ده تعبنا اوي

: مش مهم بعد كدا هو الي هيجري ورانا

تقف بنفاد صبر أمام أحد المدرجات تنتظر صديقتها
الجديدة يارا تلك المختلة التي تنسي المواعيد دائما أنت
من خلفها وهي تلتقط أنفاسها

: آسفه يا فتون بس لو تعرفي الي حصل هتعزيزيني

: نفس مبررات كل مرة وأنا أصدق في الآخر واقولك
معلش

: خلاص بقا انا جيت اهو

: يلا ياختي نلحق المحاضرة

: طيب متزوقيش

علي الجانب الآخر يقف 3 شباب أصدقاء ليست صداقة
بمعناها الحقيقي بل هي صداقة مبنية أكثرها على
المصالح الشخصية المتبادلة

: شايفين الوجه الجديد الي واقف هناك ده

قالها ياسين وهو يوجه نظره لفتون بعينيه الخضراوين و
قامته الطويلة وشعره البني الطويل المعقود للخلف على
هيئة كعكة

: أنا مش فاهم امتي تبطل الحركات دي يا اخي!؟

قالها زين بنفور ذلك الفتى صاحب البشرة القمحية
والعينين العسليتين والجسد المتناسق

: والنبي يا عم زين اطلع انت منها

علياء عصام دويدار

: يا ابني ما البنات كثير اشمعنا دي؟!!

: وانت متضايق ليه؟!!

: انا مش متضايق بس البنات فعلا شكلها محترم مش من الأشكال الي تعرفهم

: كلهم بيكونوا كده في الأول وأول ما الصنارة تغمز خلاص

: عمرك ما هتتغير

: اقعد على جنب انت واتعلم.....ولا ايه يا مراد

: طبعا يا كبير

قالها مراد ذلك الفتى السمين

وهل يجرو مراد أن يعارض أحدا منهما في شيء هما دائما يأمران أما هو فعليه السمع والطاعة فقط

كان مكتب متوسط المساحة بذوق غربي يجلس عمر على المكتب يتابع بعض الأوراق باهتمام

: أخيرا يا عمر صفقة العمر

قالها خالد وهو يدخل فجأة كعادته دون أن يطرق الباب ليفزع عمر وتسقط منه بعض الأوراق

: انت يا زفت كام مرة قولتلك خبط قبل ما تدخل مرة كمان وقطع الخلف خالص

خيوط ناعمة

ابتسم خالد ابتسامة مستفزة أثارت حنق عمر أكثر

: من فرحتي ده خير بمليون جنيه

: عارف يا خالد لو طلع خبر تافه من أخبارك هعمل فيك
ايه؟

: لالا والله المرة دي بجد خبر هيخليك تتشل من الفرحة

: الملافظ سعد

: مش قصدي مش قصدي..... اسمع يا برنس شركة
عربيات عالمية طالبة مننا نعمل إعلان للشركة

: احلف!!

قالها دون تصديق وهو ينهض من على الكرسي ويقف
مقابلا له

: والله بعثوا ايميل ومستنين الرد بسرعة

: انت بتهزر ابعثهم موافقين حالا

: هروح مكنتي وابعته دلوقتي

قالها وهو يتوجه سريعا إلى باب المكتب فتوقف فجأة وقد
تذكر شيئا

: اه صحيح في كذا حد بكرة جايبين عشان الانترنت اخلى
ال HR هي الي تقابلهم ولا تقابلهم انت؟

علياء عصام دويدار

: لا انا مش فاضي خلي ال HR هي الي تقابلهم بس هنبه عليها تعين حد يمنعك تدخل المكتب ده خالص

: يا ابني الشركة دي من غيرى ولا حاجة فوقوا

: بتقول حاجة؟

: بدعيلك يا حبيبي بالستر والصحة

قالها بمرح ليخرج بعدها سريرا

تجلس أمام التلفاز تغير قنواته بممل حتى أغلقته تماما

: اوووووف بجد زهقت كل يوم شبه الي قبله

: مالك يا بنتي بس!؟

قالتها راقية وهي تخرج من مطبخها

: زهقت الأيام كلها شبه بعضها طول النهار لوحدي فتون في الجامعة و حياة في الشغل عايزة أعمل أي حاجة

: طب عايزة ايه واحنا نعمله؟

: احم احم بصراحة كدا انا بفكر اشتغل

شهقة طويلة أصدرتها راقية وهي تضرب بيدها على صدرها

: يا لهوي يا بنتي واحنا قصرنا معاكي في حاجة؟

علياء عصام دويدار

: خلاص يا ماما براحة مالك عنيفة كدا هقول اهو في
دكتور مخ وأعصاب كبير اوي عرفته ممكن يساعدنا في
حالتك نقدر نروحله

: تفتكري يا بنتي هيقدر يخليها تفتكر؟

: ده دكتور كبير اوي يا ماما

: ربنا يجعل الشفا على ايديه يا بنتي اما ادخل بقا أكمل
الغدا

قالتها راقية واتجهت إلى المطبخ مرة أخرى

: مالك يا اسيا شكاك قلقان!!

: لا أبدا بس بفكر لو افكرت والذاكرة رجعتلي هسيبكم
وامشي وانا حبتكم اوي

: واحنا كمان حبناكي اوي وبعدين مين قالك إننا هنسيبك
ده انتى هتلاقينا كلنا عندك كل يوم وافتكر فتون ممكن
تروح تعيش معاكي أصلا وتريحنا منها
ابتسمت كل منهما

لكن ابتسامة كانت مليئة بالتوجس والخوف مما هو قادم!!

في المساء اتجه عمر إلى مكتب أبيه الذي أصبح لا يفارقه
مؤخرا

: وبعدين يا بابا هتفضل كده لحد امتى؟!!

: لحد ما الاقي ليلي

قالها كمال بارهاق نتيجة السهر طوال الأيام السابقة

: حرام عليك نفسك ارضى بقا بالأمر الواقع كل حاجة
حوالينا خلاص بتقول إن ليلي ماتت ماتت ومش هترجع
تاني

: حتى لو كل حاجة حوالينا بتقول كده فا انا هثبت العكس

: يوووووه كفاية بقا يا بابا كفاية انسى ليلي وعمي عاصم
ومراته خلاص ماتوا وانت حضرت عزاهم بنفسك
والبوليس نفسه بيقول أنها ماتت مش معقول كل دول غلط
وانت صح

قالها عمر بنفاد صبر لم يعد يتحمل تلك الطريقة، أبوه
يركض وراء سراب شخصية لم تعد موجودة أصبح يهمله
ويهمل نفسه

بل نسي أن ابنه الوحيد قد عاد له مرة اخرى بعد غياب!!

: ايوا كلهم غلط ليلي عايشة عايشة وانا متأكد من ده

: وجالك منين بقا التأكيد ده!؟

قالها بسخرية ليقابلها صمت تام من أبيه

: باباصمتطيب لما تخلص بقا كل
الحوارات دي وتلاقي ليلي الي صحيت من الموت دي
ابقى افنكر أن ليك ابن ليه حق عليك

قالها عمر بعتاب ثم انصرف
وقف كمال وهو ينظر لأثره بندم
نعم معه كل الحق انشغالي باختفائها أنساني فرحتي
بعودته إليّ مرة أخرى
ما العمل الآن؟؟

لم لا يفهمني أحد؟؟
يعتقدون أنني قد جننت ولكن أنا أنا وحدي من يعرف
الحقيقة، ليلي علي قيد الحياة ويجب أن تظهر مرة أخرى
وصية صديق عمري الوحيد لن أكسرها أبدا

في المساء يجلس الجميع على طاولة الطعام والتوتر سيد
الموقف ظل ينظر إليهم بتعجب
: في ايه مالكم؟

: اص... أصل يعني
: اتكلمي يا حياة في ايه؟ حاجة حصلت وانا مش موجود؟
: ولا حاجة يا حج ده كلام عيال
قالتها راقية سريعا

: بصراحة كدا يا عمي عايزين نفاتحك في موضوع
وخايفين ترفض

خيوط ناعمة

: يبقي اكيد هر فض بس أحب اسمعه

: طب مش تعرف ايه هو

لم يجبها وعم الصمت لثواني لتردف هي

: بصراحة يعني أنا عايزه اشتغل

احدتت عيناه بغضب لينظر لها الجميع بعتاب

: تشتغلي؟؟

: يا عمي انا زهقت من قعدة البيت مش معقول هفضل

قاعدة حاطه ايدي على خدي لحد ما افكر

اخذ نفس عميق محاولا تهدئة نفسه

: طب خيليني اتكلم معاكي بالعقل نفرض أنى وافقت أنهى

مكان ده الي يوافق يشغلك من غير ورق أو إثبات
شخصية

: نحاول يا بابا مش هنخسر حاجة

هتفت بها فتون بحماس لينظر لها بنصف عين

: والله انا شايفك متحمسة أوي للموضوع يا ست فتون

مش بعيد تكونوا اخترتوا الشغل كمان

نظرت الفتيات الثلاث لبعضهن بخجل

: لا واضح أنني بقيت آخر من يعلم في البيت ده

علياء عصام دويدار

: ما تخليها تجرب يا اخويا يمكن صحيح لما تخرج
وتتعامل مع الناس تفنكر

: انتى كمان يا راقية موافقة على الهبل ده!!

: يا بابا دي شركة كبيرة ومحترمة وطالبة موظفين جداد
قالتها فتون ليتنهد هو بنفاد صبر

: أدوني فرصة أفكر

: مينفعش يا عمي المقابلات من بكر ا لازم

قاطعها بحدّة

: قولت سيبوني أفكر أو هرفض خالص

نظرت الفتيات كل منهما إلى الأخرى بيأس وبدأوا في
تناول الطعام

بشمس يوم جديد تجلس بمكتبها تتابع بعض الأوراق
باهتمام عندما سمعت طرقات خفيفة على الباب تهلت
أساريرها عندما رأته

: كريم!!

: صباح الخير

: صباح النور ايه ده مش المفروض تكون في شركتك

خيوط ناعمة

: منا قولت انتى أكيد غلبانة ولسه مفطرتيش أعدي عليكي
نفطر سوا

: ابن حلال أنا هقع من الجوع

: طب خلصي بسرعة ويلا بينا

ما إن انتهت حتى اتجهوا معا إلى الخارج

: صحيح ابقي حدد معاد مع الدكتور الي قولت عليه

: وافقت هزت رأسها بإيجاب لتردف

: هي صحيح قلقانه وخايفة بس أنا أقنعنها

: خلاص يا ستي هرتب معاد واقولك

داخل مكتبه يتحدث عبر الهاتف باهتمام وأمامه بعض
الأوراق

: انا قدامي الأوراق كلها اهو مش فاضل غير حاجات
بسيطة أوي والصفقة تجهز

: مش محتاج افكرك يا عزيز أن المعاد لازم يكون سري
جدا

قالها الطرف الآخر بتحذير شديد

: متقلقش كله هيبقى تمام

: طب والموضوع التاني؟؟

علياء عصام دويدار

: لاده سيبك منه خالص هي فضل يدور وفي الآخر هيزهق

: ولو طلع نفسه طويل هتعمل ايه؟؟

: مفيش حد معدوش نقطة ضعف ولا انت ايه رأيك

: فهمتك

لتتعالى ضحكات الاثنين في مكر

{الفصل السابع}

تفاجئنا الحياة دائما بأمر لم تكن في الحسبان منها ما يسعد ومنها ما يؤلم أيا كانت هذه الأمور فأنت مجبر على التعامل معها والأهم أن تتعلم منها

خطت أولي خطواتها داخل تلك الشركة في توتر للحظة ندمت على تلك الفكرة أين كان عقلك أيتها الحمقاء عندما اقترحت تلك الفكرة

اتجهت إلى الاستقبال ثم إلى مكتب صغير يضم العديد من الفتيات تحمل كل منهم بيدها ملف يحتوي على العديد من الأوراق وجهت نظرها إلى ملابسهم ثم إلى هذا الرداء البنفسجي الذي ترتديه

حسنا لقد علمت الآن نتيجة تلك المقابلة قبل أن تتم مطرودة بكل تأكيد تدعو الله سرا أن يتم طردها بطريقة رحيمة ظلت تنتظر قرابة الساعتين حتى جاء دورها اتجهت إلى تلك الغرفة الصغيرة لتقابلها تلك السيدة بابتسامة بسيطة أشارت إليها بالجلوس لتبدأ المقابلة

ظل يعمل منذ الصباح دون ملل هو وخالد الذي كان ينظر إلى ساعته كل خمس دقائق في ضيق

علياء عصام دويدار

: يا ابني بقا حرام عليك انت معندكش اخوات

: اشتغل وانت ساكت

: يا مفتري يا ظالم انا بقالي خمس ساعات شغال ما كان
ممكن تكمله بكرة أو تاخده معاك البيت

نظر إليه عمر في برود

: انت عارف إني מבحبش أجل أي شغل

: انت واحد ربنا كارمه بشوية صحة أنا راجل مسن
صحتي على قدي يا اخي

: بقولك ايه انا מבحبش الزن كمل شغل

قطع حديثهم تلك الطرقات على باب المكتب

: في حاجة يا مدام أميرة؟

قالها خالد

: ايوا يا فندم في بنت من الي جايبين يقدموا على الوظيفة
بصراحة غريبة جدا

: غريبه ازاي يعني؟

: يعني جاية من غير أوراق أو حتى بطاقة

: طب خلاص مشيها

قالها عمر بعدم اهتمام

خيوط ناعمة

: عملت كده فعلا لكن هي رافضة ومصممة انها تشوف المدير

عقد حاجبيه ونظر لخالد باندهاش

: هتكون عايزة مني ايه دي!؟

: شوفها يمكن تكون محتاجة أي شغل

قالها خالد ليومئ له عمر بالموافقة

: خمس دقائق ودخلها

: حاضر يا فندم

قالتها وانصرفت ليستغل خالد تلك الفرصة

: الحمد لله أكيد دي إشارة إنني امشي بقا وأكمل شغل في البيت

: لا يا حلو تكمله في مكتبك

نهض خالد وهو يتصنع البكاء متوجها إلى مكتبه

: ربنا على الظالم

: سمعتك

: أحسن

انصرف خالد ليسمع صوت الطرقات على باب المكتب،
أذن لها بالدخول ما إن دخلت وتقابلت أعينهم حتى هتف
كل منهم

: انت!!

: انت بتعمل ايه هنا؟!

: المفروض انا الي اسأل السؤال ده!!

: يعني ايه!؟

: يعني انتي في شركتي

اتسعت أعينها بصدمة

ماذا؟؟

شركته؟؟

كيف!!

يا إلهي حقا هذا اليوم ليس لي لعنت نفسها عدة مرات
علي هذا الموقف المحرج

: يا أنسة أنا بكلمك

: ها

: عايزة تقابليني ليه!؟

: ولا حاجة ولا حاجة

قالتها سريعا لتركض خارج المكتب بل الشركة بأكملها
ناداها عدة مرات دون جدوى فكر أن يلحق بها لكنه طرد
تلك الفكرة سريعا ليوقف مندهشا من تصرفها أخرجه من
شروده ذلك الصوت

: انا خلصت كل الشغل اهو أروح انام بقا؟

تجلس مع يارا في ساحة الجامعة لتنتبه كل منهما لذلك الصوت

: صباح الخير

قالها ياسين وابتسامة بسيطة عرفت طريقها على وجهه

: صباح النور

: احم ... انا ابقى ياسين عزام معاكم هنا في الكلية بس
الفرقة الأخيرة

: اهلا بيك

قالتها يارا بإعجاب

: أنا كنت بنظم رحلات وزيارات للطلبة هنا في الكلية
وخصوصا الفرق الأولي وكنت منظم زيارة لمبني
ماسبيرو لو حابين اكتب اسمكم معانا

نظر كل من الفتاتين لبعضهما بتردد

: طيب ممكن تدينا بس يومين نقرر فيهم

قالتها فتون ليقسم هو داخله أن صوتها الناعم ذلك جعله
يزيد إصرارا على أن يوقعها في شبابه بأسرع وقت

: زي ما تحبوا أنا موجود في أي وقت عند مبني الكلية
أول ما تقررنا بلغوني عن إذنكم

علياء عصام دويدار

تركهما ورحل لتختلس كل منهما نظرة أخيرة له
أما هو رحل وعلى وجهه ابتسامة تحمل الكثير، حدث
نفسه

(حسننا صغيرتي هذا مجرد طعم كل ما على الآن هو
الصبر فهذا أهم ما يميز الصياد أيتها الفاتنة السمراء فتون
حقا اسم على مسمى)

تجلس شاردة منذ أن جاءت

لماذا ركضت من أمامه؟؟

لم لم توضح له أمرها؟؟

ربما كانت تعمل الآن!!

: اسيا اسيااااااااااا يا بنتي روحتي فين ؟

: ها ... ايه يا حياة في حاجة؟

: لا ده انتى مش معانا خالص الي واخذ عقلك؟!

: أبدا مفيش حاجة

: كل ده عشان رفضوا يشغلوكى يا ستي هو في أحلى من
الأنتخة في البيت

: عندك حق

: طب استعدي بقا لبعدي بكرة

خيوط ناعمة

- قالتها حياة بحماس لتعقد اسيا حاجبها بتساؤل
- : انتى نسيتى ولا ايه هنروح للدكتور الي قولتلك عليه
- : ما بلاش يا حياة
- : عارفة إنك خايفة وحقك تخافي بس ممكن تقولي
هتفضلي خايفة لحد امتي
- انتفضت كل منهما على صوت راقية وهي تهتف بحدة
- : الله الله قاعدين هنا تدرشوا وأنا محتاسة لوحدي في
المطبخ
- : هو بابا بردوا مصر يعزمه
- : حياة عدي اليوم على خير هما كام ساعة وهيمشى
- : أنا مش فاهمة بابا بيعمل كده ليه؟
- : الي فات مات يا بنتي دي حكاية قديمة أوي فات عليها
ياما
- أصدرت حياة تنهيدة طويلة أخرجت معها ألما عميقا
- : حاضر يا ماما الي تشوفوه
- : ربنا يريح قلبك يا بنتي
- ***

علياء عصام دويدار

يجلس بغرفته يشبك أنامله خلف رأسه شاردا في صاحبة
الرداء البنفسجي كما أطلق عليها هو، لم ركضت من
أمامه؟؟

ماذا كانت تريد منه يا تری؟؟

علامة استفهام كبيرة حول تلك الفتاة، أخرجته من شروده
تلك الطرقات على باب الغرفة دخل بعدها والده

: ممكن اتكلم معاك شويه؟

: طبعا يا بابا اتفضل

: انا عارف انك زعلان مني بس صدقتي غصب
عني انت أكثر واحد عارف أنا كنت بحب عمك عاصم
قد ايه وانه كان أكثر من أخ ومش قادر افتتح أن بنته الي
كنت معتبرها أمانة في رقبتى مقدرتش أحميها

: الي حصل حصل يا بابا خلاص ده أمر واقع ولازم نقبله

: مفيش حاجة اسمها أمر واقع الأمر الواقع ده احنا الي
بنعمله مش الي بيتفرض علينا

نظر له عمر بتهكم ها قد عاد والده مرة أخرى للحديث
نفسه ليتدارك هو الأمر سريعا ويردف

: خلاص خلاص ننسى كل الي فات ونبدأ صفحه
جديدة..... قولي بقا هتصحى بكره الساعة كام؟

: اشمعني يعنى؟!!

خيوط ناعمة

: هروح معاك الشغل اشوف ابني صاحب شركة مسيطر
ولا منيل الدنيا

انقض عمر عليه محتضنا إياه بحب لتتسع عيناه عندما
رأى ما كان يخبئه والده خلف ظهره التقطه لتتجمع
الدموع داخل عينيه بشوق

: عسلية!!

قالها عمر وهو يحاول جاهدا منع دموعه من ألم الفراق
لا يعلم كم مر على ذلك الألم داخل قلبه حتى الآن أصبح
يمل من العد يتذكرها كل ليلة عندما كانت تنتظره على
باب المنزل وهو قادم من يوم دراسي شاق وتلك الحقيبة
اللعيينة الأكبر منه على ظهره تنتظره بابتسامتها العذبة
وتلك الحلوى ليركض ناحيتها يحتضنها بحب ثم يحصل
على مكافئته بتلك الحلوى ليأتي أصعب يوم مر عليه
عندما جاء من مدرسته فلم يجدها بانتظاره ولم يجد
مكافئته

: عارف انها وحشتك قولت افكرك بيها

: أنا ولا مرة نسيته

: صدقني ولا أنا كمان دايمًا كنت بصبر نفسي بأنها اكيد
حوالينا وسمعانا وعارفه قد ايه هي وحشتنا

احتضنه عمر بشوق ليضمه هو الآخر بحنان

: أنا بحبك اوي يا بابا

: وأنا كمان يا حبيبي

يلتف الجميع حول طاولة الطعام على رأسها عبد الله
وعلى يساره يجلس دكتور فاروق بجانبه اسيا أما على
يمينه كانت تجلس زوجته وبناته كان الصمت هو سيد
الموقف ولا يخلو من بعض التوتر حتى قطعته راقية

: مش بتاكل ليه يا دكتور شكل الأكل مش عاجبك؟!!

: أبدا والله تسلم ايدك ده الأكل يفتح النفس

قالها وهو يختلس النظر للجميع يعلم أن وجوده غير
مرحب للبعض هنا

ويعلم أن معهم كل الحق في ذلك، لم لا يترك الماضي
حاضرنا وشأنه يا الله؟!!

: تعرف يا دكتور فاروق احنا سمينها ايه؟

قالتها فتون وهي تشير إلى اسيا ليرد هو بفضول

: يا ترى ايه؟

: اسيا

قالتها بنبرة ذات معني لينظر لها الجميع بعتاب لقد فتحت
بفعلتها هذه جروحا غائرة بقلب هذا الرجل وهي تعلم ذلك
جيذا لقد ضغطت بكل برود على جراح حاول هو لسنوات
أن يتعايش معها نظر لها والدها بحدة وعتاب

لماذا يا ابنتي لماذا؟؟ يكفي إلى هذا الحد

: سفرة دائمة يا جماعة عن اذنكم

قالها دكتور فاروق ثم رحل ثواني من الصمت هتف بعدها عبد الله بحدة

: مبسوطين خلاص كده ارتحتم

: كده يا فتون هو ده اللي اتفقنا عليه يا بنتي

: يا ماما أنا.....

لم تعلم بماذا تبرر فعلتها تلك ندمت؟؟

نعم لن تنكر ذلك

: انا مش فاهمة حاجة يا جماعة هو ايه الي بيحصل؟!

قالتها اسيا لينظر لها عبد الله باستياء

: الي حصل يا بنتي أن القدر أوقات بيحطنا في مواقف

مش هيفيد بعدها ندم ولا هيرجع الي راح

اتجه هو الي منزله وقف ينظر إلى ذلك البرواز المعلق

علي الحائط صورة الملاك الصغير أجمل شيء بحياته

أعظم انتصاراته ولكن كل ذلك كان بالماضي فقدتها

بحماقته ويأسه وجُبنه، خذلها في أكثر الأوقات احتياجا له

إلى متي سيظل يتحمل نظرات اللوم بعيون الآخرين؟!

إلى متي سيظل يحمل ذنبها؟!

قاتل، جاني، مذنب نعم هو كل هؤلاء وأكثر
لو أن يعود الزمن إلى الوراء، لو أن تعطيه الحياة فرصة
أخرى
لو!!!

يسير بجانب ابنه بفخر ينظر حوله بإعجاب
: حقيقي يا عمر أنا فخور ببيك ربنا يكرمك يا ابني
: بجد يا بابا عجبك الشركة؟

: مش الشركة بس الشركة والنجاح الي حققته في الوقت
القصير ده

: طب ادعي لي دعوتين حلوين بقا على آخر السنة أكون
حققت الي عايز أوصله

قال جملته ثم استمع بعدها إلى صوت يأتي من الخلف
يعرفه جيدا ومن غيره صاحب هذا الإزعاج

: الباشا الكبير الي مشرفنا وانا اقول الكهريا ملعلطة في
المكان ليه

: اهو الواد البكاش ده هيكون أول أسباب فشلك

: عندك حق يا بابا والله انا بقول ارفده اهو حتي نوفر
مصاريف

: ليه بس كده يا عموري ده انا حتي بنفع في وقت زنقة

خيوط ناعمة

: مية مرة يلا اقولك بلاش عموري دي في الشركة هييتي
هتبقى في الأرض قدام الموظفين

: كفاية رعى انتم الاثنين ودوني على المكتب عايز أريح
تعبت من كتر الوقفة

امتلل الاثنان لطلبه واتجه ثلاثتهم معا إلى المكتب

يجلس يتابع تلك الملفات وأمامه تلك المطفأة الكريستال
ممتلئة بالعديد من أعقاب السجائر يبدو أنه قضي الكثير
من الوقت وهو يعمل

: حلو اوي يا حاتم والشغل تحت أخباره ايه؟

: لسه كنت مع الدكتور تحت وطمني

: تمام كده الدفعة الأولى قربت.. الخوف هيبقى من حاجة
واحدة بس لازم نفتح عيننا عليها اوي

: ايه هي يا باشا؟

: خليها لوقتها المهم اجهز عشان قريب هخليك
تراقب البننت دي..... هي كان اسمها ايه؟

: حياة يا باشا

{الفصل الثامن}

لقد تحمل قلبي الكثير حتى انصهرت شموعه وكاد
يصرخ عاليا لم أعد قادرا على التحمل أكثر من ذلك

تجلس معهما في تلك الصالة الصغيرة أمام التلفاز وصل
فضولها إلى ذروته

: لا انا بقا بصراحة الفضول هيموتنى عايزة أعرف ايه
حكاية الدكتور ده!؟

نظرت كل منهما إلى الأخرى دون رد

: براحتكم أنا هروح اسأل عمو

قالتها وهي تنهض لتأخذ حياة نفسا عميقا أخرجت معه
الكثير من الوجد ثم حسمت أمرها

: استنتي..... أنا هقولك

المشاهد تتجسد أمامها من جديد تجمعت دموع سنوات
بعينها لم تمنعها تلك المرة بل تركت لها العنان على
وجنتيها وهي تسرد ما حدث بصوت مبجوح

: من زمان دكتور فاروق كان بيحب واحدة أبوها غني
أوي وعشان هو فقير أبوها رفضه وطرده لما اتقدم لها
ولأنهم كانوا بيحبوا بعض أوي أصرت عليه ووقفت قدام

أبوها عشان تتجوزه، وقتها أبوها قالها لو اتجوزتية اعتبري ان أبوكي مات زي ما أنا هعتبر أن ماليش بنت وانها مش هتستحمل تعيش معاه شهر واحد في الفقر ده وهترجعه تاني وفعلا اتجوزوا وخلفوا كمان بنت زي القمر... سموها اسيا

توقفت حياة عن الحديث وما زالت دموعها تعرف طريقها على وجنتيها

: وبعدين كملي

قالتها اسيا بفضول شديد

: عدت سنين واسيا كبرت واكتشف دكتور فاروق أن مراته عندها سرطان في الدم وفي مرحلة متأخرة كانت فترة صعبة أوي عليهم وفي يوم صحينا على صوت اسيا وهي بتصرخ عرفنا ساعتها أن مراته ماتت وهو من كتر حبه ليها مقدرش يستحمل الصدمة و حاول يهرب منها بأنه يشرب ويسهر ونسي اسيا خالص حتي شغله سابه أوقات كثير كانت بتيجي تقعد معانا و تشتكي قد ايه هي حاسة إنها وحيدة وإنها خسرت ابوها وامها مرة واحدة في يوم جت وهي شكلها منهاز وبتبكي قالت إن الشخص الي كانت بتحبه شافته وهو بيخونها ولما جت عشان تواجهه حاول يعتدي عليها لكن عرفت تهرب منه كانت منهازة وهي بتصرخ وبتقول هنتحر وانه مبقاش فيه سبب تعيش عشانه في الدنيا دي وأنها كرهت نفسها ساعتها افكرنا أنها بتقول كده بس في ساعة غضب وأنها مش في وعيها اقنعناها انها تروح تتكلم مع باباها وترجعه

علياء عصام دويدار

عن الحالة الي بقا عايش فيها بس الي عرفناه بعد كده انها لما راحت تتكلم معاه كان هو في عالم ثاني ومش فاضي ليها كانت ازايز الخمرة في كل حثة لما دخلت عليه كان مش في وعيه وحاول يعتدي عليها هو كمانتقريبا كان فاكرها مراته الي ماتت لأنها كانت شبه مامتها أوي فضلت تصرخ و جريت على أوضتها حاول يكسر الباب لكن بسبب أنه كان سكران من التعب اغم عليه وتاني يوم صحينا لاقيناها انتحرت، قطعت شرايينها من كتر ما يأست من الحياة

حالة من الصمت سيطرت على المكان لتردف حياة بعد دقائق

: ومن ساعتها ودكتور فاروق عايش زي أهل الكهف مبنسمعش عنه حاجة أو مش عايزين نسمع حاجة

: هو السبب في موتها

قالتها فتون بحدة من بين دموعها ليستمع الجميع بعدها لصوت عبد الله من الخلف

: نسيتي تقولي كمان أنه لحد دلوقتي عايش بعذاب ضميره افهموا فاروق أب مهما حصل هو أب هو أكثر واحد حزين ومقهور على الي حصل عمركم ما هتחסوا بالي هو عايش فيه غير لما تكونوا أمهات وتعرفوا قد ايه فراق الضنا ده غالي أوي يمكن انتي موجهة عليها أه لكن هو مش بس موجهع ده عايش بالندم وعذاب الضمير ودول أصعب المشاعر الي ممكن تمر على أي إنسان يخلوه

جسد من غير روح متبقوش انتوا كمان قاسيين في الحكم
عليه وتحكموا على واحد ماتت في قلبه كل المعاني الحلوة
في الحياة.

: عندك حق يا عمي أنا هروح أقوله يجي يقعد معانا
ونعتذر ليه عن الي حصل

أوما لها عبد الله برأسه موافقا واتجهت الي الشقة المقابلة
لهم طرقت عده طرقات دون فائدة حتى تسلل إلى أنفها
رائحة غريبة

ما هذا؟؟

يا إلهي إنها رائحة غاز!!

لا لا، تتمني أن يكون ما دار برأسها غير صحيح

أخذت تصرخ وتضرب الباب بيدها بعنف دون فائدة أقبل
عليها جميع من بالعمارة وعلى رأسهم عبد الله استطاع
أحد الشباب كسر ذلك الباب ليتجه الجميع داخل الشقة بحثا
عن هذا الدكتور البائس اتسعت أعينهم وتعالق شهقات
بعض النساء عندما وجدوه مستلقا على أريكة الصالة
بوجه شاحب فاقد للحياة

هل حقا اليأس يصل بالإنسان إلى درجة تجعله زاهدا في
الحياة فاقتدا للأمل فاقتدا حتى إيمانه بربه فيقدم على
الانتحار ويفقد دنياه وآخرته معا بلا تفكير!؟

علياء عصام دويدار

يجلس بصحبة ابنه عمر وخالد صديقه داخل المطعم يتحدثان في العديد من المواضيع التي لم تخل من مزاحات خالد الطفولية من وقت لآخر قطع حديثهم رنين الهاتف الخاص بكامل تركهم واتجه إلى إحدى زوايا المطعم ليجيب بهدوء

: ها يا شروق ايه الاخبار عندك؟

: عزيز بيه جه من شويه ومعاه ورق شكله مهم دخله المكتب وطلع فوق وأنا صورته بسرعة

: ابعثيلي الصور دي فوراً

أغلق معها الهاتف سريعاً ثواني وأرسلت له العديد من الأوراق لم يتفاجأ كثيراً بل في الحقيقة كان يتوقع الأسوأ ومن يعلم؟ ما خفي قد يكون أعظم!!

عاد إلى الطاولة مرة أخرى ليسأله عمر

: مين يا بابا؟

: أبدا واحد طالب مني خدمة

: واحد بردو يا شقي

قالها خالد وهو يغمز له بعينه اليسرى

: اخرس بدل ما أخليك تمسح أرضية المطعم قبل ما تمشي

: على فكرة يا عمر عمي شخصيته قوية جدا

: انت هتقولي أنا مسحت ٣ مطاعم قبل كده

أتى الليل خيم معه الحزن على الجميع بمنزل عبد الله
مشاعر مختلطة يصعب وصفها مزيج بين الحزن والندم
واللوم

تري هل يعيد الزمن نفسه في الماضي لم يستطع أن
يسعف ابنته من الموت لتدور السنين ولم يستطع أحد أن
يسعفه؟!!

هل هذه سخرية القدر نتمنى دائما لو أن يعود الزمن إلى
الوراء لكانت لكانت ماذا؟؟؟

كنا سنكرر نفس الأخطاء ونفس الحماقات!!

انتهى اليوم، كان صعبا على الجميع ليتجهوا جميعا الي
النوم في صمت كئيب مرعب

مر أسبوع على تلك الأحداث كان يحاول الجميع أن
يتخطى ذلك الحزن الذي خيم عليهم شرخ جديد
بقلوبهم يضاف مع تلك الندوب التي ملأت روحهم

تقف مع اسيا بقاعة المحاضرات الخاصة بعملها فالיום
ستقابل الطبيب الذي أخبرها عنه كريم

: هتتعدى وسط الحضور هنا، هدي المحاضرة دي
ونروح نستني كريم سوا

علياء عصام دويدار

: حياة أنا متوترة أوي ما بلاش موضوع الدكتور ده

: تاني يا اسيا هنرجع نعيد نفس الكلام

: أصل جوايا إحساس بيقولي أن الي هفتكره مش هيبقى
كويس

نظرت حياة الي ساعتها لتقول

: طيب نتكلم بعد المحاضرة عشان لازم ابدأ دلوقتي

جلست اسيا وسط الحاضرين تنظر لحياة التي ظهرت
الآن أمامها تقف بكل ثقة وثبات كانت تتحدث بحماس
تتحرك في جميع الأركان تجذب انتباه الجميع

: عشان كده لازم كل واحد يواجه الخوف الي جواه لو
فضلت تهرب من الخوف ده طول عمرك هتبص تلاقي
العمر بيجرى بيك وتيجي بعد سنين تبص على نفسك
تكتشف أنك واقف مكانك محققتش أي حاجه من الي كنت
بتحلم بيها بسبب خوفك خوفك بقا من الفشل من أنك
تخوض مرمله جديده في حياتك أيا كان نوع خوفك المهم
أنك تواجهه وتنتصر عليه

رفع أحد الحاضرين يده إلى أعلى فأشارت له حياة
بالحديث

: طب افرضي ان الخوف الي جوايا ده سر خايف أطلعه
لأنه لو طلع ممكن يأذيني أو يأذي حد بحبه أعمل ايه؟

: ممكن تكتب السر ده على ورقه حتى لو هتقطعها بعدها
بس هتكون خرجته من جواك وقتها ممكن تحس براحة
حتى لو بنسبه بسيطة

صمتت لثواني ثم جالت بخاطرها فكرة ما لترد

: سؤالك ده جاب في بالي فكرة جديدة ممكن نجربها سوا
إننا نوزع دلوقتي عليكم ورقة وقلم وكل واحد يكتب أي
شيء ممكن يخطر على باله وطبعا ده مش إجباري
خالص ده لو حابين تكتبوا وممكن كمان تكتبوا السر الي
خايفين تقولوه حتى بينكم وبين نفسكم وهيكون طبعا من
غير اسم وأنا هقرا الي هيتكتب

كانت تعلم أن تلك اللعبة لن تنجح بالطبع من سيملك
الشجاعة الكافية ليكتب سرا عن حياته حبسه داخله
لسنوات وكما توقعت فعدد الأوراق الذي تجمعت أمامها
لا يتعدى العشر ورقات التقطت إحداهم وقرأتها أمامهم
بصوت مسموع كما هو مكتوب

(عندي ضحكة غبية بتطلع لوحدها وأنا بتكلم ومبعرفش
اتحكم فيها حتى لما بكون متعصب أو بتكلم جد)

ضحك بعض الحاضرين وبدأ الحماس لتلك اللعبة يظهر
عليهم التقطت ورقه أخرى لتقرأها أيضا بصوت مسموع

(أنا عندي فوبيا الرهاب الاجتماعي وصوتي حلو بتمني
يوصل للناس بس مش قادر أقف قدامهم وأبين موهبتي)

علياء عصام دويدار

شعرت أن تلك اللعبة بدأت تأخذ مسار لم تتوقعه تملكها
الفضول لتقرأ باقي الأوراق التقط سريعا ورقة أخرى ما
إن فتحتها وقراتها حتى أصدرت ضحكه بسيطة شاركها
معها الحاضرون حين قالت

(سرتت عربية بابا وخطتها من غير ما يعرف)

حسنا على الأقل هناك أحد الأشخاص يمتلك سرا طريفا
قالتها بداخلها وهي تلتقط ورقه أخرى

(نفسى أحب واتحب زي أصحابي يمكن المشكلة إني
بتكسف اتكلم أو يمكن البنات مبتحبش تقرب مني عشان
وزني الزايد مش عارف السبب)

رفعت حياة نظرها لوجوه الحاضرين رأت الأسف على
وجوههم لذلك الشاب المسكين لن تنكر أن بداخلها كانت
سعيدة بتفاعلهم لذلك التقطت ورقة أخرى

(بتمنى أعمل حادثة او عملية تجميل واتخلص من شكلي
اللي بكرهه)

التقطت ورقة أخرى سريعا حقا قد بلغ الفضول مع الجميع
الي ذروته

(أنا سورية وكان عمري ست سنين لما شفت مجموعة
من السوريين ببعدموهم تحت البيت كان ممنوع إننا
نشوفهم بس أنا شفتهم ومش قادرة أنسى هيدا المشهد لحد
هلا وراح ضل أتذكره دائما)

خيوط ناعمة

اقشعر بدن الجميع ومعهم حياة التي لعنت نفسها بداخلها
على اقتراح تلك اللعبة

التقطت آخر ورقة عقدت حاجبيها باندهاش عندما
قرأت!!

(حاولت أكتب أي حاجة في الورقة بس مقدرتش
الموضوع صعب أسف!!)

عقد جميع الحاضرين حاجبيه باندهاش يبدو أن صاحب
تلك الورقة يخفي شيئاً عظيماً؟!!

حسنا فلتنتهي تلك المحاضرة الآن يكفي هذا القدر من
المشاعر والانفعالات اليوم بالفعل أنهتها وكان هناك
سؤال واحد يدور بذهنها هل لو عاد بها الزمن ليضع
دقائق كانت ستقترح تلك اللعبة مرة أخرى على
الحاضرين؟!!

أمام إحدى القاعات تقف فتون تنتظر يارا ليراها هو من
بعيد تقف بمفردها وينتهز الفرصة

: صباح الخير

قالها ياسين بابتسامته المعتادة

: صباح النور

: فاكراني مش كده؟

علياء عصام دويدار

: ايوا وبصراحه كنت ناويه ادور عليك النهاردة واقولك
إننا مش هنفدر نطلع الرحلة دي

أخفى ياسين انز عاجه يعلم أن تلك الفتاه تحتاج إلى بعض
الصبر، كاد أن يفتح فاه ليتحدث ليتفاجأ برحيلها سريعا
شعر بالكثير من الغيظ من تلك الفتاة لينتبه لكف أحدهم
على كتفه

: كنت بتقولها ايه؟

: ابعد عني يا زين مش ناقصك

: منا قولتلك دي مش زي الي انت تعرفهم

: عجبتي دخلت دماغي ومش هسيبها

: مش هتعرف توصلها

: والي يوريك بعينك

: يعني ايه!؟

: هتشوف

قال كلمته ورحل تاركا زين في حالة من القلق
والفضول!!

بذلك المكان المعتاد الذي تجلس به دائما مع كريم تجلس
هي واسيا بانتظاره

: مالك!؟

خيوط ناعمة

قالتها اسيا

: محاضرة النهاردة كانت مختلفة

: فعلا الكلام الي كتبه في الورق كان مؤثر اوي

: معرفش إذا كانت التجربة الي عملتها النهاردة دي صح
أو غلط لكن مكننش متوقعة أنهم يتفاعلوا معاها بالشكل
ده

: طب سيبينا بقا من المحاضرة واعترفي عينك بتلمع ليه؟

: انا

: لا انا

: انتى بتقولي أي كلام على فكرة

: كدة طيب ادينا هنشوف بعد شويه..... حقيقي نفسي
اشوف كريم بتاعك ده

لنتسع ابتسامه حياة وهي تقول بحماس

: اهو كريم جه

{الفصل التاسع}

هالات رمادية تتسع حولها أكثر وأكثر كلما تخطت واحدة
وليتها الأخرى، كل ما حولها ضباب مزيج بين الأبيض
الناصع والأسود الكاحل

اقترب منهم بخطوات واثقة حتى وصل إلى طاولتهم
التفتت اسيا بوجهها إليه لتتقابل أعينهم معا
لحظه هي لحظة شعر معها أن كل شيء حوله يدور يا
إلهي!!

أتلك إحدى علامات الساعة؟؟

شلت قدماه عن الحركة هل من شدة حزنه على فراقها
أصبح يتخيلها أمامه؟؟

حتى لو كانت جملة ((يخلق من الشبه أربعين)) حقيقة لن
يصل الشبه إلى تلك الدرجة

ثواني مرت وهو يتطلع لها بصدمة كانت تلك الثواني
بالنسبة لحياة كحد السكين بقلبها هل أعجب بها؟

هل أحبها؟

خيوط ناعمة

لم تؤمن يوماً بجملة ((الحب من أول نظرة)) هل تحققت
الآن أمامها؟ لم تتحمل أكثر أخرجته من شروده: كريم
...كريم

: هااا ...

: ايه يا كريم مالك واقف كدة ليه؟

: أبدا بس ولا حاجة

: اعرفك اسيا

نظر إليها بنمعن يا إلهي هي بكل تفاصيلها مد يده
ليصافحها صافحته هي الأخرى بتوتر

: طب يلا بينا

قالتها حياة بحدة

: على فين؟

قالها كريم بعدم تركيز وهو يختلس نظرات إليها من وقت
لآخر

: الدكتور يا كريم مالك؟!

قالتها بنفاد صبر، حقا قد طفح الكيل من نظراته تلك

: اه اسف شكلي مش مركز النهاردة يلا بينا

اتجهوا معا إلى الطبيب استغرق الكشف بعض الوقت
بالداخل كان ذلك الوقت كافيا لأن تتحدث حياة مع كريم
بمفردهما

: مالك؟!!

: أبدا مفيش

: متأكد

: اه طبعا شوية إر هاق بس

: طيب

صمت ساد لثواني قطعه كريم بسؤاله المفاجئ لها

: هو باباكي لقي البننت دي فين؟

: معرفش بس ليه بتسال؟!!

قطعهم خروج الطبيب يسمح لهم بالدخول ليسألته كريم
بلهفه أثارته دهشة الجميع

: ها يا دكتور ممكن تفنكر؟

: أستاذ كريم أنا هجاوبك بصراحة الحالة الي قدامي بتقول
إن مفيش عندها أي مشكلة بنسبة كبيرة الحالة اللي قدامي
فاقدة الذاكرة بإرانتها هي

ظهرت الدهشة على وجوه الجميع

: معلش يا دكتور ممكن توضح أكثر

: المخ البشري يا كريم معقد جدا ممكن يكون الي حصل
ليها ده حيلة دفاعيه من المخ عشان يحجب عنه ذكريات
هو مش عايز يفتكرها ومع الوقت ممكن تفنكر لوحدنا

: وده ممكن يحصل ازاي؟؟

: ممكن يحصل قدامها مواقف مشابهه لمواقف مرت
عليها قبل كدة ده غير إني قولتلك لو هي بإرادتها عايزه
تفتكر هتفتكر

: فهمتلك يا دكتور شكرا جدا

صافح كريم الطبيب ثم اتجه لثلاثتهم للخارج لتنتهار جميع
محاولات اسيا في التماسك واستسلمت للبكاء بأحضان
حياة

أصبحت تلك الصفة وتلك الملفات هي كل ما يشغل
اهتمامه بالفترة الأخيرة لن يسمح لأحد أن يفسد خطته
حتى لو سيكلفه ذلك أعز ما يملك

: تمام أوى برافو عليك أهم حاجة التأكيد على المعاد أي
تأخير الناس دي مبرحمش

قالها عزيز بتحذير ثم وضع السيجار بين شفتيه مرة
أخرى يستنشق دخانها بتفكير

: أنا أكدت بنفسي على كل حاجة قبل ما اجي بس مش
كثير المبلغ اللي اندفع ده يا باشا؟

قالها حاتم بثقة

: هو كثير بس اللي هيجي بعد كدة أكثر المهم تبدأ مهمتك
من بكرة

: البت إياها؟

: عايزك تعرف عنها كل حاجة أي معلومة مهما كانت
تافهة لازم أعرفها فاهم

: اعتبره حصل

قالها حاتم واتجه إلى الخارج سريعا لتركض شروق
سريعا تختبئ خلف الحائط قبل أن يراها

يجلس بغرفته يحاول أن يرتاح ولو خمس دقائق فقط
يخرج من عقله أي شيء يعكر صفوه الآن يحمل بيده
ألبوم صور قديم له مع عائلته، زوجته الراحلة بشعرها
الأحمر والنمش الوردي المتناثر على وجنتيها وهي تحمل
بين يديها عمر وهو بعمر سنة وصورة أخرى له بعمر
خمس سنوات يبتسم وهو يلتقط الكرة وابتسامه طفوليه
بريئة على وجهه وأخرى وهو يلوح له بيده في أول يوم
مدرسة والعديد من الصور التي أعادت له الحنين، أخرجه
من ذكرياته تلك صوت طرقات خافتة على باب الغرفة

: بابا

: تعالي يا عمر حمد الله على السلامة

: الله يسلمك

وجه عمر نظره الي تلك الصور لتتسع عيناه بحنين
ليردف

: يااه الصور دي لسه موجودة

: طبعا كل لما أحب اتكلم مع أمك أو توحشني بطلع الألبوم
ده واقعد احكي ليها كل الي جوايا

التقط صورة له مع والدته لينظر له بشوق

: كانت جميلة أوى..... الله يرحمها

أخذ يقلب في صفحات ذلك الألبوم حتى توقفت عيناه على
صورة لأشخاص لا يعرفهم ولكن لحظة هو يعرف تلك
الفتاة.....كيف أتت تلك الصورة إلى هنا!؟

هي صاحبة الرداء البنفسجي!!!

: ده عمك عاصم مع مراته وأبلي بنتهم كانت آخر صورة
ليهم سوا

أيعقل؟ إذا والده طوال هذه المدة كان على حق

والده الذي لم يترك شبرا واحدا إلا وبحث عنها به وهو
جمعه القدر معها مرتين ولا يعرفها!!

دخل سريعا إلى المنزل اتجه إلى مكتب والده حاول جاهدا
التقاط أنفاسه دار ببصره في جميع أرجاء المكتب ولم
يجده ظل ينادي عليه عدة مرات دون رد يظن أن والده
سيسعد أنها ما زالت على قيد الحياة اختلس النظر إلي
طاولة المكتب ليقع على نظرة ذلك الملف الأسود أخذه
الفضول ليرى ما بداخله لتكون صدمته الكبرى!!

علياء عصام دويدار

بيدو أن هذا يوم المفاجأة بالنسبة له نظر للأوراق بنفور
أي كوارث تلك التي يحملها بين يديه والصدمة الأكبر
إمضاء والده أسفلها!!

لا بالتأكيد هذا حلم هناك خطأ ما للحظة تمنى لو لم يستيقظ
اليوم لو أن روحه سعدت للسماء قبل أن تصدمه كل هذه
المفاجأة دفعة واحدة دون رحمة.....ترك الملف بل ترك
المنزل بأكمله دار بالشوارع شاردا تائها لا حول له ولا
قوة حاول بكل جهده حبس دموعه حتى لا تخونه لكن
فشل، أخذ يفكر حتى كادت رأسه تنفجر ترى ماذا يفعل
الآن؟؟

يريد أن يصرخ ويصرخ حتى يضيع صوته.... مستحيل
والده ومثله الأعلى مجرم
كيف ... كيف؟؟

كاد أن يخبر والده أنه كان على حق كل تلك المدة لكن
قطعهم صوت تلك الطرقات على باب المنزل اتجه والده
ليفتح تفاجأ من مظهر ذلك الواقف أمامه ووجهه الشاحب

: كريم مالك يا ابني؟!... تعالى

: أنا محتاج مساعدتكم ضروري عارف أنك أكثر واحد
ممکن تساعدني

: في ايه يا كريم قلقتني؟! ادخل بس ارتاح الاول

خيوط ناعمة

اتجه الاثنان للداخل انضم إليهم عمر ليعرّف كمال كلا
منهم على الآخر

ألقي كل منهما التحية على الآخر ليتحدث بعدها كريم في
عجالة

: حبك لعمي عاصم وليلى هما الي خلوني اجيلك دلوقتي
بعد الي عرفته

: عرفت ايه يا كريم!؟

: انت كنت صح ليلي عايشة

اتسعت أعين كمال بدهشة ليردف كريم

: ايوا يا عمي شفتها النهاردة وقابلتها واتكلمت معاها
كمان

نعم ... نعم اخيرا لم يكن يهزي كما اعتقد الآخرون، قلبه
لم يكذب عليه ولو مرة واحدة، هي على قيد الحياة ولو
أنكر الجميع

اتجه يقف مقابل كريم مباشرة ليقول بلهفة واضحة

: احكي لي كل حاجة

جلس كريم على أقرب كرسي قريبا منه ونكس رأسه
لأسفل بحزن

: مش ده بس الي عرفته للأسف

علياء عصام دويدار

انزع قلب كمال بارتياح، أيعقل أن يكون حدث لها شيء؟
أن تضيق منه مرة أخرى بعد أن كاد يجدها؟ ليردف كريم
بخجل وخزي

: بابا يا عمي

: ماله؟!

ساد الصمت لثواني

: الي عرفته عنه النهاردة هد الصورة الي كنت راسمها
ليه في خيالي الأب المثالي الشريف الي لا غبار عليه كل
ده اتهد

: فهمت تبقي عرفت ... اكيد صدمتك في ابوك مش قليلة
دلوقتي ومش سهل أنك تتقبلها بسهولة أنا نفسي فضلت
ورا الموضوع لحد ما اتأكدت للأسف كل الي عرفته
بيأكد أن أبوك بيودي نفسه في داهية بأيده انت فاهم يعني
ايه أدويه فاسدة يعني ملايين من الأرواح ملهاش ذنب
هتموت ده غير الشباب الي هتبقي مدمنه من غير ما تحس
كل ده بسببه هو

نظر له كريم بدهشة

: عمي انت كنت عارف؟!

هز كمال رأسه بحزن

: من زمان بس كنت محتاج دليل أهم حاجة لازم
نعملها دلوقتي إننا نعرف مكان ليلي أكيد هنقدر نلحق
أبوك قبل ما ينفذ أي حاجة

منذ أن أغلقت معه الهاتف وهي شاردة ما قاله لا يعقل
أبدا؟!!

كل هذا الوقت كانت تأوي ابنة عمه في منزلها دون أن
تعلم كانت بجانبها طوال الوقت وهو يبحث عنها بكل
مكان تلك الفتاة التي كانت تغار منها كانت معها تحت
سقف واحد فازت بقلب والديها حتى أصبحت لا يستطيعان
الاستغناء عنها كأنها ابنتهم

والدها يا إلهي تري كيف تكون ردة فعله عند مجيئهم!؟

كيف ستشرح له الأمر من الأساس!؟

: مالك واقفة كدة ليه؟

: فتون كريم جاي دلوقتي

: نعم ياختي!!

: اسيا تبقي بنت عمه

قالتها بدهشة وهي حتى الآن لم تستوعب الأمر لتتسع
أعين فتون

: ايه ... ازاي!؟

علياء عصام دويدار

: انا زيبي زيكي لحد دلوقتي مش قادرة استوعب ولا أفهم
دول جايبين دلوقتي هنجبها لبابا ازاي؟

: هي ايه دي الي مش عارفة تجيبها لي ازاي؟!
هل ستبالغ إن قالت أنها الآن تود لو أن تتشق الأرض
وتبتلعها

تسمرت كل منهما بمكانها لثواني لتفجر تلك المفاجأة

: بابا أهل اسيا جايبين دلوقتي

: نعم!!

عقد حاجبيه بعدم فهم لتكمل سريعا

: ايوا شافوها النهارده معايا عند الدكتور وجايبين دلوقتي

نظر إليها بشك على من تكذبين يا صغيرة هل تعتقدين
أنني ساذج إلى تلك الدرجة حتى تخيل علي كذبتك
الطفولية تلك ولكن لما الكذب من الأساس بالتأكيد بالأمر
سر وسأعرفه قريبا

أصبح هناك الكثير من الأشياء تحدث خلف ظهري بالفترة
الأخيرة ولن أسمح لهذا الأمر أن يستمر

صوت طرقات سريعة على باب المنزل وقع معها قلب
حياة بين يديها دعت ربها أن تمر تلك الليلة على خير

: مساء الخير

قالها كمال بابتسامة بشوشة

: مساء النور

قالها عبدالله بوجه خالي من التعبير مما أضاف إلى
الموقف الكثير من التوتر حاول كمال تدارك الموقف بكل
هدوء وهو يعرفه بنفسه

: أنا المستشار كمال عمران عم ليلى

: ليلى !!

: ده اسم اسيا الحقيقي يا بابا

قالتها حياة بتوتر ليرمقها عبدالله بضيق يبدو حقا أنه
أصبح آخر من يعلم في هذا البيت

كانت تجلس بالداخل غافلة عما يحدث بالخارج همست
لها حياة

: ليلى

نظرت لها اسيا بدهشه وقد جاء صوت عبدالله من الخلف

: خلاص كدة يعني هتفارقينا

أخذها بأحضانها بحنان أبوي لكنها تسمرت مكانها لم تقو
حتى على رفع يديها تبادله ذلك الحزن كانت شاردة لبعيد
لتصرخ برعب عندما أخبرها

: تعالي يا بنتي عمك وابن عمك مستنينك نفسهم يشوفوكي

علياء عصام دويدار

: لا .. لا لا يا عمي أرجوك لو ليا غلاوة في قلبك زي ما
بتقول ما تخليهمش ياخدوني مشيهم من هنا

هتقت بها كالمجانين جسدها كله يرتجف بين يديه تبكي
كأنها لم تبك من قبل مما أثار دهشة الجميع

: ازاي بس يا بنتي دول أهلك!!

: دول مش أهلي أنا معرفهمش

دخل كمال على صوتها الصارخ ليتمزق قلبه على حالتها
وما وصلت إليه هل هذه أمانه صديقه الذي عهد نفسه أن
يحميها ما دام حيا اقترب منهم ليهتف باسمها بخفوت

التفتت بلهفة على صوته ذلك الذي تعرفه جيدا فهو كان
طوق نجاتها الأخير بتلك الحياة ركضت ناحيته وارتمت
بأحضانها اخذت تبكي لتقول بين شهقاتها

: عمي كمال كنت فين سبتني ليه أنا كنت بموت في اليوم
مية مرة من الخوف

نظر الجميع إلى بعضهم بدشه وأعين متسعة فأخذ كمال
يربت على ظهرها مطمئنا

: غصب عني يا بنتي والله دورت عليكي في كل مكان
كان ناقص اني اشق الأرض نصين وأدور عليكي تحتها
كانت كل حاجة حواليا بتقول اني استسلم للأمر الواقع انك
خلاص.....

قطع جملته ولم يقدر علي نطقها لتتهف حياة

: ليلي انتى فاكراه ازاي؟!!

اختلفت ليلي نظرة أخيرة إلى الجميع قبل أن تنظر إلى الأرض بأسف

: أنا مكنتش فاقدة الذاكرة أصلا

: ايه !!

قالها جميع من بالغرفة بصدمة

: هنفهم كل حاجه دلوقتي بس الأول تعالي معايا في حد برا نفسه يشوفك

قالها كمال وهو يجذبها من يدها إلى الخارج لتتسع ابتسامتها عندما وقعت أنظارنا على كريم ركض كل منهما نحو الآخر بفرحة، عانقا بعضهما عناقاً لم يخلُ من الحزن والعتاب والكثير من الحرج

ترى هل تعلم بما يفعله والده لهذا هربت؟!!

إن لم تكن تعلم فماذا ستكون ردة فعلها عندما يخبرها؟!!

هل ستكرهه؟ هل ستفقد الثقة فيه؟!!

كل تلك أسئلة دارت برأس كريم كانت تحتاج إجابة

لو كانت النظرات تحرق لأحرقتهم نظرات حياة الآن التي تقف تقضم أطرافها بعيد

: كريم وحشتني أوى

علياء عصام دويدار

قالتها ليلي من بين دموعها أخرجها كريم من بين أحضانها
لينظر لها بحرج

: أنا آسف يا ليلي آسف على كل حاجة

: متأسفش يا كريم أنا عارفة أنك مش زيه

إذا كانت تعلم بكل شيء ليرد

: بس انتى افكرتيني ازاي؟!!

: انا مش فاقدة الذاكرة ولا حاجة أنا كنت بقول كدا عشان
خايفة أرجع

انتبهت أخيرا لذلك الواقف بعيدا ينظر لها بابتسامة سمجة
لترد

: انت ايه الي جابك هنا؟!!

قالتها بدهشة وهي تشير إلى عمر

: ايه ده انتوا تعرفوا بعض؟!!

قالها كمال باندهاش ليحبيه عمر بهدوء

: ابوا يا بابا اتقابلنا قبل كدة مرتين هبقي احكيلك بعدين

نظر كمال إليهما بشك لكن هذا لا يهم الآن

: المهم دلوقتي يا ليلي مستعدة تظهري لعمك؟

: ازاي يا عمي دي لو ظهرت دلوقتي هيبقى فيه خطر
عليها؟!!

: ما هي دي هتكون مهمتك يا كريم تحمي ليلى وتعرف
أبوك بيخطط لايه

"أبوك" من كان يصدق أنه سيقف بيوم من الأيام ليخطط
ضد أبيه

: عمي اللي كان عايز يموتني والي قتل أبويا وأمي

: عارف يا ليلى عشان كدة لازم ياخذ جزاؤه حاجات
كتير اتغيرت لما هربتني

: أخذ كل حاجه مش كدة؟

: مش كدة وبس ده بقا يلعب على كيفه ولا همه حد

نظرت إليه بتساؤل

: عزيز بقا يلعب على كبير أوي البيه بعد ما كل
حاجة بقت في ايده بقا يطلع تراخيص لإنتاج وتسويق دوا
جديد ودفع رشاوي لمسؤولين حكوميين عشان يسمحوا
له ينتج الدوا وده طبعا بعد ما يقلل المادة الفعالة ليه و اللي
هي أعلى حاجة في الدوا وينزله السوق بسعر أغلي من
تمنه الأصلي وده غير الآثار الجانبية للدوا الي مش
هنتكتب على العلبة ويمنع أي منافس للدوا أنه يدخل
السوق ودفع رشاوي ممكن توصل لملايين لكوادر طبية
ومستشفيات عشان يستخدموا الدوا ورشاوى لدكاترة
عشان يوصفوا الدوا للمرضي حتى لو مش محتاجينه لحد
ما المريض يدمنه

علياء عصام دويدار

: مستحيل ازای بابا كان مدي الأمان لعمي من غير ما
ياخذ باله من كل الشر ده؟!!

قالتها ليلي بحزن ليربت كمال على كتفها

: ياما حذرت أبوكي بس هو كان طيب كان عنده أمل أن
اخوه يتغير بس للأسف

قطع جملته وهو ينظر لكريم بحرج

كيف؟! كيف لهذا الشاب أن يكون له أب كهذا؟!!

: أنا مستحيل أخليكي تروحي لراجل زي ده يا بنتي

قالها عبدالله بحزم ليخبره كمال باطمئنان

: اطمن يا عم عبدالله أنا عندي الحل أصلا دلوقتي هو الي
لازم يخاف مننا

{الفصل العاشر}

أدركت أخيرا أنه كان مقدرًا لي أن أسير في طريق لا
يشبهني حتى أتعلم كيف أثور بوجه العالم لانتزاع حقي
من رحم الظلم

: ايه هو يا بابا؟

قالها عمر بفضول لينظر له كمال بحزم

: هنلعب على المكشوف

نظر له الجميع بتساؤل ليردف

: يعني انتي هتظهري تاني يا ليلي ظهورك دلوقتي هيفدنا
كثير

: ازاي بس!؟

: اسمعيني يا بنتي الفرصة دلوقتي جات لحد عندك عشان
تتعلمي ازاي تكوني قوية لازم ترجعي حقك وتوقفي قدام
الي أخده وتطالبني بيه وانتي عينك في عينه من غير خوف
وكلنا هنكون جنبك لحظة بلحظة مش كدة يا كريم

قال جملته الأخيرة ليبري ردة فعل كريم كيف ستكون لن
يلومه إذا رفض يعلم أنه الآن بموقف لا يحسد عليه

: طبعا يا عمي

علياء عصام دويدار

قالها كريم وعيناها ممتلئة بالدموع لبيتسم كمال له بإعجاب
اتجهت ليلي إليه بخطوات بطيئة

: كريم انت هتقدر تعمل كده؟؟ ...مهما كان ده ابوك
صدقني مش هلومك لو رفضت تساعدني

حاول جاهدا منع دموعه لبيتسم لها بحب وهو يخبرها

: ابويا؟؟.... ابويا الي اكتشفت اني معرفش عنه حاجة
طول السنين دي الي حاول يقتلك وهو عارف إنك أقرب
حد ليا ابويا تاجر الأدوية الفاسدة تفتكري هو ده الأب الي
افتخر بيه يا ليلي وأخاف عليه يا ليلي

لم يقدر أن يمنع دموعه أكثر من ذلك نظرت إليه حياة
بفخر وإعجاب نعم هذا هو كريم كما عرفته دائما

: كريم أنا آسفة

قالتها ليلي بخجل

: لا لا أنا الي آسف يا ليلي آسف على كل الي حصل

: طب يلا بينا مفيش وقت هفهمك تتصرفي ازاي في
الطريق وتركزي كويس في كل كلمة بتقولها عزيز ذكي
جدا وسهل أوي يكشفنا من أقل غلطة فاهماني

هزت رأسها بنعم وجسدها يرتجف خوفا من القادم

بالسيارة تولى عمر القيادة وهو يختلس إليها النظر من
المرأة كل دقيقة بينما بدأ كمال الحديث

: بصي يا ليلي اسمعي الكلام ده كويس وافهميه انتي
هترجعي تاني لعمك صحيح بس مع شويه تغيير

عقد الجميع حاجبيه بتعجب ليردف بتوضيح

: هنقول زي ما كنتي مفهمة الناس الي كنتي عندهم أنك
فاقدة الذاكرة

: وده هيساعدنا في ايه؟؟

قالتها ليلي بتساؤل

: من ناحية هيساعدنا فا هو هيساعدنا كثير وهيفسر غيابك
أكد لما ترجعي هيسألك كنتي فين المدة دي كلها وياه الي
خلاكي تهربي ولو مكنتيش هربتي مرجعتيش ليه

: طب لو سأها ايه الي خرجها من البيت من الاول؟!

قالها كريم

: اكدد لأنها فاقدة الذاكرة مش هتعرف تجاوب

أوما كريم رأسه بفهم ليردف كمال بحذر

: خلي بالك يا ليلي عمك ذكي ومش سهل وهيكشفك
بسهوره عشان كدة تاخدي بالك من كل كلمة وحركة
بتعلميها انتي داخلة عش دبابير

حاول كريم بث بعض الطمأنينة بداخلها

علياء عصام دويدار

: متفلقيش احنا كلنا جنبك وانا هبقي معاكي مش هسيبك لحظة

نظرت له بامتنان

: مش انت بس الي هتساعدها في حد كمان هيبقى معاكم وينقل ليا كل الاخبار

: مين يا عمي؟؟

: البنت الي ساعدتك تهربي

: شروق!!

: ايوا الصراحة البنت دي ساعدتني كثير عشان اعرف كل البلاوي الي بيعملها عزيز

يا إلهي أقرب الأشخاص الي يتمنى لو يأكل لحمي حبة
أما الغريب فيقف بجانبني دون مقابل هل أصبحنا نعيش
بغابة لا حكم فيها ولا قوانين فقط البقاء للأقوى والأكثر
شرا!!

هذا ما دار بذهنها قطعه صوت كمال وهو يتحدث مع
شروق عبر الهاتف يشرح لها ما ستفعله بحذر ولكن يبدو
أن الأخيرة صدمته بشيء ما

: طيب يا شروق خلاص أنا هتصرف

أغلق معها الهاتف بضيق لينظر لكريم

: في ايه يا عمي؟

خيوط ناعمة

: انت حكيت لباباك عن حياة؟

سقط قلب كريم بين يديه ماذا حياة هل حدث لها مكروه؟

هل أذاها والده؟

هو بالأساس لم يحك لوالده عنها

من أين يعرفها؟!!

: حياة.... مالها؟؟؟

: أبوك مكاف حد يبدأ يراقبها

: ايه ازاي هو يعرفها منين؟!!

: ده مالوش غير تفسير واحد أن ابوك مراقبك بقاله مدة

وعارف عنك كل حاجة وشافك معاها فا عايز يعرف دي

مين

: يعني كان عارف مكاني

قالتها ليلي بذعر

: هو لسه هيبدأ يراقبها وهو لو كان عارف مكانك كان

زمانه خطفك من وسطهم وخلص عليك من بدري

ومحدث كان هيشك فيه

لم يزلها حديثه إلا خوفا ثم نظرت إلي كريم لتتهف

: كريم احنا لازم نحذر حياة تاخذ بالها

علياء عصام دويدار

يجلس الجميع بحزن لم يتوقعوا أن فراقها سيشكل فارقا كبيرا هكذا صحيح أن المدة التي قضتها معهم ليست بطويلة لكنها تركت بداخل كل منهم أثرا لن ينسوه!!

: يا حبيبتي يا بنتي مكناش نعرف أن فراقك هياثر فينا كده والنبي غلاوتها عندي كانت زي البنات تمام قالتها راقية بحزن لينهض بعدها عبد الله بهدوء

: حياة تعالي ورايا

كانت تعلم أن تلك المواجهة قادمة، لكنها لم تكن تعلم أنها قريبة بهذا الشكل نهضت بتوتر ألقت نظرة أخيرة على فتون تبث بداخلها الدعم اتبعته للدخل لتجده يقف أمام تلك النافذة الصغيرة أشار لها أن تجلس أمامه امتثلت لأمره لتسمعه بعدها يتحدث بهدوء

: انتى عارفة أنك انتى واختك أغلى حاجة عندي مش كدة؟

: أكيد

: وعارفة إنى ربتكم على الصراحة والوضوح وأن أي واحدة فيكم يحصل معاها مشكلة أو عايزه تتكلم في حاجة أكون أول واحد تجري عليه وتحكيه صح؟

بدأت بفرك يدها بتوتر لتغمغم بصوت خافت

: ايوا

قالتها لتتسع عيناها بصدمة حين سمعته يقول

خيوط ناعمة

: بس انتوا النهاردة خذلتوني

: بابا أرجوك صدقني ال.....

: لما اكتشف أن بناتي ابتدوا يخبوا عليا وتوصل الدرجة
معاهم للكذب لازم أحس بكدة

: اديني فرصة اشركك كل حاجة

: توعديني أنك متكذبيش

نظرت إلى الأرض بحرج وبصوت خافت

: أوعدك

اتجهت السيارة إلى داخل فيلا عاصم كان أول من هبط
منها هو كريم ليخبرهم بصوت خافت

: انا هدخل دلوقتي لبابا وهقوله أن في معايا مفاجأة برا
وانتي يا ليلي اتصرفي عادي جدا ومتبينيش إنك خايفة
او عي تنسي انتي فاقدة الذاكرة

: حاضر متقلقش

اتجه كريم للداخل وجد والده يجلس يتابع بعض الأخبار
ويبده سيجارة أو شكت على الانتهاء لحظات نظر له كريم
بخيبة أمل

من كان في نظره المثل الأعلى الآن ماذا أصبح مجرما
قاتلا!!

علياء عصام دويدار

تدارك سريعا تلك الدموع التي تملأت بعينيه ورسم
ابتسامة زائفة

: بابا مش هتصدق مين برا معجزة يا بابا معجزة

نظر عزيز إليه بهشه ماذا حدث هل جن كريم أم ماذا؟!!

: فيه ايه يا كريم مالك ومعجزة ايه دي عمك عاصم رجع
من الموت ثاني ولا ايه!؟

قال جملته الأخيرة بسخرية وابتسامة جانبية ليجيبه كريم
سريعا

: لا يا بابا وانت الصادق بنته... ليلى..... ليلى رجعت

صدمه شلت جميع أعضائه

ماذا؟!؟!!

: بابا... بابا انت سامعني روح فين؟!.. أكيد مش مصدق
عندك حق وأنا كمان مكنتش مصدق لحد ما شفت بنفسي

لا ليس الآن ليس بعد أن أوشكت على الوصول إلى كل
ما خططت لأجله

لن تقشل خططي بتلك السهولة لن أسمح لذلك أن يحدث
حتى ولو اضطررت لحرق الأخضر واليابس معا

: بابا... بابا روح فين؟!!

نظر له عزيز بجمود

: عرفت منين أنها عايشة؟!!

: كنت بزور واحد صاحبي في المستشفى شفت واحدة شبه ليلي خارجة من عند الدكتور في الأول مصدقتش معقول الشبه ده روحت وكلمتها عرفت إنها فاقدة الذاكرة ومش فاكرة أي حاجة عن حياتها وأنها عايشة مع راجل غليان ومراته وهما الي لاقوها مغمي عليها في الطريق جنب الفيلا هنا بس مكانوش يعرفوها أخذوها لبيتهم ولما فاقت ماكنتش فاكرة اي حاجة وفضلت معاهم

ظل يتابع كريم تعبيرات وجه والده طوال حديثه ليرى ردة فعله، الغريب أنه لم يظهر على وجهه أي تعبير غضب، كره، حزن ندم لكن للأسف لا شيء وجه صلب خالٍ من التعبير وهذا جعله يقلق أكثر!!

: هي فين؟

: برا

اتجه الاثنان إلى الخارج يدعو كريم بسره أن تمر تلك اللعبة على خير ولا يخسر بها أحدا

رآها تقف أمامه بجانب كمال نظر لها بغضب يتمنى لو أن ينقض على عنقها ويتخلص منها الآن ولكن صبرا يا عزيز القليل من الانتظار لن يضر

: ايه يا عزيز مش هتسلم على بنت أخوك؟

نظر له عزيز باستخفاف

: مش لما أتأكد انها ليلي الأول مش ممكن تكون نصابة

علياء عصام دويدار

نظر الجميع إلى بعضهم بتوجس ليبتسم كمال ابتسامه
جانبيه بسخرية

: غريبة أن مش قولت في المشرحة إنها بنت أخوك وأنك
أكثر واحد تعرفها كويس ازاي مش قادر تعرف دلوقتي
إذا كانت دي ليلي أو لا؟!!

: همشي ورا كلامك وأقول إن دي ليلي كانت فين كل
المدة دي؟!!

: منا قولتلك يا بابا ليلي فاقدة الذاكرة ومش فاكرة حاجة
مع الوقت ممكن تفتكر ونعرف منها كل حاجة

: وأنا مش داخل دماغي الكلام ده

: طيب يا عزيز لحد ما تفتنع ليلي هتفضل قاعدة هنا في
بيتها بيت أبوها وانت اقتنع على مهلك

قالها ثم أشار إليها أن تصعد لأعلى

: أنا هطلع معاكي أوريكي اوضتك تعالي

قالها كريم وهو يصعد معها لأعلي

احمرت عينا عزيز بغضب يقسم من يقترب منه أنه يرى
الجحيم داخل عينيه

: طيب أسيبك دلوقتي يا عزيز واشوفك بكر ا يلا يا عمر

اتجه الاثنان خارج المنزل ظل عزيز يتابع خروجهم
بشروء ثم أخرج هاتفه يحدث أحدهم سريعا

خيوط ناعمة

: كريم أنا خيفة أوي

قالتها ليلي بتوتر شديد

: متخافيش كلنا معاكي

: أنا أول ما شفته وعيني جت في عينه حسيت أنني
هعترف بكل حاجة وأنه عارف اني كذابة

: لا أرجوكي يا ليلي اجمدي احنا تمام لحد دلوقتي هي
مسألة وقت وكل حاجة تنتهي

: كلمت حياة ؟

نظر لها بتشتت يتذكر الحديث الذي دار بينهما

قصت حياة على والدها كل شيء عن كريم كيف تعرفت
عليه مقابلاتهم سويا حتى علمت بعلاقته بليلى لتتفاجأ
بسؤال والدها

: بتحبيه؟

نظرت له بأعين متسعة من الدهشة آخر سؤال كانت
تتوقعه الان!!

حب؟؟

هل حقا تحبه أم أنها اعتادت وجوده حولها دائما؟؟

علياء عصام دويدار

ماذا تخبره الآن؟ لا لا هي لا تحبه هي فقط تسعد برويته
تشتاق لغيابه تحب سماع ضحكاته تغار عندما تراه وهو
يتحدث عن فتاه اخري تشعر بالوحدة من دونه

لا داعي للمبالغة بالتأكيد هذا ليس حبا

هو فقط

ماذا ؟

ما هذا الشعور اللعين يا ترى؟؟

: بتحبيه؟؟

كرر سؤاله لتقابله بصمت مرة أخرى

: بصي يا بنتي أنا مش هقول حكم ومواعظ والكلام بتاع
الأفلام ده، بس كل الي هقوله أنه مينفعش...مينفعش
تحبيه صحيح الولد شكله جدع وشهم بس عالمهم غير
عالمنا ولو مش شايفه ده دلوقتي هتشوفيه بعدين وكمان
أنا ايه الي يضمنلي أنه مش زي أبوه دي لوحدها كارثة
أنا مش هدي بنتي لواحد أبوه مجرم

: بس

: حتي لو مش زيه يا حياة حتى لو مش زيه حكاية
أبوه هتفضل شوكة في ظهره طول العمر والكل هيفضل
فاكرها

: بابا أنا مي.....

: انتي بتحبيه يا حياة وعارف أنه مش بأيدك تمنعي
المشاعر دي بس لو حكمتي عقلك هيقولك نفس كلامي

: اديني بس فرصة اشرحلك فيها

: حياة الموضوع ده يتقفل ومش عايزه يتفتح تاني ومش
عايز أسمع أنك شفتيه من ورايا مفهوم

قالها بطريقة غير قابلة للنقاش لتتظر أرضا محاولة كبح
دموعها وبصوت يملؤه الحزن

: حاضر يا بابا

ليرن هاتفها ولم يكن أحد غيره نظرت لوالدها بحيرة
ليقترب منها ويضع وجهها بين كفيه

: أنا واثق فيكي وعارف أنك مش هتخذليني

قال كلمته وتركها في حيرتها

ظلت بحيرتها تلك حتى انقطع الاتصال ليعاود مرة أخرى
لتتخذ القرار ستجيب ولتغلق تلك الصفحة بسلام أزالته
دموعها لتجيب

:الو

: حياة اسمعيني كويس في الي هقوله وركزي معايا

: خير يا كريم ايه الي حصل اسيا...قصدي ليلى بخير؟

: الحمد لله لحد دلوقتي تمام بس عرفت حاجة مهمة

بابا كلف حد يراقبك

ماذا؟!!

مراقبة؟!!

ولها هي !!

هي لا تعرف والده من الأساس!!

العديد من الأسئلة دارت بداخلها أخرجها منها صوته

: أنا عارف أن فيه أسئلة كتير دلوقتي في دماغك محتاجة
إجابة المهم دلوقتي أني عايزك تخلي بالك من نفسك لحد
ما نتقابل وأنا هفهمك كل حاجة

: بس احنا مش هنتقابل تاني

قالتها بحزن ليجيبها بتعجب

: نعم!!

: قصدي يعني أن انا الفترة الي جاية دي مشغولة اوي
وعندي حاجات كتير مش هنعرف نتقابل

: مالك يا حياة؟؟

: أبدا مفيش أنا لازم أقفل دلوقتي سلام

قطعت الخط لنتترك لدموعها العنان، أخذت تبكي كما لم
تبك من قبل أما هو وقف ينظر للهاتف لدقائق بحيرة ماذا
حدث يا ترى؟

{الفصل الحادي عشر}

تعتقد حين يجبرك القدر في بعض الأحيان أن تعيش حياة
لا تناسبك أو ربما هي خدعة منه لتكتشف في النهاية
أنها الحياة الأمثل لشخص بئس مثلك يا صديقي

لم يترك شيئا بالغرفة إلا حطمه

لا .. مستحيل .. ليس الآن بعد أن أوشتك خططي أن
تنجح تأتي هي بكل سهوله لتفسدها لن اسمح لك بذلك لن
تنتصري عليّ أيتها الحقيرة أقسم أنني سأشرب من دمانك
حسنا لننهي تلك اللعبة لقد طالت كثيرا وسوف أخرج منها
الفائز لكن قبل أن تكتب كلمة النهاية يجب أن يندم الجميع
أولهم السيد كمال لنجعله يرى الجحيم إذا

: اهدا يا باشا أكيد لها حل

قالها حاتم

: مبقاش ينفع حلول اللعب دلوقتي بقا على المكشوف
والضربة الي جاية هتبقى في القلب

: أومرني يا باشا

: جهز رجالتك

خيوط ناعمة

تخرجان من بوابة الجامعة متجهتين إلى ذلك المكان الذي
اقترحته يارا

: انتى متأكدة أن المكان ده هيطلع حلو ولا زي بتاع المرة
الي فاتت؟

: لا متقلقيش المكان هيعجبك أوي أنا متأكدة
اتجهت الفتاتان للداخل

اقتربت يارا من إحدى الطاولات اندهشت فتون هناك
أحد يجلس على تلك الطاولة لا ترى منه سوى ظهره
أشارت لها يارا كي تقترب اقتربت بالفعل ورأته
أنه هو

ماذا يفعل هنا؟!

يبدو أنه على معرفة جيدة بيارا، أيعقل أنها تواعده هنا؟
إذا لماذا أحضرتني معها؟!

مد ياسين يده ليصافحها لتمد الأخرى يدها بتحفظ

: أنا الي طلبت من يارا أنها تجيبك هنا عشان عايز اتكلم
معاكي شوية

نظرت فتون لها نظره نارية مستاءة

: احم طيب أنا هعمل مكاملة ضروري عن إنكم

علياء عصام دويدار

قالتها يارا ثم انصرفت سريعا لتتركها معه وحدها نظرت
فتون إليها وهي تتصرف بصدمة حسنا يبدو أن تلك الفتاة
تعجل بنهايتها وقريبا ستكون على يدي

: اتفضلي اقعدي

أشار لها كي تجلس إلا أنها رفضت

: معلش مش هقدر ممكن تقولي كنت عايز تقولي ايه
بسرعة؟

: طيب أكيد مش هنتكلم واحنا واقفين متخافيش مش
هاكلك

: انا مبخافش

: يبقي تقعدي

نظرت له بتحدي ثم جلست بالفعل

: قعدت اهو ممكن تقولي عايز ايه؟!

أشار هو إلى النادل كي يحضر كوبين من العصير ثم عاد
إليها

: باختصار ومن غير لف ودوران أنا معجب بيكي

فغرت فاها بصدمة

ماذا؟؟

كيف ومتى؟؟

هي لم تتره سوى مرتين وفي كل مرة لم تتعد المقابلة
الثواني

هل يمزح هذا الشاب؟!

ظل يرمق ردة فعلها وهو يبتسم

: اقفلي بوقك هيسلم على الأرض

أغلقت فمها بحرج، أتى النادل ووضع الأكواب أمامهم ثم
انصرف

: معلش بس انت قولت ايه؟!

: قولت معجب بيكي وعايز نبقى أصحاب

: لا مش فاهمه يعني ايه؟!

: يعني نخرج نساfer نتكلم ونبقى مع بعض

: أخرج وأسافر وأتكلم مع حد معرفوش ويا ترى
بقي لما أهلي يسألوني رايحة فين أقولهم ايه؟

: فكري في أي كذبة رايحة عند صاحبتك مسافرة تبع
الجامعة أي حاجة

: أكذب عليهم؟

: كذبة بيضا..... ايه رأيك؟

صمتت فتون لثواني ثم نهضت بهدوء التقطت أحد أكواب
العصير لتسكبه فجأة على وجهه نظر جميع من في المكان
إليهم باندهاش

علياء عصام دويدار

: انتي اتجننتي انتي مش عارفة أنا ابن مين؟؟

صرخ بها ياسين

: طظ اسمع يا جدع انت واحفظ كلامي كويس انت ممكن تشتري أي حاجة بفلوسك إلا حاجة واحدة بس بنت أهلها ربوها كويس جدا عشان لما يجي واحد زيك في يوم يقابلها تعرف ترد عليه

التقطت حقيبتها ورحلت سريعا

ليقف هو يحترق غيضا أقسم بداخله أن يكسر تلك الفتاه

: مش قولتلك

قالها زين بعد أن قام من على تلك الطاولة الجانبية التي كان يجلس عليها يتابع الموقف من أوله

: والله لأدفعها تمن ده غالي اوي

: هتعمل ايه يا مجنون!؟

لم يرد عليه تركه ورحل سريعا

: فتون ... فتون ... استني

تهتف بها يارا وهي تركض وراءها لا تفهم شيئا

ماذا حدث؟

ماذا قال لها ياسين كي تغضب هكذا؟

رباه هل أخطأت عندما جاءت بها إلى هنا كي تقابله؟

هو من أخبرها أنه معجب بصديقتها ويريد أن يتحدث معها هل كان يكذب أم إنها ساذجة زيادة عن اللزوم وكان يلح لشيء ما خلف كلمة معجب

: فتون استني اسمعيني

: اسمعي انتي أنا مش عايزه أعرفك تاني انتي فاهمة كنت فكري محترمة أكثر من كدة

لمعت الدموع بعينيهما تلعن ذلك الأحمق بداخلها ألف مرة لوضعه إياها في هذا الموقف الأكثر من مخجل

: ممكن قبل ما تنزلي فيا إهانات تفهمي هو الي جه وقاله إنه معجب بيكي وعايز يتكلم معاكي وأنه مش عارف يتكلم معاكي جوا الجامعة وعايز يقابلك برا

: تقومي تتفقي معاه إنك تجيبيني لحد هنا عشان يعرض عليا عرض رخيص زي ده

: نعم!!..... عرض ايه؟

قصت عليها كل ما حدث لتتسع أعينها بصدمه الحقير كيف يجرؤ

: والله مكنتش أعرف أي حاجة عن الكلام ده

: يارا من فضلك أنا لازم أمشي دلوقتي

: طب هنروح سوا عشان أتأكد إنك سامحتيني

تقف أمام إحدى القاعات تراجع بعض الأوراق ستبدأ
المحاضرة بعد نصف ساعة

: الجميل مركز في ايه؟

: كريم

: ايه رأيك في المفاجأة دي؟

: حلوة

قالتها ببرود ولكن تقسم أن قلبها سيقفز من بين ضلوعه
الآن

: مالك يا حياة؟

: أبدا ولا حاجة عن إذنك بس عندي محاضرة هتبتدي
دلوقتي

قالتها سريعا ثم تركته يقف وحيدا مشتنا... برأسه العديد
من الأسئلة

ماذا بها حياة؟ .. لم تغيرت هكذا؟؟

هل بعد ما عرفته عن والده أصبحت تخجل من الوقوف
معه!!

نعم يبدو أن هذا هو التفسير الصحيح

خسارة حياة كنت أظن أنك مختلفة عن الجميع لكن يبدو
أنني كنت مخطئا

حسننا تبا لقلبي الذي كنت به أعلى الناس

رحل لتتابع هي رحيله من خلف الباب بدموع كالشلال
رحل وتعلم أنه رحل للأبد

أحبه نعم أنا أحبه وبشدة ألم تكن تريد إجابة على سؤالك
يا أبي الآن أعترف أنني لا أستطيع العيش بدونه أن قلبي
لا يعرف السعادة إلا معه ولكن بماذا يفيد الاعتراف الآن

لقد رحل وأعلم جيدا أنني لن أراه ثانية

تري ماذا يقول عني الآن؟

تري هل كان يحبني كما أحبه؟

هل أصبح يكرهني الآن؟

يشق الأرض ذهابا وإيابا وهو يحدث أحد الأشخاص عبر
الهاتف باهتمام شديد

: ها ايه آخر الأخبار؟

: التسليم بعد أسبوع سيكون الساعة ٦ الصبح الأدوية
هنتوزع في جميع محافظات مصر

: المكان؟ لازم نعرف المكان من غيره يبقى معملاش
حاجة

: أنا ببذل كل جهدي عشان أعرف المكان متقلقش هحاول
اعرفه

: مفيش هحاول لازم تعرفه فاهم

قالها كمال بضيق ثم اعلق معه الهاتف ليدخل بعدها عمر

: ها يا بابا ايه آخر الأخبار؟

نظر له كمال بمكر

: غريبه شايفك يعني بقيت مهتم بالموضوع

تهرب عمر من نظراته

: ااا.... ااااه.. عادي يعني

: عادي...طيب ماشي يا ابن عمران.... وخلي بالك احنا

لسه بينا كلام كتير مع بعض أنا لسه معرفش حاجة عن

المرتين اللي انت شفت ليلي فيهم؟

أنقذه جرس الباب خرج سريعا وهو يهرب من نظرات

والده المتفحصة ما إن فتح الباب ليجده هو صديقه المزعج

: حبيب قلبي الي واحشني أنا قولت آجي اتغدي عندكم

أحسن أمي طبخه سبانخ

: يعني ايه بقا الكلام ده!!

قالها عزيز بغضب

: زي ما قولتلك كده يا باشا البننت الي استاذ كريم بيقابلها

هي نفسها الي كانت الست ليلي عايشة عندها الفترة الي

فاتت

خيوط ناعمة

: يعني ايه كريم كان عارف إن ليلي عايشة طول الفترة
الي فاتت طب ليه مقالش ليه خبا عليها!؟

تائه يعترف الآن أن هناك العديد من المواضيع أصبحت
مبهمة بالنسبة له

لَمْ لم يخبره ابنه أن ليلي كانت على قيد الحياة كل تلك
المدّة؟

لَمْ خبأها؟

هل عرف كريم حقيقته؟ هل عرف أنه كان ينوي قتلها؟

لا لا .. كريم لن يصدق عنه أي شيء بتلك السهولة هو
بنظره صورة للأب المثالي

إذا لَمْ أخفى ليلي كل تلك المدّة؟ توجد حلقة مفقودة وطرف
خيوطها معك كريم

ما هذا!؟!

صمت لثوانٍ يتقدم ناحية الباب بخطوات بطيئة هادئة
يراقب هذا الخيال خلف الباب ليفتحه سريعا

: انتي!!

قالها بصدمه ليردف بعدها

: بتعملي ايه هنا انطقي!؟

نظرت له شروق بتوتر وهي تفرك يدها

يا إلهي ماذا تخبره!؟

هل تخبره أنها كانت تتلصص عليهم

ترى ماذا سيفعل بها الآن؟؟

سيقطعها إلي أشلاء ويطعمها للكلاب هذا أقل شيء

: انطقي كنتي بتعملي ايه؟؟

صرخ بها عاليا لتبكي هي كما لم تبكي من قبل

: حالالتم

: أوامر يا باشا

: خدها على تحت وأنا جاي وراك

جذبها من شعرها سريعا لتصرخ هي دون فائدة

تجلس بغرفتها حزينة شاردة تملأ الدموع أعينها تحمل
الكمان بيدها تتذكر مقابلاتهم معا تتذكر الألحان التي
رقصت عليها معه باحلامها لم تعد تخشي أن يراها احد
أو أن يكتشف سرها الحبيب

لم تعد تخشي شيئاً ابدا بعد فراقه

لم تستمع بهتافات شقيقتها

: حياة حياة.....حياااااااا

: الاله...الاله.... في حد يدخل على حد كدة

خيوط ناعمة

: أنا بنادي عليكِ من ساعة وانتي ولا هنا ... ايه ده انتى
كنتي بتعيطي؟!..... وايه إلى في ايدك ده ??

قالتها وهي تشير الي الكمان

: ده احلي حاجه في حياتي

: يعني ايه ؟

: مش مهم ... كنتي عايزة ايه؟

: مالك يا حياه؟!!

ساد الصمت لثوانٍ لم تشعر بهذا السائل الدافئ على
وجنتيها

: تعرفي..... أنا اكتشفت أن مش لازم كل حاجة نفسنا فيها
تتحقق... ساعات بيكون الأحسن إننا نبعد عن الي بنحبهم
..... لأننا بنكتشف بعد كدة أن وجودهم في حياتنا كان
غلط من الأول.....بس ساعات على قد البعد بيكون
الوجع.... وأنا دلوقتي موجوعة يا فتون

: كريم؟!!

قالتها فتون بتساؤل لتحرك حياة رأسها بمعني نعم لتردف
فتون

: صدقيني يا حياة لو ربنا كاتب انكم تبقوا سوا يبقى مفيش
حاجة في الدنيا هتقف قصادكم

مجرد التخيل انهم سويا فقط جعلها تبتسم

علياء عصام دويدار

: ايوا كدة يا شيخة خلي الشمس تدخل بلا نكد.... وبعدين ده واضح أن الهانم مخبية عني حاجات كثير

قالتها وهي تشير بعينيها الي الكمان لتبتسم حياه بخبث

: طب أنا ضحكت اهو انتى بقا مالك؟

قالتها حياة لتتذكر فتون ما حدث مع هذا الشاب لتتصنع ابتسامة زائفة على شفثيها

: متقلقيش أنا كويسة

انتهت!!

نعم تلك هي الكلمة المناسبة الآن

تري ماذا سيفعل بها لقد وقعت بين يدي إنسان بلا ضمير أقل شيء يفعله هو أن يحرقها حية

حتى إذا أخبرته الحقيقة فلن يتركها

قيدها بإحكام على هذا المقعد المهترئ وتركها بتلك الحجرة الصغيرة تقسم أنها لم تر تلك الحجرة بالمنزل من قبل هذا الرجل شيطان بهيئة إنسان

صوت أقدام بطيئة تتجه ناحيتها ليظهر بعدها حاتم وعزيز هبط لمستواها وهو يقول بهدوء

: تفتكري يا شروق بت غلبانة زيك بتجري على أكل
عيشها عشان تدفع علاج أمها العيانة ايه أكثر حاجة غالية
عندها ممكن تخسرها؟

اتسعت أعين شروق بارتياح ماذا يقصد هذا المريض؟؟

نظر عزيز إلى حاتم وهو يغمز له

: ايه رأيك يا حاتم؟

: مش بطالة يا باشا

عاد عزيز ينظر إليها وكانت في حالة لا يرثى لها

: ايه رأيك بقا تخيلي كدة لو سبته عليك ايه الي ممكن
يعمله فيكي

: أبوس ايدك أنا هقولك على كل الي انت عايزه بس
سييني في حالي

ملأت الابتسامة وجهه وقصت عليه شروق كل شيء منذ
أن ساعدت ليلي على الهرب إلى الآن

اشتعلت براكين الغضب بعينه

كان يتوقع كل ذلك لكن ما أغضبه حقا وربما جعله
يضطرب قليلا هو معرفة ابنه بحقيقته

لا لا كريم لا يفهم شيئا لا يعرف لماذا فعلت كل ذلك

أنا أفعل كل ذلك من أجله

لا أريده أن يعيش حياة كالتني عشتها

علياء عصام دويدار

لا أريده أن يعاني كما عانيت أنا

لا أريده أن يرى ما رأيتُه أنا في حياتي من ذل ومهانة
كريم سيفهم ذلك بكل تأكيد نعم أنا أعرف أنه ابني
وسيسامحني على ذلك

حمقى جميعهم حمقى ضعفاء أنا الأقوى هنا، لن تستطيعوا
أن تنتصروا عليّ، سأريكم العذاب ألوانا على يدي، تظن
نفسك الأذكي سيد كمال لنرّ من سينتصر بالأخير،
سأجعلك تركع تحت قدمي وتتوسل لي

: حاااااااااااا رجالتك جاهزين؟

: مستني إشارةك يا باشا

: نفذ حالا

تلقى حاتم الأمر واتجه للخارج سريعا

يجلس ليلا مع رفقاء السوء يتناول كأسا وراء الآخر بغیظ

: ما خلاص يا عم ياسين مش حتة بت متسواش هتعمل
فيك كدة

: ميقاش ياسين إن ما جبتها الأرض وخليتها تبوس رجلي
عشان أرحمها

: هتعمل ايه؟!!

: تفتكر واحدة وقفت في وشي ممكن اعمل فيها ايه؟

خيوط ناعمة

: اوبالالالال تعجبني

ضحك الاثنان معا ليمد صديقه يده بلفافة سوداء صغيره
بها تلك السموم البيضاء

: ودي بقا حطة جديدة لسه جايلي من واحد حبيبي جربها
وهند عيلي يا برنس

التقطها ياسين دون تردد وقام بتجربتها

كانت تجلس بغرفتها بتوتر تشعر بشيء سيء سيحدث
بالتأكيد ذلك الشيطان يخطط لشيء ما لم تره من الصباح
وشروق أيضا أين ذهبت؟! بحثت عنها بكل أرجاء المنزل
دون فائدة

صوت طرقات على باب غرفتها اتجهت لفتح ليظهر
شخص غريب كمم فمها وتسقط فاقدة للوعي!!

كان يسير بسيارته على أقصى سرعة دون وعي سحابة
بيضاء تذهب وتأتي أغلق عينيه وفتحها عدة مرات دون
فائدة الرؤية أمامه مشوشة يشعر أن الأرض حوله
تهتز.... ثواني معدودة واختل توازن السيارة ثم انقلبت
عدة مرات على الطريق

{الفصل الثاني عشر}

الکمان صوت عصفور يتألم عندما كُسر جناحاه وهو
منطلق حرا في سمانه ليسكن عشه فيسقط أرضا فأقدا
حريته ووطنه معا

كانت تائهة مع الألحان لا تعلم أين هي ومن تكون كم مر
من الوقت وهي على هذا الحال لا تعرف ولا تريد أن
تعرف تقف بثقه على هذا المسرح الخالي كالعادة تاركة
لدموعها كل الحرية كي تنهمر على وجنتيها لم تجد أي
مكان تترك لروحها المجروحة أن تصرخ كهذا

لم تفق إلا على صوت الحارس وهو يخبرها أن الوقت قد
تأخر ويجب أن يرحل الآن

توقفت عن العزف وهي تشعر ببعض السكينة حملت
حقيبتها واتجهت خارج المبنى ما إن خرجت حتى توقفت
أمامها سيارة سوداء ضخمة خرج منها أشخاص ملثمين
اختطفوها ثم اختفوا

: أنا خلاص تعبت وواقع من الجوع

قالها خالد وهو متجه خارج الشركة بصحبة عمر

خيوط ناعمة

السيارة السوداء كل هذا حدث في جزء من الثانية لم
يستوعب عقل خالد ما حدث حتى الآن

ماذا!!

ماذا حدث الآن؟

فليخبرني أحد أنا لا أفهم شيئاً!!

هل؟؟ هل؟؟

عمر قد خطف!!

كأنه استوعب الآن كل شيء ليصرخ

: عمررر!!

ضرب الطاولة أمامه بعنف وهو يقف

: نعم يا حيلتها يعني ايه؟!

: والله يا عمي ده الي حصل فجأة جت عربية وقفت قدامنا
خطفت عمر من قدامي وانا ملحقتش حتى أستوعب اللي
حصل

: هو الحقير مفيش غيره عايز يمسكني من ايدي الي
بتوجعني

: تقصد مين؟؟

علياء عصام دويدار

جاء سريعا وهو يركض وقع عليه الخبر كالصاعقة
أمام غرفة العمليات يقف والد ياسين وهو منهار بالبكاء
: ايه الي حصل يا عمي!؟

: زين الحقني يا ابني ياسين بيموت

: ايه الي حصل!؟

: ناس اتصلت بيا قالولي أن ياسين عمل حادثة على
الطريق وجابوه هنا وهو غرقان في دمه ومن ساعتها
وهو في العمليات

يا إلهي ياسين كيف!؟

يدعو الله أن يخرج سليما

صحيح أن ياسين شاب متهور وطائش بكل تصرفاته لكن
بالأخير هو صديقه وعشرة عمرة منذ سنوات يدعو له
دائما بالصلاح إن لم يكن لأجله سيكون لأجل والده
المسكين

ربت على كتف والده باطمئنان

: متفلقش يا عمي ياسين قدها وهيخرج منها على خير

أنهي كلمته ليخرج بعدها الطبيب من العمليات وهو منهك

تأهبت آذانهم جميعا للسمع

خيوط ناعمة

: الحالة كانت صعبة جدا والحقيقة احنا بذلنا أقصى جهدنا
لكن للأسف المريض دخل في غيبوبة ومش عارفين
ممكن يخرج منها امتى

: غيبوبة!!

قالها والد ياسين بصدمة

: ده غير كمان إننا عملنا تحاليل طلع إن كان فيه
في جسمه نوع قاتل من المخدرات كان واخده قبل الحادثة

: مخدرات انت بتقول ايه!!.... انت متأكد ان اللي
جوا اسمه ياسين الحق يا زين الراجل ده بيقول ايه؟!

: اهدا يا عمي أرجوك طب يا دكتور ايه الي ممكن
نعمله في حالة زي دي

: مفيش حل في أيدينا غير أننا نستنى

: طب أنا ممكن أسفره برا أوديه أكبر مستشفى في العالم

قالها والد ياسين بانفعال

: مش هيعملوا أكثر من الي احنا عملناه

: طب هو ممكن يفوق امتى؟؟

قالها زين

: مقدرش أحدد ممكن شهر .. اتنين .. سنة

: سنة!!

قالها والده

: أنا مش عايزكم تفقدوا الأمل إن شاء الله يفوق قريب لكن
أهم حاجة دلوقتي إنكم تدعوله يقوم بالسلامة عن إنكم

انصرف الطبيب نظر زين إلى والد ياسين كان بحالة لا
يرثى لها وكأن ظهره قد انكسر فجأة

: ايه الي الدكتور قاله ده يا زين معقول ياسين يجيله كل
ده ومخدرات ايه الي بيقول عليها دي؟!!

: متفكرش في أي حاجة دلوقتي يا عمي غير أنك تدعيه
أي حاجة تانية نتكلم فيها بعدين

: يااa

بمنتصف الليل ...

يبحث عنها بكل مكان لا أثر لها أين ذهبت هذه؟ انتابه
القلق

ليلي أين أنت؟؟

انتبه لرنين هاتفه برقم غريب

: الو

: استاذ كريم

: ايوا مين؟

خيوط ناعمة

: أنا فتون أخت حياة

دق قلبه سريعا بخوف

: اه أهلا خير حياة كويسة؟

: حياة مرجعتش البيت لحد دلوقتي واحنا كلنا خايفين
عليها

: نعم يعني.....

قطع كلماته كأنه تذكر شيئا

ليلى ليست بالبيت

وحياة كذلك

أيعقل أن.....!!!

لا لا مستحيل لن تصل بوالده درجه الشر إلى هذا الحد

: أستاذ كريم كريم انت روحت فين؟!

خرج من شروده على صوتها

: فتون اسمعي كويس هدي كل اللي عندك وأنا جايلكم
حالا

: أختي فين يا كريم!؟

قالتها بدموع و قد استشعر قلبها أن شيئا سيئا بالفعل قد
حدث

: أنا هاجي وافهمكم كل حاجة

علياء عصام دويدار

أغلق معها الخط سريعا فهو غير مستعد للحديث وتقديم
أي تبريرات الآن فالواقع يقول إن حياة مخطوفة الآن
وبسببه هو

ركض للخارج سريعا ليجد أن هناك سيارة قد توقفت أمام
المنزل وهبط منها كمال ومعه شخص ما، اتجه إليه
وعلامات الشر جميعها على وجهه

: الحق يا عمي بابا خطف ليلي وحياة

: وخطف ابني كمان

: ابنك!!

نظر له كمال بشر

: اسمع يا كريم أنا الحاجة الوحيدة اللي كان ممكن تشفع
لأبوك عندي هي إنك ابنه لكن لحد ابني فا انا الي
يمس شعرة واحدة بس منه همحيه من على وش الأرض

نكس كريم رأسه أرضا خجلا منه

نعم معه حق بل معه كل الحق

سيغفر له الآن إن انقض على عنقه انتقاما لابنه

رفع رأسه أخيرا بانكسار

: عندك حق يا عمي و..... ولو عايز تاخذ حقك مني أنا
خده وهيبقى معاك حق

خيوط ناعمة

: لا يا ابني انت ملكش ذنب أن ابوك واحد شيطان ...
حق ابني أنا هاخده منه هو وانا عيني في عينه مش زي
ما هو عمل

تحدث خالد أخيرا

: المهم دلوقتي يا جماعة نعرف هو ممكن يخبي عمر
فين؟

: سيبيني يا فتون او عي

: يا بابا استني بس رايح فين؟؟

: هدور على أختك مش راجع غير بيها ... وحسابي معاكم
بعدين

قالها عبد الله بغضب وهو ينظر بشفقة لزوجته التي انفطر
قلبا من كثرة البكاء خوفا على ابنتها، هم بفتح الباب
ليقابله ذلك الشاب بالطبع يذكره جيدا

: استني يا عمي

انقض عليه عبد الله بغضب

: انت ... انت الي ضيعت بنتي وديتها فين انطق

حاول كمال تهدئته فهو مثله الآن يشعر بنفس الخوف على
ابنه

: اهدا يا حج احنا عارفين هي فين

علياء عصام دويدار

: أهدا ايه!! بنتي اختفت وتقولي اهدا

: مش بس بنتك اللي اختفت أنا كمان ابني اتخطف معاها

: اتخطفت!!

قالتها راقية بصدمة

: ارجوك يا عمي اسمعني بس لحظة أو عدك أن حياة
هترجلك سليمة وبخير حتى لو هضحكي بروحي عشانها
وساعتهاساعتها أو عدك إني هبعد عنها وأخرج
من حياتها خالص زي ما انت عاوز

لم يستطع عبد الله الصمود أكثر من ذلك انهار على أقرب
مقعد على الرغم من ادعائه القوة والصلابة إلا أن عينيه
لم تستطيع الكذب أكثر من ذلك لتخونه بعض الدموع
الحبيسة وانهمرت على خديه

اقترب منه كمال

: اهدا يا راجل يا طيب والله عيالنا هيرجعوا بخير الواد
كريم ده راجل بجد وهيو في بوعده

اقترب كريم من والدته حياة ليركع أمامها باعتذار

: أنا آسف كل اللي حصل بسببي انا

: أنا واثقة فيك يا ابني ومؤكد إنك هترجع بنتي سليمة
..... أنا شايفة خوفك عليها في عينيك

خيوط ناعمة

قالتها راقية بثقة أسعدت قلبه وعلى الرغم من ذلك جعلته
يخشى ألا يكون على ذلك القدر من الثقة

اكتفى بابتسامة أسكنت الطمأنينة قلبها أما قلبه هو فكان
خائفاً من أن يجرح قلب تلك الطيبة

كان خالد يقف بأحد الأركان يكتفي بالمشاهدة حتى وقعت
عيناه على تلك السمراء الحزينة كشعاع شمس اخترق
قلبه فأنعش روحه

ما هذا أجننت يا خالد!؟

هل ترى الوقت المناسب لتلك السخافات!؟

ركز باختفاء صديقك الآن

لحظه ولكن هل الحب سخافات!!

{الفصل الثالث عشر}

الخوف المرض الموت ثلاثتهم سواء يعلمون الإنسان
المعنى الأصلي للحياة وأنها ليست سوى مركب ورق
صغير تائه وسط المحيط غارق لا محالة

لا شيء حولها سوى الظلام أدركت الآن أنها مقيدة وذلك
الشيء على عينيها يحجب عنها الرؤية لحظة أذناها تلتقط
صوت أنفاس يبدو أنها أنفاس أكثر من شخص إذن هي
ليست وحدها هنا ربما يبعث ذلك بعض الطمأنينة بداخلها
جيد أنهم لم يكتموا فمها هتفت بصوت عالٍ نسبياً

: حد هنا؟ ... أنا فين؟ انتوا مين؟

لم تجد غير الصمت بدأ جسدها يرتعش خوفاً

ثواني وبدأت تستمع لصوت أقدام تقترب منها!!

انتبهت جميع حواسها لتلك الأصوات

ثم جاءها صوت تعرفه جيداً

: فكوا عيونهم

أزالوا تلك العصابة عن أعينها فكان أول من رآته هو
عمها العزيز يجلس بأريحية أمامها على كرسي كان

خيوط ناعمة

المكان مهجورا تماما لا شيء حولها سوى الغبار
وأصوات الفئران نظرت بجانب عينها حولها

يا إلهي ما هذا !!

عمر وحياة مقيدتين بجانبها مثلها تماما يبدو أنهم في حالة
إغماء

يبدو أن قريبا ممن تحبهم لم يجلب لهم سوى الضرر

: فوقوهم

قالها بأمر ليأتي رجلان من الخلف بجردي مياه
ليسكباهما فوق رأسهما فاق كل منهما فزعا استغرق
الأمر ثواني ليدرك كل منهما أنها في خطر

: حمد الله على السلامة يا ترى الرحلة كانت مريحة

حاول عمر فك تلك القيود بغضب ليخبره عزيز ببرود

: متحاولش متتعيش نفسك مش هيتفك

: سيبهم هما ملهمش ذنب وخذ الفلوس اللي انت
عايزها أنا مش عايزة حاجة بس خليهم يمشوا

قالتها ليلي بارتياح لتصدع منه ضحكة عالية بسخرية

: لا أنا كدا كدا هاخذ الفلوس لأنها حقي سوا بمزاجك أو
غصب عنكبس انتى بقا الي لازم تحتفي من الدنيا
كلها

: ليه ليه الكره ده كله أنا عملت ايه؟!!

علياء عصام دويدار

: مش انتى ... انتى كل ذنبك بس أنك بنت عاصم
عاصم أخويا الي كان طول العمر بيحسنى أنه أحسن
مني إني خدام عنده كان دائما أي مكان عاصم هو الباشا
الناجح المحبوب وانااااا أنا صفر على الشمال هو
ابن الست الغنية الي ابويا اتجوزها على أمي وماتت
بحسرتها على جوزها اللي عاشت عمرها كله تحت رجله
دايما كنت بشوف أبويا بيعامله أحسن مني هو كل أوامره
مجابة وأنا أنا ليا الفتافيت البواقى كان لازم آخذ منه
كل حاجة حتى عمره

: دي كلها أسباب بتوهم نفسك بيها عشان تبرر لنفسك الي
بتعمله

قالتها ليلي باشمئزاز ليتبعها عمر

: ايه الحقد والكراهيه ده يا أخي طب ده ابوك وانت بتكرهه
بسبب معاملته أخوك وبنته ذنبهم ايه!؟

قالها عمر لينظر له عزيز بشر

: وأنا ... أنا كان ذنبي ايه ابويا يكرهني ليه يديله هو كل
حاجة ليه؟؟

: كرهك ليه هو اللي مخليك تشوف الحكاية كدة لكن
لو.....

قالتها حياة ليقاطعها بغضب

خيوط ناعمة

: مش وقت محاضراتك يا دكتورة كمان أنا مش جاي
أرغي معاكم أنا جاي بس أقولكم تترحموا على نفسكم لأن
قريب أوي هبعثلكم تذكرة ذهاب بلا عودة

قالها وأعطاهم ظهره ليهم بالانصراف ليوقفه صوت عمر
بثقة وتصميم

: لا التذكرة دي هتكون ليك انت لما تتمرجح على حبل
المشقة

توقف عزيز ولف ليتقدم إلى عمر نظر بعينيه بثقة مقابلة
ليردف عمر

: فكني وواجهني خليك راجل ولو مرة في حياتك

لكمه عزيز بغل لكمة قوية أظهرت خط من الدماء بجانب
فمه

: فعلا ابن كمال

قالها ثم انصرف

بالصباح الجميع يعمل كخلية نحل داخل المصنع من تعبئة
وتغليف وجمع تلك السموم

اقتحم كمال المكتب مع كريم بغضب

: ابني فين؟

تصنع عزيز الجهل ونظر له بتعجب

: ابنك! وانا مالي بقا ومال ابنك؟

: بقولك ايه يا عزيز ما تيجي نلعب على المكشوف قولي
ابني فين وانا أضمن لك الحماية

صدعت ضحكته بسخرية

: حماية ... ضحكنتي والله أنا بقول توفر الحماية دي ليك
هتحتاجها قريب

: اقسام بالله يا عزيز لو شعرة واحدة اتلمست من ابني
لأخليك تتمني الموت عن الي هتشوفة على ايدي

: وانت يا كريم مش عايز تقول حاجه انت كمان؟

: بابا أنا عارف كل حاجة وعارف إنك خطفت ليلي وحياة
.... بس أرجوك يا بابا حياة ملهاش ذنب هي أصلا
متعرفش عنك حاجة

نظر لابنه بصمت خارجي لكن داخله كان غاضبا من تلك
النظرة التي يراها بعين ابنه يعلمها جيدا نفس النظرة التي
كان ينظر بها إلى أبيه كانت تحمل معنى واحدا فقط
"الخدلان"

ساد الصمت لحظات حتى قطعه عزيز

: طيب طالما كل حاجة بقت مكشوفة خليني بقى أقول الي
عندي اه أنا اللي خطفتهم بس محدش يقلق أنا مش عايز
غير ليلي الباقيين مش مهمين بالنسبالي بس مش هسيبهم
غير لما أنفذ الي في دماغي

: شحنة السموم صح

قالها كمال بسخرية ليصفق له عزيز

: برافو مش مفاجأة بالنسبالي الحقيقة أنك تبقى
عارف بس لو جدع بقى وقفني

: حية يا عزيز حية

: شهادة أعتز بيها اه صحيح وابقى اقرا الفاتحة على
روح البننت دي اللي كنت زارعها في البيت ابقى اختار
صح الناس اللي تساعدك دي كانت غبية أوي

انصدم كمال من بجاجة وكم الشر بهذا الرجل كما فقد
كريم الأمل في أن يتغير أبوه قبل فوات الأوان ليتركوه
جميعا وانصرفوا بغضب ليلوح لهم عزيز ببرود!!

اتجه زين إلى غرفة ياسين ليجد والده يجلس بالخارج يقرأ
بعض آيات القرآن

: عمي

: زين ازيك يا حبيبي

: بخير يا عمي ... ايه أخبار ياسين؟

: زي ما هو.. الدكاترة بتقول مفيش جديد، نسبة
المخدرات اللي كانت في جسمه كانت كبيرة لدرجة انه
كان ممكن

علياء عصام دويدار

لم يستطع تمالك نفسه لتنهمر دموعه على وجنتيه

: اهدا يا عمي إن شاء الله هيقوم ويبقى أحسن من الأول
ياسين قوي وقدها

: أنا السبب يا زين..... أنا السبب طول عمري كنت بعمله
اللي هو عايزه عمري ما قولتله على حاجة لا، وادي
النتيجة ياسين ضاع

: لا يا عمي لا... ياسين هيقوم وقريب كمان أنا حاسس
بكدا... وهيقوم شخص جديد غير الي كان عليه يمكن
الحادثة دي تكون درس قاسي شوية ليه

رفع والده نظره لأعلي يدعو الله بداخله أن يتحقق هذا
الإحساس

مجتمعين حول كمال في جو من التوتر

: أكيد المكان الي هيسلم فيه المخدرات هو أكثر مكان
يقدر يخبيهم فيه

قالها كمال بحذر ليحييه كريم بيأس

: المكان.....ايه هو بقا المكان؟؟

: اهدا يا كريم اليأس مش هيوصلنا لحاجة

قالها خالد ليتذكر كريم نظرة والده حياة محاولة منه لعدم
الاستسلام

خيوط ناعمة

: خالد عنده حق يا كريم احنا مش عايزين نسيب اليأس
يتمكن مننا خلي عندك أمل في ربنا كبير إننا إن شاء الله
هنقدر نعرف مكانهم ويكونوا بخير

قطع حديثه رنين هاتفه ما إن رأي اسم المتصل حتى
أجاب سريعاً

: الو

: ايوه يا كمال بيه

: أرجوك قللي أخبار حلوة

: عرفت المكان

: قللي بسرعة

: بعد يومين الساعة ٦ في (.....)

: انت متأكد؟

: عيب عليك يا باشا انت ناسي أنا مين

: برافو عليك يا سيادة المقدم عمرك ما خذلتني

اغلق معه الخط وهو بقمة سعادته لينظر لهم بانتصار!!

: استعدوا

الساعة السادسة وأمام ذلك المخزن المهجور يقف عزيز
وخلفه حاتم بانتظار تسليم شحنة السموم ثواني وتوقفت

علياء عصام دويدار

أمامهم سيارة سوداء فخمة هبط منها رجل يبدو عليه أنه
بالعقد الخامس من العمر و أخرى نفس النوع هبط منها
أربعة رجال مفتولي العضلات ببذل سوداء صافح ذلك
الرجل عزيز واطمأن على الشحنة بينما اطمأن عزيز
على حقائب الأموال ثواني فقط وتدخلت رجال الشرطة
وبدأ تبادل النيران

بالداخل بدأت ليلى و حياة بالصراخ بينما حاول عمر فك
تلك القيود ونجح في ذلك تسلل خالد وكريم للداخل حاولوا
فك قيود الفتيات

بالخارج أصيب حاتم بطلقه في الرأس بينما رجال
الشرطة بالخارج تتبادل النيران مع هؤلاء المجرمين
ليركض عزيز داخل المخزن وخلفه كمال ثواني وصل
بها عزيز إلى ليلى ليوجه السلاح إلى رأسها تحت أعين
الخوف من الجميع وخاصة ليلى التي شعرت أن نهايتها
أصبحت وشيكة لا محالة

: عزيز فكر في اللي ممكن يحصاك انت كدا بتودي نفسك
في داهية

قالها كمال بحذر

: مانا كدا كدا رايح في داهية ... بس مش هخليكم تتهنوا
أبدا

حاول عمر التقرب منه لكن عزيز كان أسرع ليوجه له
طلقة اخترقت زراعته

: عمررر

صرخ بها كل من كمال وخالد

بينما صرخ كريم بوجه أبيه

: بس بقايا بابا كفاية أرجوك وقف الي بتعلمه ده

: أوقف بعد ايه خلاص مبقاش ينفع كل حاجة راحت

كل حاجة خططت ليها باظت حتي انت روحت مني

وبقيت تكرهني مش كدا يا كريم؟؟

: سيبها يا بابا سيبها أرجوك

: انطق بقيت تكرهني مش كدا ... بقيت تستعر مني

صح؟؟

قالها بصراخ لتدخل فجأة بعض رجال الشرطة ليوجه

إليهم عزيز بعض الطلقات لم ينتبه أنه وجه السلاح إلى

ابنه لتخترق إحدي الرصاصات صدر كريم

صرخة قوية خرجت من حياة وليلى

تقدم رجال الشرطة للقبض على عزيز الواقف بحالة

صدمة ينظر لابنه الراقد بالأرض غارقا بدمائه

يجلس عمر على السرير بإرهاق وقد علق زراعته الأيسر

بحامل طبي يجلس بجانبه خالد وكمال

: حمد الله على السلامة يا حبيبي

علياء عصام دويدار

: الله يسلمك يا بابا

: حمد الله على السلامة يا بطل

قالها خالد وهو يضربه على زراعته المصاب لتصدر منه
تأوه

: اااه اطلع برا يا حيوان

: اسف اسف من فرحتي بيك وانت قايم بالسلامة

: فرحان بيا ولا فيا

أصدر خالد ضحكة سخريّة

قاطعها عمر بسؤاله عن كريم

: ربنا يقومه بالسلامة الولد ده كل مرة بيكبر في نظري

بالخارج كانت حياة غارقة بين دموعها ونحيبها

هل حقا يمكن أن تفقد كريم؟؟

لا لا تستطيع مجرد تخيل أنه يمكن أن يرحل عنها
للأبد

يعني أنها لن تراه ولو حتى من بعيد تطمئن فقط أنه بخير

تقف ليلى بحالة صدمة كل ما حولها الآن يحدث بسببها
أشخاص تأذوا فقط لأنهم حاولوا مساعدتها وبالأخير كان
جزاؤهم هذا

خيوط ناعمة

يظهر من بعيد أهل حياة يركضون نحوها ما إن رأتهم
حتى انهارت بين أحضان أمها

: الحمد لله يا بنتي إنك بخير الحمد لله

قالتها راقية ليخرج الطبيب بعدها يظهر عليه الإرهاق

: الحالة كانت صعبة ولحقناه في آخر لحظة الرصاصة
كانت قريبة قوي من القلب

: أرجوك يا دكتور عايزة أشوفه

قالتها حياة بخوف

: مينفعش دلوقتي هو هيخرج على العناية المركزة بعد
شويه ... عن اذنكم

في تلك اللحظة كان قد خرج كمال مع عمر وخالد بعد
إصرار عمر للذهاب إلى كريم استمعا لكلام الطبيب

اقتربت ليلي من عمر لتسأله

: أنت بخير؟؟

أسند رأسه على الحائط بارهاق ليهز رأسه بنعم

كانت تحتضن فتون شقيقتها تحت أنظار خالد ليحدث نفسه

: تعالي يا أم خالد شوفي البنات مش جعفر بنت اختك

مرت عدة أيام تحسنت بها حالة كريم قليلا

علياء عصام دويدار

طلبت ليلى مقابلة عزيز داخل السجن ساعدها كمال في ذلك على الرغم من أنه أظهر عدم موافقته على تلك الزيارة لكن تحت إلحاحها الشديد رضخ أخيراً لطلبها

: انتي اتجننتي يا ليلي عايزة تروحي ليه برجلك!!

: ابوه يا عمي عايزة أواجهه أوريه أنه خسر وأنا اللي انتصرت في الآخر

: مش خايفة؟؟

: انا شيلت الكلمة دي من قاموس حياتي خلاص

: اتغيرتي

كانت كلمته أقرب للسؤال لتتنظر له بقوة

: كثير أولهم إني بقيت أقوى

تجلس بالغرفة الخاصة بالزيارات داخل السجن لن تنكر خوفها من تلك المواجهة لكن سبب إصرارها هو أن تثبت لنفسها أنها أصبحت أقوى من قبل لم تعد تلك القطعة الصغيرة الخائفة التي تختبئ من الجميع بل أصبحت ذلك الأسد الذي يزأر حتى يصل إلى ما يريد

وجودها هنا الآن هو إثبات لنفسها على ذلك

ستواجهه ستقف أمامه وجها لوجه لا تخشى شيئاً

هي صاحبة الحق وهو المغتصب

خيوط ناعمة

إذا لم الخوف؟!

انفتح الباب ليدخل هو بتلك البدلة البيضاء الخاصة
بالسجن جلس أمامها

كعادته لم يتغير لا يظهر على ملامحه أي خوف

أظهرت القوة بملامحها

: جايه تشمتي فيا يا بنت اخويا

ابتسمت بسخرية

: غريبه انت لسه فاكر إني بنت اخوك... ده أنا نسيت إنك
عمي

: جاية ليه يا ليلي؟

: جاية أوريك نفسك ... أوريك طمعك وجشعك وصالك
لايه

وقف بغضب وضرب الطاولة أمامهم بقوة

: اوعي تفككري انكم كدا خلاص خلصتم مني لا ده أنا
هرجع وهرجع أقوى من الأول مش أنا اللي انهزم أبدا
فاهمة

: انت فعلا إنسان مريض

: المريض ده خلاكم تعيشوا في رعب وخوف لشهور

: وفي الآخر ايه ... بالبدلة البيضاء واستعد عشان هتتحول
حمرا قريب

علياء عصام دويدار

: ايه دا .. غريبة القطة الخرسا طلع لها لسان

: البركة فيك

: صدقيني مش دايمما الخير بينتصر

: انت واخذ بالك انت فين ... بص حواليك ده سجن وانت

محبوس جواه اصحى

: هخرج وهوريكم

: ورينا شطارتك

: برا براللا اطلعي براللا

صرخ بها بقوه لتخرج سريعا من أمامه ويعود مرة أخرى

إلى زنزانته

لن تنكر أن حديثه معها بتلك الثقة ألقها

: حصل ايه؟

قالها كمال بعد أن جلست بجانبه داخل السيارة

: أنا مش مرتاحة

: ليه؟

: ده اتكلم بثقة أوي كأنه واثق أنه هيخرج

: طبيعي مش عايز بيان ضعيف قدامك بس متقلقيش

هخليهم يفتحوا عينهم عليه

: ياريت

خيوط ناعمة

:تعرفي أنهم قالولي أنه طلب منهم يظمن على كريم
رغم حقارة النبي آدم ده إلا إن مفيش إنسان مش عنده
نقطة ضعف

قالها وانطلق بعدها بسيارته

{الفصل الأخير}

اصمت أيها القلب الخائن لو كنت بين يدي الآن لأخرست
نبضاتك المزعجة تلك، ألم أخبرك أنني قد دفنت
مشاعري بيدي منذ وقت قريب؟

تجلس بجانبه منذ وقت طويل تنتظر أن يستيقظ تود فقط
أن تتأكد أنه بخير اشتاقت له كثيرا أيام مرت وهو بالعناية
مرت عليها كسنوات من العذاب

حقا لم تكن تعلم أنها تحبه إلى هذه الدرجة!!

بدأ يحرك رأسه بألم فتح عينيه تدريجيا كان وجهها أول
شيء تقابله عيناه

: حياة

قالها بألم

: كريم حمد الله على السلامة حاسس بايه؟ تحب أجيب
الدكتور؟

: أنا كويس متشكر أوي

ساد الصمت لحظات حتى كسرتة هي

خيوط ناعمة

: أنا ... أنا خفت عليك

: أنا اسف ... بس متفلقيش من هنا ورايح مش هتقلقي أبدا

: كريم أنا

: من فضلك يا حياة ممكن تسيبيني عايز ارتاح

: بس انا مقدرش اسيبك لوحدك

: انتي مش مضطره تفضلي جنبني عشان تردى الجميل

رد جميل!!

ما هذا الهراء منذ متى وعلاقتهم تحمل تلك المعاني

كيف يفكر هو في ذلك من الأساس!!

: كريم انت بتقول ايه أنا.....

: أنا بقول الي انتي عايزة تقوليه ومش قادرة عشان خايفة

إنى ازعل ... انتي مش عايزة تفضلي جنب واحد أبوه

مجرم وقاتل ... امشي يا حياة امشي وصدقيني أنا هعذرك

اتسعت عيناها بصدمة تود أن تصرخ بوجهه تود لو تكسر

رأسه تلك التي تفكر بطريقة حمقاء مثله

كيف لم ير نظرة الخوف بعينيها!؟

كيف لم يعلم أنها أصبحت تحسب الدقائق والثواني من

عمرها منذ أن قابلته!؟

كيف لم يشعر بدقات قلبها العالية منذ أن عاد إلي الحياة!؟

ماذا يظن؟

هل يظن أنني سأتسول الحب منه؟! لا وألف لا

لن اسمح لقلبي بتلك الإهانة

حسنًا سأرحل وإلى الأبد

حملت حقيبتها لتجيبه قبل أن تخرج

: فعلا أنت عندك حق... أنا كنت معاك لحد آخر لحظة

لكن لحد هنا وكفاية

قالتها ثم انصرفت

بلا دموع

أو انهيار...

ربما خذلان

تجلس فتون بالأسفل منتظرة حياة رآها زين وهو متجه

كعادته لرؤية ياسين

أخبره الأطباء أن حالته كما هي لا جديد

شك زين أنها ربما علمت بما حدث له فجاءت لرؤيته

اقترب منها بحذر

: مساء الخير

رفعت عينيها إليه بتعجب

: أهلا

حسنا يبدو أنها لم تتذكره

: أنا زين صاحب ياسين معاكي في الجامعة

ظهر الضيق على وجهها دون رد

: هو انتى جاية تشوفي ياسين؟

: أفندم!!

حسنا يبدو أنها لم تعلم

شعر بالحرج لكن لينظر إلى النصف الممتلئ من الكوب

تلك فرصة جيدة ليتحدث معها ويصرح عما بداخله

تجاهها

نعم لن ينكر مشاعر الإعجاب بداخله تجاهها

: اسمحيلي أقعد؟

: اتفضل

: ياسين من فترة عمل حادثة كبيرة أوي بالعربية ودخل

في غيبوبة الله اعلم هيفوق امتى الدكاترة نفسهم مش

عارفين هو محجوز هنا في المستشفى عشان كدا لما

شوفتك قولت ممكن تكوني عرفتي وجاية تشوفيه

: ايه؟! ... لا حول ولا قوه الا بالله.... لا جاية أزور حد

تاني

ساد الصمت لحظات ثم كسره هو

علياء عصام دويدار

: أنا عارف أنه مش وقته بس ممكن أتكلم معاكي؟

: اتفضل

: بصراحة ومن غير كلام كتير أنا معجب

: است....

: قبل ما تقولي أي حاجة أنا مش زي ياسين أنا عارف
الي عمله معاكي بس صدقيني أنا مش زيه

: من ناحية مش زيه فا دي أنا اخدت بالي منها أما
مشاعرك ناحيتي فا دي أنا بشكرك عليها وبقدرها
لكن.....

: في حد في حياتك؟

: لا

: أمال؟!

: مش وقته خالص أنا حاليا مش مستعدة لده .. فاهمني؟

نظرت له بابتسامة بسيطة وهمت بالرحيل لكنه أوقفها

: فتون

نظرت له باستفهام ليرد

: أنا عارف ان الي عمله ياسين معاكي مش هيشفع له بده
عندك لكن ... ممكن تسامحيه يمكن تحصل معجزة ويفوق

تسامحه!!

خيوط ناعمة

بالتأكيد ستفعل هي ليست مثله

هو الآن إنسان لا حول له ولا قوة

ستسامحه وستتمني له الشفاء أيضا عسى أن يكون ما حدث له درسا قاسيا يعيده شخصا آخر

: أكيد سامحته وأتمني أنه يقوم بخير

قالتها وتركته وحده مع خيبة أمله

لم تدرك هي تلك الأعين التي كانت تراقبها منذ فترة كان ذاهبا لزيارة كريم ليراها مع هذا الفتى

من يكون هل هو حبيبها يا ترى؟؟

قابلها وهي تصعد السلالم

: ازيك

: أهلا.. أستاذ.....

: خالد مهو الي حصل خلاكي متعرفيش اسمي

: فعلا أهلا بيك

: انتي طالعة لكريم؟

: ايوه حياة فوق

: حمد الله على سلامتها

: متشكرة أوي

علياء عصام دويدار

كانا قد اقتربا من غرفة كريم لينفتح الباب سريعا وتظهر
حياة وهي تركض نادتها فتون أكثر من مرة دون رد
لتركض هي وراءها بعد أن استأذنت منه
دخل هو لكريم

: هببت ايه يا منيل ده انت لسه فايق!؟

تقدم زين ناحية غرفة ياسين ليجد والده يركض ناحيته
بفرحة

: زين ياسين فاق يا زين... الحمدلله يا رب

: يا ابني قول حمد الله على السلامة الأول

: حمد الله على سلامتك يا سيدي

: الله يسلمك ... عمر أخباره ايه

: كويس الحمدلله هو جاي في الطريق مع عمو كمال
وليلي

ساد الصمت لحظات قطعه خالد

: كانت خايفة عليك أوي على فكرة

قالها بنظرة ذات مغزى فهمها هو ثم وجه نظره للجهة
الأخرى بشرود

خيوط ناعمة

طرقات على الباب أطل منه بعدها كمال مع ليلى وعمر
الذي ما زال واضعا يده بذلك الحامل الطبي

ركضت ليلى ناحيته بفرحة

: كريم الحمد لله ... حمد الله علي سلامتكَ ... وحشتني
اوي

: حمد الله على سلامتكَ انتي

: شكرا على كل اللي عملته عشاني

: أنا عملت الي كان لازم يتعمل يا ليلى

: حمد الله على سلامتكَ يا بطل

قالها كمال بحب

: الله يسلمك يا عمي ... عامل ايه دلوقتي يا عمر

: بخير الحمد لله جت سليمة

: حياة فين؟؟

قالتها ليلى لينظر خالد وكريم كل منهما للآخر

: حياة بعدت للأبد

قالها كريم بشرود بتعقد ليلى حاجبها بتساؤل

: يعني ايه؟!!

: مستحيل أخليها تربط حياتها بواحد أبوه مجرم لا وكمان
اتخطفبت بسببه

: كريم يا حبيبي انت عبيط؟

: ايه!!

: لا انت شكك بتخرف من البنج صح

: ليلي انا مش بهزر

: لا الي انت بتقوله ده هزار لأن المفروض إنك عارف
حياة اكثر مني وعارف أنها مستحيل تفكر كدا

: ليلي عندها حق يا ابني البننت بتحبك وكانت هتموت من
الخوف عليك وانت في العمليات

قالها كمال

: ويا تري بقا هي هتنسي اللي أبويا عمله فيها ولو نسيت
أهلها هينسوا إن أنا ابن الراجل ده

أردف بعدها كمال بتفهم

: أهلها ناس طيبين وأكيد شافوا انت عملت ايه عشانها
واتأكدوا إنك بتحبتها

يوم النطق بالحكم يجلس الجميع بقاعة المحكمة

لم يُزل خالد عينيه عن فتون كما لم يفعل كريم

بدأت الجلسة لينا دي الحاجب على رقم القضية لم تستمر
الجلسة طويلا

خيوط ناعمة

وعندما جاءت لحظه النطق بالحكم استعد الجميع لسماع
القاضي

(حكمت المحكمة حضوريا وبإجماع الآراء على المتهم
عزيز سعد الأسيوطي وشهرته عزيز الأسيوطي بالسجن
المشدد خمسة عشر عاما مع الشغل والنفاذ)

ساد الصمت المكان

تقابلت أعين كريم بأعين والده، تقابلت مشاعر الندم مع
خيبة الأمل

هل حقا تلك النظرة التي بعينيك الآن يا أبي هي الاعتذار
أم الوداع

أم كلاهما؟!!

يرى العساكر وهم يسحبونه للداخل لم يستطع التحمل
سمح لقدميه أن تركض ناحيته ارتمى بأحضان والده يبكي
كما لم يبك من قبل اكتفى عزيز باحتضانه فقط ثم رحل

رحل للأبد

مرت عدة أيام تغير بها الكثير انتقلت الوصاية من عزيز
إلى كمال وبدأت حياة في دراسة الصيدلة حتى تستطيع
إكمال ما بدأه والدها وحتى لا تشعر أن ما أفنى به عمره
قد راح هدرا

علياء عصام دويدار

تجلس بحديقة المنزل منتظرة كريم فقد أخبرها أنه يريد لها
بشيء هام لكنها رأت عمر قادما من بعيد

: يا صباح اللي بتغني

: عمر انت متأكد أنك كنت عايش في ألمانيا

: هو انا مش متأكد أوي هي كانت المانيا ولا المنيا

: أنا قولت كده بردو ... ايه الي جابك؟

: ايه قلة الأدب دي طب قولي نورتنا شرفتنا تشرب ايه
.... ايه مفيش دم خالص

: انجز

: يا ساتر قاعد مع عم برعي الفراش كريم يا ستي
اللي بعثلي قالي آجي عشان عايزني في موضوع مهم

: ايه ده وأنا كمان

: أنا عارف على فكرة

: بجد ايه هو؟

: قوليلي لو سمحت يا عموري

: أقول ايه يا خويا؟ عموري!! ... ما تتشف يلا

: يا ساتر يارب فين يا بنتي الرقة بتاعة البنات

: لا متلاقيش عندي الكلام ده اخلص ايه الموضوع؟

: حاضر يا عم برعي اسمع يا سيدي

كالعادة تسبح مع أنغامها بعالم لا يوجد به غيرها هي وتلك
الآلة كانت تعزف رائعة بيتهوفن السيمفونية التاسعة

ظلت تعزف طوال ساعتين دون ملل شعرت بصوت إقدام
تقترب منها ظنت أنه العامل كالعادة سيخبرها أنه يجب
أن يرحل لكنها عندما نظرت حولها كانت المفاجأة.

كريم يقف أمامها بجانب والدها ووالدتها ومعهم الجميع
دون مقدمات وجدته يركع أمامها بحركة رومانسية وبيده
علبة قطيفة

: أنا آسف آسف على كل تصرف غبي عملته آسف
على كل شعور خوف حسيتيه بسببي آسف على كل دمعة
نزلت من عينك وأنا بعيد ... حياة أنا بحبك تتجوزيني؟؟

اه يا إلهي أخيرا

كم كانت تحلم بتلك اللحظة

لا بل هي أجمل مما كانت تحلم به

لم تجبه بل وبدون وعي ارتمت بأحضانها تفاجأ هو كما
تفاجأ الجميع

نظر كريم لوالدها بخجل

: طبعا لو حلفتك إنها أول مرة تعمل كذا مش هتصدق
صح؟

انتبهت لما فعلت لتبتعد سريعا

وقف عمر بجانب ليلي التي كانت تطير من الفرحة
لأجلهم أخيرا كريم حقا يستحق السعادة كما تستحقها حياة
أيضا

: وانتى مش هتظلي بالأبيض زي زهرة النسيان بقا ولا
ايه؟

قالها عمر بياس

: لا هطل بالأسود زي زهرة البتجان

: وماله أهى أي زهرة وخلص

: انت عايز ايه؟

: سلامتك

: الله يسلمك

: استهيلي بقا

: يا ابني الحب والجواز ده مش في دماغي خالص في
حاجات دلوقتي أهم بكثير

كاد أن يرد عليها لكنها تركته واقفا وحده ليقترب منه والده
وهو يبتسم

: أحسن خليها تجننك

: فرحان فيا يا حج مكانش العشم

: يا حمار الي هي بتعمله ده يعرفك أنها بتحبك

: أمال بتعمل مع أمي كده ليه؟

: هتفهم لوحدك بعدين.... بص بص صاحبك بيعمل ايه
أتعلم منه

نظر باتجاه خالد ليجده يتحدث مع فتون وهم يضحكون

: اضحك يا اخويا اضحك بيضالك في الققص يا ابن
المحظوظة

يقترب العسكري من تلك الزنزانة لتتسع عيناه بصدمة
وهو يرى عزيزا معلقا رقبته بذلك الحبل بسقف الغرفة
وعلى الأرض يوجد كرسي خشب

ها قد أنهى عزيز حياته بتلك الطريقة المأساوية

لكن هل ستجعله تلك الطريقة يكفر عن ذنوبه أم أضاف
لروحه ذنبا جديدا يحاسب عليه

صرخ العسكري على الجميع وفتح الغرفة ليحاول أن
يلحقه ولكن بعد فوات الأوان وقد صعدت روحه إلى
خالقها لتلقى حسابها

وعلي بعد مسافة قريبة من زنزانة عزيز يعلو صوت أحد
المساجين وهو يدندن داخل زنزانته

: والله اتوصيت يا واصي وخربت البيت يا واصي

وربما في بعض الأحيان يكون
من الجيد أن ينقطع ذلك الخيط
الذي يربطك ببعض الأشخاص

تمت بحمد الله

٢٠٢٢/٣/٥

المحتويات

3.....	إهداء
5.....	{الفصل الاول}
16.....	{الفصل الثاني}
29.....	{الفصل الثالث}
44.....	{الفصل الرابع}
55.....	{الفصل الخامس}
69.....	{الفصل السادس}
82.....	{الفصل السابع}
95.....	{الفصل الثامن}
107.....	{الفصل التاسع}
124.....	{الفصل العاشر}
139.....	{الفصل الحادي عشر}
156.....	{الفصل الثاني عشر}
167.....	{الفصل الثالث عشر}
183.....	{الفصل الأخير}

خيوط ناعمة

علياء عصام دويدار

هي خيوط ناعمة تربطنا ببعضنا لبعض نتلاقى
عند نهاية طرفها فاحذر أن تشد الخيط بكل
قوة حتى لا تضيع بمنتصف الطريق.